

Yēyuutēkaab lēbkēēyik

Taayta

Siriintēēt, yēē / kikēēsirē āk wōlēē / kikēēsirēē: Kisirē :Luuka kitaabuuni kōōrōōbērēē kitaabuunyii nyoo kibo taay. Mātookunoot kule / kikēēsirēē ānō, nteenee / kikēēsirchinē chii nyēē kitookunoot, nyooto ku boontēēt Tēyōfiilō, kuu kitaabuunyii nyoo kibo taay. Isōōtē :biiko alake kule / kikēēsirē kēnyiitaab 63 KK kubērē :alake kukāākubēk :kēnyiitaab 70 KK.

Kiyēē mii āriit: Inoomēē :kitaabuuni yoo king'ētyinē :nyoo bo lōkōōywēk chēē kāroomēch yoo /kikēēyibē Yēēsu kuwo kibkōōnkōy. Nto yityo, kwoorōōr wōlēē kiibuurto :rubiik Yēērusālēēm kukānyē kuyityiin :kiyoo kikuurtoochinē :Yēēsu ichEEK. Nto yēē ki bēsyēētaab Bēēntēkōōst ku bēsyōōsyēk taman kung'eetee / kākēēyib Yēēsu kuwo kibkōōnkōy, kuchōōnchi ichEEK :Tāmirmiryēētaab Yēyiin ānkōōnyiityi kāāmuukēywēēk. Kung'eetee yooto kuwo taay, kiitichakay :lukēētaab biikaab Kiriistō areet akeenke kung'eetee Yēērusālēēm, Samaaryaa ākoy komoswookik tukul chēbo kōōrēēt (kur. 1:8).

Ikwēnyē :komosta nyoo bo taay nyēbo kitaabuuni soboontaab Bētērō āk kaniseetaab Yēērusālēēm. Kung'eetee kurkeetaab sokool kutas taay, kōōrābchinē soboontaab Bāwulō āk ruutooywēkyii sōmōk ām chooto ki ang'wan choo kiwēēsyētootēē kōōrēētaab Rooma kumukuul āk yoo / kibokiyyoong'tēē kōōk ām kiriinkēētaab Rooma.

Kiyēē āmu: I-ārōōru :kitaabuuni bo Yēyuutēk wōlēē kiikomkoomunto keey :biikaab Kiriistō āk wōlēē kiwuunto :wōlēē kinērēē, wōlēē kitikta keey āk kiyēē kiyey :kāāmuukēywēēkaab Tāmirmiryēētaab Yēyiin ām wōlēē mii :biikaab Kiriistō kumukuul āk wōlēē mii :chii ake tukul nyoo kiikōōyēnchi Kiriistō.

Ārōōrunēēt

¹ Boontēēt Tēyōfiilō, ām kitaabuunyuu nyoo kibo taay, kyaasir ng'aleek tukul chēē rubtooy keey ākoo kiyēē kitoow :Yēēsu kuyey ankooneet ² ākoy bēsyēēt nyoo /kikēēyibēē kuwo kibkōōnkōy. Kiirwookyinē *lēbkēēyikyii choo kikiukkwey ām kāāmuukēywēēkaab Tāmirmiryēētaab Yēyiin, yooto kumānāāwēētii kibkōōnkōy. ³ Yu kāwokung'eetee meet, chocōōboorchi keey lēbkēēyikyii ānkōōbuur ām bēsyōōsyēk artam. Kiiboorchi tukuuk chēē chaang' cheē sukuyey lēbkēēyichoo kuchamta kule kisoboot :inee. King'alaalee tukuuk chēē rubtooy keey ākoo bāytooyiisyēētaab Kaab Yēyiin.

Chōōnēētaab Tāmirmiryēēt āk bāytooyiisyēētaab Yēyiin

⁴ Nto mii bēsyēēt ake, kumii :Yēēsu kwoomē lōkōōy ākoo lēbkēēyichoo, kōōkāloonchi icheek kule, "-Moong'eetee Yēērusālēēm, nteenee okany ākoy / kēērōōbwook Tāmirmiryēētaab Yēyiin kuu yoo kikiukkuurto :Baaba. Kikyāā-āmwook ng'ālyoontoonoo. ⁵ Kiibātisāniisyēē :Yoowaana

1:1 Luuka 1:1-4 **1:2** Luuka 24:44-51 **1:3** Luuka 24:13-52

1:4 Yoowa. 14:16; Luuka 24:49; Yēyuut. 2:4, 33; 11:16; Kala. 3:14; Efēēs. 1:13

bēēko, nteenee ām bēsyōōsyēk chēē ng'ēri +/ makeebatisaneenaak akweek Tāmirmiryēētaab Yēyiin.”⁶ Kubonto keey :Yēēsu lēbkēēyichoo, kuteebbee :lēbkēēyik kule, “Mokoryoontēēt, ara imiitē sōō, ra wēētyooktēēchacheek biikaab *Isrāyēēl ankiibayteech?”⁷ Kukētyi :Yēēsu kule, “Yēyiin nkit :nyēē bāwu ng'aleechaa. Māmākyook ōnkēt kule mākuyēk āyu.⁸ Nteenee, +mōōnyōōru kāāmuukēywēēk yoo kāchōōnchook :Tāmirmiryēētaab Yēyiin. +Mōōmwoowu ng'aleek chēē rubtooy keey āk anii ām Yēērusālēēm, Yuuteeya, Samaaryaa ākoy komoswookik tukul chēbo kōōrēēt.”

/Kikēēyib Yēēsu kuwo kibkōōnkōy

⁹ Yu keewaany :Yēēsu kumwooy ng'aleechu, / kēēyib kuwo kibkōōnkōy kukāsē :lēbkēēyik. Kiker :boolteet Yēēsu kōōtōōchootē kut wokoong'irta. ¹⁰ Kimii :lēbkēēyichoo kōōnyālē barak kubērē nto kas Yēēsu, nto bērē kuweech keey kukas biiko alak āyēēng'. Kikiilaach :bichoo sirook chēē leelach ānkēēyyoonyēē komos ām yoo kimii :icheek. ¹¹ Kumwooichi :bichoo lēbkēēyichoo kule, “Murēchu bo Kalilaaya, ntēē kōōyyoong'iisyē yu ōkāsē barak? Mākōōyēēw :Yēēsu ām kēēlto nyēē wuu nyooto /kākēēybēē.”

Noomnyēēt ām saayeet

1:5 Luuka 3:16 **1:6** Māārkō 11:10; Luuka 24:21; Yoowa. 12:13

1:7 Māārkō 13:32 **1:8** Luuka 24:48; Yoowa. 15:27; Yēyuut. 1:21-22; 2:32; 3:15; 4:33; 5:32; 8:14-19; 10:39-47 **1:9** Māārkō 16:19; Luuka 24:51; 1Bēt. 3:22 **1:11** Mat. 24:30; 26:54; Luuka 21:27; Ng'oong'. 1:7

12 Nto mii yoo, kung'eetee *:lēbkēēyichoo yēē kibo Lekemeetaab *Musēytuuniinēk ankooyeey ākoy Yēerusālēēm. Kitēē :baani nyēē /kēēchāmu / keebeesyet ām bēsyēētaab *Sabaato.*

13 Yu kayit wōlooto, kuba koroofa wōloo kiibuurunēē. Lēbkēēyichooto ku: Bētērō, Yoowaana, Yāākōbō, Antereeya, Filibō, Toomaas, Baatolomaayo, Mataayo, Yāākōbō araab Alfaayo, Simōoni nyēē kāng'unoot ākoo Yuuta araab Yāākōbō. **14** Kituuytōōs kibtaman ām wōlooto kusooyē :tukul ku kiito akeenke. Kiboonto keey āk chēēbyōōsōōk alak āk Maaryaa kaametiitaab Yēēsu āk mbo ng'eetaabkaamet.

/Kikeekwē nyēē kiikeer Yuuta Iskaryoot

15 Nto mii bēsyēēt ake kung'eet :Bētērō ām kwēēnuutaab rubiik bokol akeenke āk tibtēm **16** ānkumwoochi kule, "Mbo ng'eetaabiya, ki ākoy kuyityiin :siruutēchu bo Yēyiin kuu yoo kimwooyē :Tāmirmiryēētaab Yēyiin kubununēē *Tāwuti, kurubta keey Yuuta nyoo kikwēryoonu biiko bokunam Yēēsu. **17** Ki Yuuta akeenke ām acheek ānkikēēyēiyootē tukul. **18-20** / Kikeesir ām Kitaabuutaab Tyēēnwookik kule, 'Kumuskēn :kanyii ānkuyēk kiraatyaa!†" (Boontēēt Tēyōfiilō, kinyōōr :Yuuta beesaanik ām rōkōsoo kiyēyē. / Kikyaalee beesaanichaa mbareet. Wōlooto bo mbaraanaata :wōlēē kiryooktoochinē keey kuwēētēē mēt ānkōōtōl :mooyēēt kuruuyo :kosurēēkyii saang'. Kikas :chii ake tukul ām

* **1:12** Ki lōōyinto :nyiitēnyi nyēē kimāchē kuyitē kiilomiiteet akeenke. **1:12** Luuka 6:13; 24:52 **1:13** Luuka 6:14-16 **1:14** Luuka 8:2-3 **1:16** Tyēēn. 41:9 † **1:18-20** Tyēēnwookik 69:25

Yēērusālēēm ng'aleechu. Kunyoo, /kikēēkuurēē mbaraanaa ‘Ākel Taama’ nyēē ibooru kule ‘Mbaraab koroti’.) Kitas taay :Bētērō kumwooy kule, “/ Kikesir mbo subak kule, ‘Kookeer :chiito ake bārooyintaab chiichoo.’† ²¹ Kunyoo, māchāktōōs / keekwey nyēē keekeer inee. Nto nyooto ku nyoo kikēēboontootē keey tukul kēēmiitē āk Mokoryoontēēt Yēēsu, ²² kutoowunēē yoo kibātisānē :Yoowaana Yēēsu ākoy yoo /kibokēēybē kuwo kibkōōnkōy. Mākuchutēēch :chiichoo sikiiboorunootē :tukul kule kookung'eetee :Yēēsu meet.”

²³ Yooto, / keetwech biiko āyēēng': Yōōsēēf Barsaaba, nto kaayneenyii ake ku Yuustō. Nto nyiin ake ku Matyaa. ²⁴ Yooto /keesaay Yēyiin kule, ‘Mokoryoontēēt, ‘inkētē inyiing’ wōlēē wuu :kāāsōōtēywēēkaab biiko. Kunyoo, iboorwēēch ām bichu āyēēng' kule nkōnō :nyēē ! keekwey ²⁵ kuyey yiisyooni bo *lēbkēēyk nyi kibākooktooy :Yuuta sukuwēētii wōloo kiyēmāktōōs kuwo kubo rōkōsnyii.’’ ²⁶ /Keebar *sēkēēryēēt. Yooto kunam Matyaa. Kung'eetee yooto kuwo taay, kutas keey āk lēbkēēyk chuut ki taman āk akeenke.

2

Kichōōnchi :Tāmirmiryēēt biikaab Kiriistō

¹ Yu kayit bēsyēēt nyēbo *Bēēntēkōōst kōōruruukyi keey :rubiichoo tukul yēēt akeenke.

² Nyēē mā tyaa, kuchōōnēē :bōlātēēt barak nyēē

† **1:18-20** Tyēēnwookik 109:8 **1:18-20** 2Tēt. 21:15; Mat. 27:3-8

1:22 Luuka 1:2; 3:21; 24:51; Yoowa. 15:27 **1:26** Kāālēw. 16:33;
Luuka 1:9 **2:1** Chuy. 23:16

kāmooryēn wuu kibuybuy. Kiker :bōlātoonoo kōōto tukul. ³ Kiisuchi rubiichoo tukuuk chēē wuu āloolātēētaab maat ānkutēbooteē mētēwoy. ⁴ / Kikiinyiityi chii ake tukul ām yooto Tāmirmiryēēt ānkutoow :ake tukul kung'alaal ām kuutiit nyēē -mēēnkētē. Kibo :kāāmuukēywēēchoo Tāmirmiryēētaab Yēyiin.

⁵ Kimii :Yuutayeeek Yēērusālēēm chēē kiikōōnēmchi keey Yēyiin. Kikwoonootēē yēēmōōsyēk chēē tēērchiin ām kōōrēēt. ⁶ Yu kakas bōlātoonoo, kōōruruuch keey. Nto yu kakas :chii ake tukul ām icheek / kēēng'āloolēē kuutiinyii kunam kuut. ⁷ Yooto kulē :bichoo, “Māku nkoolat ūō! So, mā Kalilaayeek :bichu tukul? ⁸ Ntēē kāsē :ake tukul ām acheek kung'āloolē :bichu kuutiinyii! ⁹ Kēēbooyē :alake Baarti, Meetya āk Eelam. Nto alak kubo Meesobotaamnya, kōōrēētaab Yuutayeeek, Kabatookya, Bōōntō ākoo Eesya. ¹⁰ Bo :alake Fruukya, Bamfulyaa, Miisir, rōōrōōkiisyēkaab Liibya chēē lēēkiteē Kurēēn nto alak kubo Rooma ¹¹ chēē Yuutayeeek āk chēē / kiikeeweech kurub ātēbuutēkaab Yuutayeeek. Kwoonēē :alake Kērēētē ākoo Areebya. Ng'āloolē :bichu kuutuweekyoo kōōbooru tukuuk chēbo kwōōng'uut chēē rubtooy keey āk Yēyiin!” ¹² Kutākōōlātē :bichoo, kuteebbee keey kule, “Ng'al nee :chu ēē?” ¹³ Nteenee kiichaasee keey :alake kumwooyē kule, “Bōōkityootiin :chu!”

Kiyēē kimwoochi :Bētērō biiko

2:4 Luuka 3:16 **2:4** Yēyuut. 4:31; 8:17; 10:44-46; 11:15; 15:8;
19:2-6; 1Kōōr. 12:10; 14:1-39 **2:13** 1Kōōr. 14:23

14 Nto mii yoo, kōōyyo :Bētērō taay ānkung'āloolchi biiko choo kikiiruruukyi keey yooto. Kimii yooto :nkicheek *lēbkēēyik chuat tamanu āk akeenke. Kikuurchi :Bētērō barak kule, "Āmwoowook ii, kāābkōōnyoo āk akweek tukul choo ūminyē Yēērusālēēm, ūyēbchi yiit kāroomin kiyēē āmiitē wāāmwoowook. **15** Kookas, tāku :āsiiswēk sōmōk chēbo kōrrōōn. Mābōōkityootiin :bichu kuu wōloo ūsōōtitoooy :akweek. **16** Ityiichē :yuutēyu kiyēē kikiikumwooy *:wōōrkoooyoontēētaab Yēyiin Chōōwēēl kule:

Mwooyē :Yēyiin kule,

17 'Ām bēsyōōsyēkaab lētuut

+māāng'oobchi Tāmirmiryēēnyuu biiko tukul.

Mākung'ōōrso yooto :tibikwook āk wērikwook.
Mākukāsē :āybēērikwook kitōōntōyēēn ām ng'oong'uutēk
ānkumākunyōōru :booyikwook kiirwootik.

18 +Māāng'oobchi mbo Tāmirmiryēēnyuu ām bēsyōōsyēchooto
motwoorikyuu ānku murēn nto koor.

Mākung'ālooltoowoo ām
kāāmuukēywēēkyuu.

19 +Maayey kutook tukuuk chēē -/mākyoomu
ām wōliin bo barak āk wōlēēb ng'wēny.

+/Makiitaata koroti,
kuchō :maata ānkutuskēn :kōōrēēt.

20 Mākumis :asiista ankusalakay :araaweeet
nto yitu :bēsyēēt nyoo wōō bo Yēyiin ānkubo kwōng'uut.

21 +/Makiiraraach chii ake tukul nyoo riirchinē
Yēyiin.'†

22 Mooyēētaab *Isrāyēēl, ōyēbchi yiit ng'aleechu:
Yēēsu nyēbo Nāāsārēēt ku chii nyēē kiiboorunēē
:Yēyiin ng'al chēbo kwōng'uut kuu wōloo ūnkētitooy
:akweek. 23 / Kikiyyokoowook chiichi sooyeyee
kiyēē ūmāchē ām kēēlto nyēē kikiikusat :Yēyiin ām
ng'oomnānēēnyii. Kyoong'eet :akweek āk biikaab
Rooma, obakach ūkwērtoochi murtooywoontēēt.
24 Nteenee kiing'eetee :Yēyiin meet kootyaakta ām
nyalil ake tukul, kuuyu mēēbērē kiimuuchē :meet
kukiilchi inee. 25 Kimwooy :Tāwuti ng'al chēē wuu
nyēē kiing'wēlyēēlē Mokoryoontēēt kule,
'Intōōwoo :Yēyiin kibtaman.

Miitē :Yēyiin āwunyuu nyēbo taay,
kunyoo, māmii :kiy nyēē makutwaaya.

26 Ng'erechaat :mooyēēnyuu
ankaababaybay.

Mākōōbuur :bōōrnyuu kuboonto kāākēnēēt,
27 kuuyu mēēbērē +mēēbākookyi bōōrnyuu
*kāābkwoombiich,
nto ibakaakte kunun :chiing'uung' nyoo chur-
taat.

28 'Kwēēboorwoo kēēlwookik chēbo soboonto,
anku +meeng'ereechaa kuyitita ām
taayeeng'uung'.'†

29 Mbo ng'eetaabiya, okany āchuurtoowook: Kime
*:Tāwuti / ankeemuy. Tāiinkētē mbo raat wōloo
/kikēēmuchinē. 30 Ki *wōōrkoooyoontēētaab Yēyiin

† 2:21 Chōōwēēl 2:28-32 2:21 Yēyuut. 2:36; 9:14, 21; 22:16;
Room. 10:13; Filib. 2:11 2:22 Luuka 24:19; Yoowa. 2:11 2:23

Yēyuut. 4:28 2:24 Luuka 24:5-6; Yēyuut. 4:2 † 2:28 Tyēēnwookik
16:8-11 2:29 1Bāy. 2:10; Yēyuut. 13:36

:Tāwuti ānkiinkētē :inee kiyēē kikiikukuurtoochi :Yēyiin. Kiwoolchi keey :Yēyiin kule makutool chii nyēbo mooyēēnyii kuyēk bāytooyiintēēt. ³¹ Kukāsē kiyēē kimii taay, king'āloolēē ng'eeteetaab meet nyēbo *Kāārārookiintēēt. Kimwooy kule mēēbērē +/mākēēbākookyi kāābkwoombiich, nto mbo kunun :bōōrnyii.

³² Kookoong'eetee :Yēyiin Yēēsu meet ankookeekas :acheek kule man. ³³ /Kōōkiikoochi kōōbuurunēē āwutaab taay nyēbo Yēyiin. Kōōkunyōōr Tāmirmiryēēt kuu yoo kikiikukuurto :Yēyiin, ānku kāākurōōbwēēch Tāmirmiryoonoo. Kunyi, kookas :akweek kuyēyāktōōs :tukuuchoo bēsyooniitēnyi.

³⁴ Mānāāwo *:Tāwuti barak, nteenee kimwooy kule,

'Kimwoochi :Yēyiin Mokoryoontēēnyuu kule:
Ibuurunēē āwunyuu nyēbo taay

³⁵ ākoy yoo kaayeyiing' itēbēē buunikuuk.'†

³⁶ Kunyoo, kukas :biikaab *Isrāyēēl tukul ng'ālyoontooni: Kiyey :Yēyiin Yēēsu nyiitēnyi kyōōkwērtoochi :akweek murtoooywoontēēt kuyēk Mokoryoontēēnyoo ānkuyēk mbo subak Kāārārookiintēēnyoo."

³⁷ Yu kakas :bichoo ng'aleechaa kimwooyē :Bētērō, kung'woonchi miisin ām kiyēē kikiikuyeyakay. Kimwoochi :bichoo Bētērō āk

2:30 2Sām. 7:12-13, 16 **2:31** Tyēēn. 16:10; Luuka 22:67 **2:32**
Yēyuut. 1:8 **2:33** Māārkō 12:36; 14:62; 16:19; Yēyuut. 2:17-18;
5:31-32; 7:55-56; 10:45; Room. 5:5; 8:34; Ēfēēs. 1:20; Kolos. 3:1; Tiitō
3:6 † **2:35** Tyēēn. 110:1

*lēbkēēyik chuut alak kule, “Mbo ng'eetaabiya, ara keeyey nee?”

³⁸ Kukētyi :Bētērō bichoo kule, “Oweekse ām miyootyēēt / ankeebatisan chii ake tukul ām akweek ām kaayneetaab Yēēsu *Kiriistō sukung'eet / kēēnyōōwook kaat. Nto mii yoo, +/ mākēērōōbwook Tāmirmiryēētaab Yēyiin. ³⁹ Kiyooto :nyēē kōōkukuurtoowook :Yēyiin āk lōkōkwook ākoo mbo nkicheek alak choo lōōyēch chēē mākukuur :Yēyiin.”

⁴⁰ Ām ng'aleechuutēchu āk alak chēē chaang', kikāloonchi :Bētērō biiko kumwoochinē kule, “Os-atee keey wōlēē mii :biich chēē moosootiin. Yoo kooyey kuu nyooto, kōōsāru soboonwēkwook.”

⁴¹ /Kikeebatisan biiko choo kicham ng'aleekaab Bētērō. Kitāsyi keey bēsyoonooto :biiko alake chēē kiyitē kisyēērōōk sōmōk.

Wōlēē kiibuurtooy :biikaab Kiriistō chēbo taay

⁴² Kiinēmu keey :bichoo / kikēēbātisānē kuriib kāānēētiisyēētaab *lēbkēēyik. Kiibuurchiintōōs ānkuyēētyēēchinē keey. Kyoomchiintōōs āmiik ānkusooyē :tukul Yēyiin. ⁴³ Kiyey

:lēbkēēyik ng'aleek chēē chaang' chēē / kiilātē, ng'ālyoo nyēē kiiywey icheek :biiko tukul. ⁴⁴ Kiibuurē :biikaab Kiriistō tukul yēēt akeenke ānkuyēētyēēchinē keey ām keel ake tukul.

⁴⁵ Kyooltooy tukuukwaa ānkuyēētyēēchinēē chii ake tukul nyoo kābotyi :kiy. ⁴⁶ Kibēētii

2:37 Luuka 3:10, 12, 14; Yēyuut. 16:30 **2:38** Mat. 28:19; Luuka 3:3; Yēyuut. 3:19 **2:39** Isa. 44:3; Yēyuut. 10:45; Ēfēēs. 2:17 **2:40** Kiruu. 32:5; Yēyuut. 2:21 **2:41** Yēyuut. 2:47; 4:4; 5:14; 6:7; 11:21, 24; 12:24; 14:1; 16:5; 21:20 **2:45** Luuka 12:33

:bichoo kwaak boktuuuytōōs yēbo biiwuutaab *Kōōtaab Yēyiin. Kyoomchiintōōs ām bāybooyyēēt āmiik ām kooriikwaa. ⁴⁷ Kiikoostooy Yēyiin ānkung'ērēkyinē icheek :biikaab kiriinkoonoo. Kitāsu :Mokoryoontēēt biiko alak chēē kimii / kiirāroochē ām bēsyō ake tukul.

3

Kiisoob :Bētērō chii nyēē kichunkutoot

¹ Nto mii bēsyēēt ake, kuwo :Bētērō ākoo Yoowaana *Kōōtaab Yēyiin yēē ki āsiiswēkaab saayeet. Kubēētii, kimii :asiista sokool bēēt. ² Yu makuyit, kukas / kiimutu chiiito ake nyēē kichunkutootiin :kērēēnkōōk kung'eetee / kākēēsich, kuwo yēbo oreet nyēē / kikēēkuurē kule 'Oreet nyēē karaaran'. / Kikiikoochinē chiichoo yooto bo oreet kwaak sukusoomē kōōkoochi kiy :biiko choo iwutē biiwuutaab *Kōōtaab Yēyiin. ³ Yu kakas :chiichoo kichunkutoot kule kikiikuriik :Bētērō āk Yoowaana kōōwut biiy, kusoom beesaanik. ⁴ Kōōrōōtoot :Bētērō āk Yoowaana chiichoo nto yityo kumwooichi :Bētērō kule, "Ikaseech!" ⁵ Koonyal :chiichoo icheek kukānyē kule /kēēmētyi kiy. ⁶ Kumwooichi :Bētērō chiichooto kule, "-Māāboontē beesyaa nteenee mii :kiyēē āboontē ānku +māākōōniing' nyooto. Āmwoowuung' ām kaayneetaab Yēēsu *Kiriistō nyēbo Naāsārēēt, kule ing'eet ānkiwēēsyēt!" ⁷ Kunam :Bētērō āwutaab chiichoo nyēbo taay ānkuyēētyēēchi kōōyyo. Kunyōōr :kērēēnkōōkaab

2:46 Luuka 24:53 **3:1** Luuka 22:8; Yēyuut. 4:1-23; 8:14; 10:3, 30

3:2 Yēyuut. 14:8 **3:6** Yēyuut. 3:16; 4:7, 10; 8:12; 16:18; 19:13

chiichoo nkuruuk areet akeenke. ⁸ Kōōyyo ānkuwēēsyētoot! Kuwēēto keey :chiichooto mbo Bētērō kōōroonchinootē :inee barak kōōkoostoooy Yēyiin ākoy biiy. ⁹ Yu kakas :biiko kuwēēsyētootē :chiichoos ānkōōkoostootē Yēyiin, ¹⁰ kōōnkēt kule ki nyoo kiibuurē oraanaa komos. Kiilat :bichoo ankunam kuut :kiyēē kiyeyakay ām wōlēē mii :chiichoos.

Kiirwookyi :Bētērō biiko

¹¹ Kumii :chiichoos kāyēētyi keey wōlēē kimii :Bētērō ākoo Yoowaana ām yēē / kikēēkuureē Kēēltaab Sōlōmōōn nyēē kitinyē w提醒urwēēt. Koolat :biiko ankulabat ākoy yooto. ¹² Yu kakas :Bētērō kuu nyooto, kumwoochi biiko kule, “Biikaab *Isrāyēēl! Ām nee yu soolat ām kiyēē kayeyakay? Ōbērē akweek kakeeyey chiichi kuwēēsyēt ām kāāmuukēywēēkyoo nto kule kuuyu kēēchurtootiin?

¹³ Acha! Yēyiintēētaab *Abraam, Isaka āk Yāākōōbō, Yēyiintēētaab mbo kuuko :nyēē kayey ng'aleechaa. Kāākōōtōrōōr :Yēyiin motwooriintēēnyii Yēēsu nyoo kyōōtāyē :akweek ām taayeetaab *Bilaato ānkōōrēkēērtē / bokeebakach, ānkoo kikiikumach kule kootyaakta. ¹⁴ Kyootay chii nyēē kichōōnēē wōlēē mii :Yēyiin nyēē churtaat anoomach kule / kiityooktoowook chii nyēē sikoran. ¹⁵ Kyoobakach chii nyēē kichokuyaat kēēltaab soboonto, nteenee kiing'eetee :Yēyiin meet. Kikeekas :acheek kuyēāktōōs :kiyi.

3:8 Yoowa. 5:9; Yēyuut. 14:10 **3:11** Yoowa. 10:23; Yēyuut. 5:12

3:13 Chuy. 3:15; Luuka 23:1-5, 13-25; Yoowa. 17:1; Yēyuut. 7:32

3:14 Isa. 53:11; Mat. 27:19; Luuka 1:35; 23:47; Yēyuut. 7:52; 22:14;

1Bēt. 3:18; 1Yoowa. 2:1 **3:15** Yēyuut. 1:8

16 Kānyōōr :chiichi ōnkētē :akweek nkuruuk kuwēēsyēt kubo kaakaaseet. Kāsob :inee ām kāāmuukēywēēkaab Yēēsu.

17 Kunyoo ii, biikyoo, ōyēyē :akweek ng'aleechu, kimōōnkētē ānkimēēnkētē :nkicheek kāāntōōyikwook. **18** Nteenee kēēliitēnyi :nyēē kaakuyey :Yēyiin sukuyityiin kuu yoo kimwoowu kubununēē wōlēē mii *:wōōrkooyikaab Yēyiin. Kimwooy :Yēyiin kule makunyalil *:Kāārārookiintēēt. **19** Kunyi, oweeksee choolwookātēēt ānkōōyisyi keey Yēyiin / sikēēmētoowook ng'ōōkiswookikwook. **20** Oyey kuu nyooto, sukung'eet ōnyōōru tāloosyēēt kuchōōnēē wōlēē mii :Yēyiin ānkumākōōyook subak Yēēsu nyoo kisimkutool kuyēk Kāārārookiintēēng'woong'. **21** Yēmāktōōs kung'ētunēē :Yēēsu kibkōōnkōy ākoy kut kuyit :bēsyēēt nyēē kētyinēē :Yēyiin kiyake tukul kukaramiit kuu yoo kibo toowunēēt. Kikiikumwooy :Yēyiin ng'aleechu kubununēē wōōrkooyikyii choo kibo kēny. **22** Kimwooyē *:Muusa kule, 'Mākukōōnook :Yēyiintēēng'woong' wōōrkooyoontēēt ake kuchōōnēē wōlēē mii :biikwook nyēē wuu anii. Māchāktōōs ūkāsyi kiyake tukul nyēē mwoowook. **23** Chii ake tukul nyēē kāmākāsyi, mākung'ētitēē wōlēē mii :biikaab Yēyiin.'†

24 Kubooyiit man, kiikung'ooraan *:wōōrkooyikaab Yēyiin tukul bēsyōōsyēchu,

3:16 Luuka 7:50 **3:17** Luuka 23:34; 1Tēm. 1:13 **3:18** Isa. 53:7-8; Tyēēn. 2:1-2; Tyēēn. 22:1; Luuka 22:67; 24:44 **3:19** Yēyuut. 2:38 **3:21** 1Kōōr. 15:25 † **3:23** Kiruutēk 18:15, 18-19 **3:23** Yēyuut. 7:37; 13:32

kung'eetee Sāmwēēl ākoy alak choo kibo lētuunoo.
 25 Mii kuyityiintōōs ām wōlēē ōmiitē :ng'aleekaab
 wōōrkooyichoo āk kiyoo kikuurtoochinē
 :Yēyiin mbo kuukoong'. Kimwoochi Abraam
 kule, 'Mākunyōōr :biikaab kōōrōōsyēk tukul
 kāābēruureētaab Yēyiin kubununēē chii nyēē
 mākuchōōnēē mooyēēng'uung'.† 26 Yoo kikōōnu
 :Yēyiin motwooriintēēnyii Yēēsu, kiiyook kurook
 simkuchō wōlēē ōmiitē :akweek chokōōbēruurook,
 kuwēēchēē ake tukul ām akweek wōlēē mii
 :miyootyēēng'woong'."

4

*Kumii :Bētērō āk Yoowaana taayeetaab
 kōōkwēētaab Yuutayeeek*

¹ Kutākumiī :Bētērō āk Yoowaana tākung'āloolchinē biiko, kukwoonchi :mbo kibkōrōs
 āk nyēē kiiyyoonkyinē riibiikaab *Kōōtaab
 Yēyiin āk *Satukaayeek. ² Manaakas :bichu
 nyēē karaam, yu kimii *:lēbkēēyik kōōnēētiisyē
 ānkwoomchinē biiko kule imuuchē :chii kung'eetee
 meet kubununēē Yēēsu. ³ Kinam :bichoo Bētērō āk
 Yoowaana, nteenee kuuyu kikiikwiimēn :kōōrēēt,
 / keekerta kō ākoy kuyyeech. ⁴ Ānkoo kuwuu
 nyooto, kichamta :biiko chēē chaang' Yēēsu choo
 kikas ng'aleechaa kyoomu :mbo Bētērō. Kitas taay
 :biiko chēē kikiikōōyēnchi ng'ālyoontēētaab Yēyiin
 kubās keey kut kimāchē kuriichē kisyēērōōk muut.

⁵ Yu kāyyēēkunēē, kutuuyo :kāāntōōyik,
 booyik āk kāānēētikaab kiruutēk Yēērusālēēm.

† **3:25** Toowu. 22:18; 26:4 **4:2** Luuka 20:27 **4:2** Yēyuut. 2:24;
 3:15, 26; 4:33; 13:30-31; 17:18; 23:6-9; 26:8, 23 **4:4** Luuka 9:14;
 Yēyuut. 2:41

6 Kāāntōōyichoo ku: *Anaas nyoo ki kibkōrōs nyēē wōō, *Kayaafa, Yoowaana, Alekisaanta āk biiko alak chēē kibo kōōtaab mbo kibkōrōs cheē wōōyēch. **7** /Kikēēkwēryoot Bētērō āk Yoowaana kōōkwoonoo. Yooto, kutoow :kāāntōōyichoo kuteebbee mbo Bētērō kule, “Kākōōnook :ng'oo kāāmuukēywēēk oyey ng'aleechu?” **8** Kumwooichi :Bētērō ām kāāmuukēywēēkaab Tāmirmiryēētaab Yēyiin kule, “Kāāntōōyik āk booyikaab yēēmēēt, **9** yēē ākoo / kēēmiitē bēsyooni / kēētēēbēēnēēch ng'al chēē rubtooy keey ākoo ng'alyoo nyēē karaam nyēē / kōōkēēyēchi chiichi kōchunkutoot ākoo wōlēē /kōkiisobto, **10** kumāchāktōōs kōōnkēt :biikaab *Isrāyēēl tukul kule kōsob :chiichi ām kāāmuukēywēēkaab *Kāārārookiintēēt Yēēsu nyēbo Nāāsārēēt. Inee :nyoo kyōōkŵērtoochinē murtooywoontēēt, nteenee koong'eetee :Yēyiin meet. **11** Yēēsu :nyiitēnyi ku rwaanteet nyoo kyōōtāyē otekte, :nyēē tiiyēywoontēētaab kōōto. **12** Māmii :kēēlto ake nyēbo kaararaacheet :nyēē kiikōōkoochi :Yēyiin biiko nteenee Yēēsu nkit.”

13 Kilat :kōōkwoonoo bo Yuutayeeek ām kāāng'unātēēt nyēē kiboonto :Bētērō āk Yoowaana ānkoo kut ki biich chēē kimāsumānootiin. Nteenee kisēw kule ki rubiikaab Yēēsu :icheek. **14** Nto kuuyu kitākuboontootē keey :chiichoo /kōkiisobē mbo Bētērō, kibotyi :wōlēē kikwiilta icheek. **15** Kunyoo, kumwooichi :bichoo mbo Bētērō kule, “Obe saang”. Nto mii yoo, kōōrwoooch. **16** Kiteebbee

- 4:7** Luuka 20:2 **4:8** Luuka 1:67; Yēyuut. 4:31; 13:9 **4:10**
Yēyuut. 3:6 **4:11** Tyēēn. 118:22; Luuka 20:17; 1Bēt. 2:4-7 **4:12**
Mat. 1:21; Yoowa. 14:6; 1Kōōr. 3:11; 1Tēm. 2:5 **4:13** Luuka 21:15
4:15 Yēyuut. 5:34-35

keey :bichooto kule, “+Makeeyeyee nee bichu ēē? Ntēē kāākōōnkēt :chii ake tukul ām Yēērusālēēm kule kaakuyey :bichu ng'ālyoontooni -/mākyoomu. Kunyi, māmii :wōlēē kēētuuktooy. ¹⁷ Nteenee yēē simātākutistēē :ng'ālyoontooni biiko, +makeeker koong' bichu kumātākwoomchinē biiko lōkōōywēk kuyēyiisyēē kaaynaani.”

¹⁸ Yooto, / kēēkuur mbo Bētērō kooyeey kō / ānkēēmwooichi kusaan tākōōnēētiisyoot kurubta keey āk Yēēsu. ¹⁹ Nteenee kimwooichi :Bētērō ākoo Yoowaana bichooto kule, “Karaam /kiiyweyaak nto /kiiywey Yēyiin? ²⁰ -Mākiimuuchē :acheek keesi-iste kiyēē kiikeekasee koonyek āk yiitiik.”

²¹⁻²² Kimāmii :kiyēē kiimuuchē :bichoo kuyeyee mbo Bētērō kuuyu kiikoostooy :biiko tukul Yēyiin kubo chiichoo kiboonto kēnyiisyēk chēē kikēēytēē artam, nyoo / kikiisoobē ām kēēlloo bo kwōng'uut. Nto subak, kiimuuchē :bichooto koong'eet wōōrōōryēēt. Kunyoo, kibōlchi subak ankubakaakta kubēēchi keey.

Kisaay :biikaab Kiriistō kunyōōr nyikanateet

²³ Yu / kabokiityaakta Bētērō ākoo Yoowaana, kooyeey wōloo kimii :biikwaa ānkubokumwooichi ng'aleek chēē kimwooy :mbo kibkōrōs chēē wōōyēch āk booyik.

²⁴ Yu kakas :bichoo ng'aleechaa kusaay kuku-urchinē barak kule, “Mokoryoontēēt Yēyiin nyoo 'kiiyēyē barak āk ng'wēny, bēēkaab araaray āk tukuuk tukul chēē mii kōōrēēt. ²⁵ King'āloolchinē :Tāmirmiryēēng'uung' kuuko *Tāwuti, kule, ‘Ām nee sukunyēkēriitu :bōrōryōōsyēk alake,

ānkōōbootyinē :Isrāyēēl āsiiswēk ng'al chēē
māyitē wuy?

²⁶ Chōbē keey :bāytooyikwaa kuyey booryēēt
ānkukāākōōruruuch keey :nkicheek kāāntōōyik
sukubooryēē Yēyiin āk chiinyii nyoo
ng'aabaat.[†]

²⁷ Kubooyiit man, kituuyo yu bo kiriinkooni
*:Ērōōtē āk Bōōntyō *Bilaato ākoo biiko choo
mābo kōōrēētaab Isrāyēēl āk choo bo Isrāyēēl.
Kiyēchi ruurumuut motwooriintēēng'uung' Yēēsu,
nyoo 'kiing'aab kuyēk Kāārārookiintēēt. ²⁸ Kiyey
kiyēē kikiisimitiil kēny ām kāāmuukēywēēkuuk
kule makuyeyakay. ²⁹ Kunyi ii, Mokoryoontēēt,
ikas wōlēē kāākōōmuuytēēch ānkiikōōnēēch
acheek motwoorikuuk nyikanateet kyaamte
ng'ālyoontēēng'uung' nyēē māmii :muyāt. ³⁰ Ikōōnu
kāāmuukēywēēkuuk kōōsoobiis ankiiyey tukuuk
chēē /kiilātē āk chēē /mākyoomu ām kaayneetaab
motwooriintēēng'uung' Yēēsu nyoo itabaanaat
kubo yiisyēēng'uung'."

³¹ Yu keewaany :bichoo kusaay, kōōtimtiimākoy
:kōyooto kāmiitē :icheek kusooyēē / ānkiinyiityi
icheek tukul Tāmirmiryēētaab Yēyiin. Yooto,
kwaamtaat ng'ālyoontēētaab Yēyiin ām nyikanateet
nyēē māmii :muyātēēt.

*Kiibuurchiintōōs :biikaab Kiriistō kuu kiy
akeenke*

³² Kikinoomnyo :biiko choo kikiikuchamta
ng'ālyoontēētaab Yēyiin kuyēk kiito akeenke. Māmii
:chii nyēē kiitkuulchinē keey tukuuk nteenee

[†] **4:26** Tyēēnwookik 2:1-2 **4:27** Luuka 23:6-12 **4:28** Yēyuut.
2:23

kibchēchiintōōs āk chuut. ³³ Kiiboor *:lēbkēēyik ām kāāmuukēywēēk kule king'eetee :Mokoryoontēēt Yēēsu meet. Kiibēruur :Yēyiin lēbkēēyichoo tukul ām yiisyēēng'waa. ³⁴ Kimāmii :chii ām icheek nyēē kibotyinē :kiy, kuuyu kyooltooy :alake mbareenik nto kooriik ³⁵ / ānkubokiikoochi beesaanichaa kōōyyoong'unēē āwunnyēkaab lēbkēēyik sukung'eet /kēēyēētyēēchinēē choo boonto nyalilta.

³⁶ Kimii :chiito ake nyēē / kikēēkuurēē Yōōsēēf nyēbo kōōtaab Laawi ānkibo kōōrēētaab Kubrō, nyēē kitoochi :lēbkēēyik kaayneet ake kule 'Barnaaba'. (Ibooru :kaaynaani kule murēn nyēē ikiimē chuut.) ³⁷ Ki inee :akeenke ām choo kyaalta mbareenikwaa ānkōōkooyto beesaanik kōōyyoong'unēē āwunnyēkaab lēbkēēyik.

5

Anannyaā āk cheebyoosyeenyii Safiira

¹ King'eet :chiito ake nyēē / kikēēkuurēē Anannyaā āk cheebyoosyeenyii Safiira kwaalata mbareeng'waa. ² Yu kaakwaalata, kukāsyiin āk cheebyoosyeenyii kung'aal beesaanik kereeryaa ankukonor. Nto yityo, kuyib :Anannyaā beesaanik chuut bokōōyyoong'unēē āwunnyēkaab *lēbkēēyik.

³ Yu kāyib, kumwoochi :Bētērō Anannyaā kule, "Ntēē siicham kutōōrchiing' :Kibrōkōsyoontēēt ng'ōōki kut neennyi 'keeberbeer Tāmirmiryēētaab Yēyiin kule beesaanik tukul :chuutēchu? Ām nee sii-am chuut alak? ⁴ So, ki nyeeng'uung' oob

4:33 Yēyuut. 1:8 **4:34** Kiruu. 15:4 **4:37** Luuka 12:33; 14:33

4:37 Yēyuut. 9:27 **5:2** Yēyuut. 4:35 **5:3** Yoowa. 13:2

:mbareet kumanee-alte? Nto subak kāmātāku cheekuuuk :beesaanichu kwēē-āltēē mbareet? Kunyi, mā chii :nyēē 'keeberbeer, nteenee Yēyiin!"

⁵ Kukāsē :Anannyaaa ng'aleechaa, kōōryookiyinē keey ng'wēny ānkumēē! Kimuuyo miisin :biiko tukul chēē kikas kiyēē kiyeyakay. ⁶ Yooto, kukwoonii :āybēēriik bakeenke ānkubokurātēē ankeet ānkubokumuyē.

⁷ Yu kakeeyta :āsiiswēk sōmōku, kuyitu :cheebyoosyeetaab Anannyaaa āmēēbērē kiinkētē kiyēē kikiikuyeyakay. ⁸ Kuteebbee :Bētērō kule, "Cheebyoos, beesaanik tukul :chuutēchu choo kōbo mbareet?" Kulē :cheebyoosyeet, "Ēē, chooto."

⁹ Kumwoochi :Bētērō kule, "Ntēē sōōkāsyiinē osy-eem Tāmirmiryēētaab Yēyiin? 'Keekas, mii kuyitu :biiko chēē kātākumuyē boontēēng'uung' ānkumii bokumuyiing' nkinyiing'." ¹⁰ Kōōryookiyinē keey bakeenke :cheebyoosyeet kērēēnkkōōkaab Bētērō ānkumēē. Kuyitu :bichoo kātākumuyē Anannyaaa ankukalab cheebyoosyaanaa ānkubokumuchi kochonkeet nyoo kimii :boontēēnyii.

¹¹ Kinam kuut kaniseet tukul āk mbo biiko chēē kiyityi :ng'aleechaa lētuunoo.

Kiisoob :lēbkēēyik biiko chēē chaang'

¹² Kiituyēēchinē keey *:lēbkēēyik tukul yoo bo Kēēlōo bo Sōlōmōōn sukōōnēētē biiko lōkōōywēk kurubta keey Yēēsu. Kiyēyē mbo subak ng'al chēē chaang' chēē /kiilātē. ¹³ Kinyōkōriitu :rubiik chuut alake kulumchi lēbkēēyichoo kubo kāāntōōyikaab Yuutayeek. Ānkoo kuwuu nyooto, kitākōōkoostoooy :biiko lēbkēēyichoo. ¹⁴ Kitas taay :murēnik āk

chēēbyōōsōōk kuchamta Mokoryoontēēt miisin kusiir yoo kibo taay. ¹⁵ Kiyey :ng'aleechaa /kiilātē / kiimut biiko chēē kimnyoontōōs ām tiirboosyek āk kisyēērōōk si yoo kātiiny :kitōōntōyēētaab Bētērō, kusobtōōs. ¹⁶ Kiiruruukoonunēē keey :biiko kiriinkōōsyēk alak chēē kilēēkitēē Yēērusālēēm, kōōmutu biikwaa chēē kimnyoontōōs āk chēē kiyiimē :tāmirmirook chēē miyootēch. /Kikiisoob bichoo tukul.

/Kikēēwus lēbkēēyik

¹⁷ Kimēēchi :moo *kibkōrōs nyēē wōō āk biikyii chēē ki *Satukaayeek ām kiyēē kiyeyakay. ¹⁸ Yooto kunam :icheek *lēbkēēyichoo ankukerta kō.

¹⁹ Nto mii kwēēmooy, kuchō *:malayikeet ānkuchokuyoot. Kimwoochi :malayikaanaa bichooto kule, ²⁰ “Obe ākoy biiwuutaab *Kōōtaab Yēyiin ānkubōōmwoochi biiko ng'aleek tukul kurubta keey sobooni lēēl.”

²¹ Yu kayyeech, kuba :lēbkēēyichoo ākoy biiwuutaab Kōōtaab Yēyiin kuu wōloo /kikēēmwooytoochinē ānkutoow kōōnēētiis.

Kikuur :kibkōrōs nyēē wōō āk biikyii *kōōkwēētaab Yuutayeek kumukuul. Yooto, kōōyookto / bokēēkwērunēē lēbkēēyichoo wōloo / kikēēkērtooy. ²² Nto bērē kuyit :riibiikaab *Kōōtaab Yēyiin wōlooto /kikēēkērtooy lēbkēēyichoo, mānāānyōōr chii. Kōōyēēyē bakeenke ²³ ānkubokumwooyē kule, “Ntēē kābokēēnyōōru tēmēloot :kōōto ānkumii :riibiik kuriibsē kurkat. Nto bērē keeyaat kurkootik, mii ānō :chii kō!” ²⁴ Yu

kakas :kāāyyoong'iintēētaab riibiikaab Kōōtaab Yēyiin āk nkicheek mbo kibkōrōs chēē wōōyēch ng'aleechaa, kunam kuut miisin kule mii kuwēētii ānō :kōōrēēt.

²⁵ Nto mii yoo, kuchō :chiito ake ānkuchokumwooy kule, "Kookas, miitē kōōnēētiisyēē :bichoo kwōōkērtooy kō biiwuutaab Kōōtaab Yēyiin."

²⁶ Kukāsē :kāāyyoong'iintonoo bo riibiik kuu nyooto, kuwēētooy biikyii ānkubokukwoontooy lēbkēēyik nyēē mānāākērchi koong', kuuyu kinyōkōriitu kule imuuchē kuwiirēē :biiko rwoontōōk.

²⁷ Yu / kābokēēkwēryoon lēbkēēyichoo, / kiimutyi kōōkwēētaab Yuutayeek ānkukōrōmchi *:kibkōrōs nyēē wōō, ²⁸ kumwoochinē kule, "Kikiikāloonwook kule -mātōōnēētiisyootēē kaaynaani bo chiichi! Nteenee kookoolaambuuch :kāānēētiisyēēng'woong' Yēērusālēēm kumukuul, ōmwooyē kuleacheek :chēē kikeēbākāchē chiichi." ²⁹ Kukētyi :Bētērō āk lēbkēēyik alak kule, "Māchāktōōs kiiywēyē Yēyiin kusiir yēē kātākiywēyē biiko. ³⁰ Kiing'eetee :Yēyiintēētaab mbo kuuko Yēēsu meet nyoo kyōōbākāchē ūkwērtoochinē keet barak. ³¹ Kōōkukwēryoot :Yēyiin kuwo kibkōōnkōy ānkumii āwunyii nyēbo taay kubāytooyiisyē anku *Kāārārookiintēēt, sukung'eet kuwēēkiis :biikaab Isrāyēēl / ānkēēnyōōchi kaat ām choolwookātēēng'waa. ³² Kyoomtooy :acheek ng'aleechu ānkwoomtooy mbo :nkinee Tāmirmiryēētaab Yēyiin nyoo kiikōōkoochi :Yēyiin

biiko choo kāsyinē inee.”

³³ Yu kakas :kōōkwoonoo kuu nyooto, kung'woonchi miisin. Yooto, kumach kule kubakach lēbkēēyichoo. ³⁴ Nteenee kimii *:Fārisooyiintēēt ake ām kōōkwoonoo nyēē / kikēēkuurēē Kāmālyēēl. Ki kāānēētiintēētaab kiruutēk nyēē kikoonyitē :biiko tukul. Kimwooy kule, “Ōkwēryootē, baa, bichu kuba saang' kisich.”

³⁵ Nto mii yoo, kōōrwookyi kōōkwoonoo kumwoochinē kule, “Kāābkōōnyoo, māchāktōōs ūrōōtotootē kiyēē ūmāchē ūyēchi bichu. ³⁶ Ām kēnyiisyēk chēē ng'ēri choo kookukeeyta, kōchō :ake nyēē / kikēēkuurēē Teewuuta nyēē kiyey keey kule inee ku chiito ake nyēē wōō. Kuroob inee :biiko chēē kimāchē kuyitē bokolwookik ang'wan. Nteenee /keebakach /ankiisereet biikyii tukul ankung'etee yoo :ng'aleekyii. ³⁷ Yooto subak, kookeer :Yuuta nyēbo Kalilaaya ām bēsyōōsyēkaab kāāyiitiisyēēt nyēē wōō nyoo kibo biiko. Kiroob :nkinee biiko chēē chaang', nteenee /kiwaang'ta inee /ankiisereet biikyii. ³⁸ Kunyoo, ām ng'ālyoontooni, āmwoowook kule obakaakte rubiichu bo Yēesu kubēēchi keey kuuyu yēē ākoo chōōnēē :kiyēē mwooyē :bichu wōlēē mii :biiko, kumāyēyē kiy. ³⁹ Nto yēē ākoo chōōnēē wōlēē miitē :Yēyiin, -mōōmuuchē kut okerekte bichu, nteenee, imuuchē bōōyiinēē ūmiitē ūbooryēē Yēyiin.”

Kiyis :ng'aleechaa kāāsōōtēywēēkaab bichooto. ⁴⁰ Yooto, /kēēkuur lēbkēēyichoo kuba kō /ankee-bas. Nto mii yoo, /kēēmwoochi bokusaanee keey

kung'āloolootēē kaayneetaab Yēēsu. Yooto, /keebakaakta kubēēchi keey.

41 King'ēētyēē :lēbkēēyichoo yooto kibo kōōkwoonooto nyēē ng'ērēkootiin, kuuyu ki ng'ālyoo :nyoo nyēbo koonyit miisin kuchamta icheek :Yēyiin kule kunyālil ām kaayneetaab Yēēsu. **42** Kitas taay :lēbkēēyichoo kutēē yēē tēē :bēsyōōsyēk kōōnēētiisyē ānkwoomtootē lōkōōywēk chēē kāroomēch ām biiwuutaab *Kōōtaab Yēyiin āk mbo kung'eetee kōōto ake ākoy ake, kumwooyootē kule *Kāārārookiintēēt :Yēēsu nyoo kimākōōyook :Yēyiin.

6

/Kikeekwēy toorētik tisab

1 Ām bēsyōōsyēchooto yu kimii kuwōōyiitu :laatitaab biikaab Kiriistō, kooteeyee keey :Yuutayeech chēē king'āloolē kuutiitaab Kirikiik kule / kikēēbulbulē chēēbyōōsōōk choo ki Iburaneek / ānkēēsāsē chēēbyōōsōōkwaa chēē ki musuk ām wōlēē / kikēēbchēwuntooy āmiik.
2 Yooto, kōōruruuuch *:lēbkēēyichoo ki taman āk āyēēng' bichooto tukul ānkumwooy kule, "Mēēbērē ng'ālyoo nyēbo man, yoo kakeebakaakte kyaamte ng'ālyoontēētaab Yēyiin ānkēēswēē ng'aleekaab āmit kityō. **3** Kunyoo ii, mbo ng'eetaabiya, okwey biiko tisab chēē tookunootiin kule / kikiinyiityi Tāmirmiryēētaab Yēyiin ānkung'oomēch. Mākuwuulyēē :bichooto ng'aleechuutēchu.

5:40 Mat. 10:17; Yēyuut. 4:18; 5:28 **5:41** Luuka 6:22-23; 1Bēt. 4:13 **5:42** Luuka 22:67; Yēyuut. 2:31; 3:18; 8:5; 9:22; 17:3; 18:5, 28; 26:23 **6:1** Yēyuut. 2:45; 4:35 **6:3** 1Tēm. 3:8-13

⁴ Nteenee +mākēēwuulyēē :acheek saayeet āk ng'ālyoontēētaab Yēyiin."

⁵ King'ērēkyi :biiko tukul ng'aleechaa. Yoto, / keekwey Steefaan (kiikoosēē keey :inee Yēyiin miisin anku / kikiinyiityi Tāmirmiryēēt), Filibō, Burokooro, Nikanoor, Timoon, Barneena ākoo Nikolaawo (nyēē kibo *kiriinkēētaab Antyookya nyēē kikiikuweech keey kusaay Yēyiintēētaab Yuutayee). ⁶ Yoto, / kēēkwērchi bichoo lēbkēēyik kusoochi ānkutiinyēē āwunnyēk.

⁷ / Kikyaamtaat ng'ālyoontēētaab Yēyiin kuyēstoochi kōōrēēt. Kitas taay :laatitaab biikaab Kiriistō kuwōōyiit ām Yēērusālēēm ankuchamta :mbo *kibkōrōs wōlēē wōō Yēēsu.

/Kikeenam Steefaan

⁸ Kiibēruuroot :Steefaan ānkiboonto kāāmuukēywēēk miisin. Kiyey :chiichoo ng'al chēbo kwōng'uut ānkōōboor tukuuk chēē / kiilātē ām wōlēē mii :biiko. ⁹ Kimii :Yuutayee alake chēē kikuurē keey kule 'Biikaab *kōōtaab saayeet chēē / kiikiityaakta' ānkibo kōōrēētaab Kurēēn āk Alekisaantrya āk mbo yēēmōōsyēkaab Kiliikya āk Eesya. Kikwiil :bichoo Steefaan. ¹⁰ Nteenee kimēēmuuchē kuyityi ng'oomnānēētaab Steefaan āk mbo Tāmirmiryēēt nyēē kiikoochinē kāāmuukēywēēk ām wōlēē king'ālooltooy. ¹¹ Yoto, kumwoochi :bichoo biiko chuut alak kumwaayaat kule kiukukas Steefaan kung'āloolēē *Muusa āk Yēyiin nyēē miyaat. ¹² Kiiwuruur :bichooto biiko chuut kunam wōlēē mii :booyik āk

kāānēētikaab kiruutēk. Yooto, /keenam Steefaan / ānkēēkwēryoot ākoy kōōk, ¹³ / ānkubokēēmōlōlchi ng'al chēē manaayey. Kimwooy :bichooto kule, “-Mākustēē :chiichi kung'āloolēē *Kōōtaab Yēyiin nyēē miyaat āk mbo nkicheek kiruutēk. ¹⁴ Kookeekas kumwooyē kule makooburyeet :chiichi / kēēbērē Yēēsu nyēbo Nāāsārēēt kōyi bo Yēyiin ankuweech ātēbuutēk choo kirōōbwēēch *:Muusa.” ¹⁵ Kiirōōtoto :kōōkwoonoo tukul Steefaan. Yooto, kukas kule kerkeey :eernyii āk nyēbo *malayikeet.

7

Kiyēē kimwooy :Steefaan kuyēētēē keey

¹ Nto mii yoo, kuteebee *:kibkōrōs nyēē wōō Steefaan kule, “Man :ng'aleechu / kēēmwooyē kurubta keey āk inyiing’?” ² Yooto, kukēt :Steefaan kule, “Mbo araaba āk mbo baaba. Ōyēbchi yiit baa kiyēē āmiitē wāāmwoowook. Kichōōnchi :Yēyiin nyoo tōrōōr baaba Abraam, yoo kitākumiitē Meesobotaamnya kutākutoombo wokuminyē Araan. ³ Kimwoochi :Yēyiin Abraam kule, Ibakaakte biikwook āk kōōrēēng'uung' 'ānkiiwē ākoy kōōrēēt nyēē +māābooruung'.† ⁴ Kunyoo, kung'eetee :Abraam kōōrēētaab Kaltaayeeek ānkuwuuchi *kiriinkēētaab Araan. Yu kāwokume :kwaan, kung'eetee :Abraam kiriinkoonoo bo Araan ānkōōwuuw :Yēyiin kuchō kōōrooniitēnyi ūminyē :akweek. ⁵ Mēēbērē kirōōbchi :Yēyiin Abraam kiy mbo akeenke ām kōōrooniitēnyi kule

6:13 Māārkō 14:55-59; Yēyūt. 21:28 **6:14** Yoowa. 2:19; Yēyūt.

15:1-2; 21:21 † **7:3** Toowunēēt 12:1 **7:3** Ibu. 11:8-10 **7:4** Toowu. 11:31; 12:4

kuyēk nyeenyii ānkoo mbo kētiin nyēbo mbar. Nteenee kikuurtoochi :Yēyiin Abraam āk biikyii chēē makookeer inee kule mākuyēk nyeeng'waa :kōōroonooto ānkoo kimānāānyōōr :Abraam leekwa yooto. ⁶ Kimwoochi :Yēyiin Abraam kule, ‘Makuba :biikaab mooyēēng'ung' bokuminyoot kōōrēētaab biiko alak ānkuyēkunoot motwoor. Mākunyālil kēnyiisyēk bokolwookik ang'wan. ⁷ Nteenee +māāng'woonchi biiko chēē kayey icheek kuyēk motwoor. Nto yityo, mākuuuuwunēē kōōroonooto ānkubokukutung'woo ām yuutēyu.’†

⁸ Nto mii yoo, kōōkoochi :Yēyiin Abraam kirootyeetaab *kāāmurootāniisyēēt. Yooto kunyōōr Abraam wērinyii Isaka. / Kiimuraatan wēēroo kutinyē bēsyōōsyēk sisiit kuchakee / kākēēsich. Nto mii yoo, chokunyōōr :Isaka Yāākōbō. Kichokusich :nkinee Yāākōbō mbo kuuko taman āk āyēēng'. ⁹ Kiituuyiityi mbo :kuuko chuut Yōōsēēf moo. Yooto, kwooltoochi kōōrēētaab Miisir wokuyēk motwooriin. Nteenee kiyēētyēēchi :Yēyiin Yōōsēēf kumii wōlooto ¹⁰ ām wuuyin ake tukul nyēē kinyōōr. Kiikoochi mbo subak ng'oомнānēēt ankuyey bāytooyiintēētaab Miisir kung'ērēkyi Yōōsēēf kut kuyey inee kubayta kōōroonooto ānkōōyyoonkyi kiy ake tukul ām kanyii.

¹¹ Nto mii yoo nanyuun, kuchō :kēmēwuut Miisir kumukuul nyēē wōō miisin ākoy mbo kwoochi kōōrēētaab Kanaan. Kilal :kēmēwuunoo biiko nyēē -/mākyoomu. Kimāmii wōleē kiimuuchē kunyoorta

^{7:5} Toowu. 12:7 † ^{7:7} Toowunēēt 15:13-14 ^{7:7} Chuy. 3:12

^{7:8} Toowu. 17:9-14; 21:2-3; 25:26; 29:31—30:24; 35:16-18 ^{7:9} Toowu. 37:11, 28; 39:2, 21 ^{7:10} Toowu. 41:37-44

mbo kuuko kiyēē kaam. **12** Yu kawokukas :Yāākōbō kule kimiitē :āmiik Miisir kōōyookto kāābkōōnyoo chuuut kuba wōloto nyēbo taay. **13** Ām baanta nyēbo āyēēng', kōōboorchi keey :Yōōsēēf murēchuutēchu. Yooto, kōōnkēt *:Faraawo biikaab mbo Yōōsēēf. **14** Yu kāākuyēyākiis :ng'aleechu, kōōyookto :Yōōsēēf / bokēēkuurchi kwaan āk biikaab kōōng'waa tukul. Kiyitē :kayaa tukul biiko tāmānwookik tisab āk muut. **15** Yooto, kuwēēto :Yāākōbō kāābkōōnyoo tukul Miisir. Kiminy :icheek wōloto ākoy kubēk :biiko tukul choo kibo taay. **16** Ānkoo kuwuu nyooto, /kikeeketita bōōrwēkwaa ām lētuunoo /ānkubokiitōōr wōlēē bo kochonkeet nyēē kikiikusimkwaalee :Abraam wērikaab Amoor ām Syēkēm ām laatitaab beesaanik.

17 Yu kimii kuriiku :bēsyōōsyēk, kootyiich :Yēyiin kuu yoo kikiikukuurtoochi Abraam, kuyēk :bikyoo sērē ām Miisir. **18** Yooto, kubāytooyiis :chiito ake nyēē kimēēnkētē kiy ake tukul kurubta keey ākoo Yōōsēēf. **19** Kwoowēsyi :bāytooyiintonoo bikyoo ankoonyaliil. Kimāchē kule kumētooy :biiko lēēkōōk chēē /kātākibuuutu sukubēk.

20 / Kikēēsichē *Muusa ām bēsyōōsyēchooto ānkiibēruuroot ām wōlēē mii :Yēyiin. /Kikeebayee kang'waa kō ām ārook sōmōk. **21** Yu /kabokiichuuw kuchō saang' / kēēmāchē / kēēmēto, kunam :chēēbtaab Faraawo Muusa ankuyey kuyēk lakwanyii. **22** /Kikiineet Muusa ng'oomnān ake

7:12 Toowu. 41:54; 42:1-2, 5 **7:13** Toowu. 45:1, 3, 16 **7:15**
Toowu. 45:9-10, 18; 46:6-7, 27 **7:16** Toowu. 23:3-16; 33:19;
49:29-30; 50:13; Choos. 24:32; Ibu. 11:22 **7:18** Chuy. 1:7-8 **7:19**
Chuy. 1:15-19, 22 **7:21** Chuy. 2:2-10; Ibu. 11:23

tukul ām Miisir kuyem. Kikōrōōm :Muusa ām wōlēē king'ālooltooy āk wōlēē kiyēytooy yiisyēēnyii.

²³ Yu kiboonto :Muusa kēnyiisyēk artam koosoot kuruutoochi biikyii bo Isrāyēēl. ²⁴ Yooto, kukas chiinyii ake nyēē kimii kōonyāliilē :chiitaab Miisir. Kuwo :Muusa bakeenke ankubakach chiichoo kibo Miisir kusār chiinyii. ²⁵ Kiisōōtē :Muusa kule tōōs kiimuuchē kōōnkēt :biikwaa kule kimii :Yēyiin kuyēyiisyēē inee kootyaakta icheek, nteenee kimēēnkētē :biikyii. ²⁶ Yu kāyyēēkunēē, kukas :Muusa biikaab Isrāyēēl alak āyēēng' chēē kimii kuboortōōs. Kusyeem kumwooichi kule, 'Murēchu, nto yu koo-am keey nkosyur ānkōōbooyē mooyēēt akeenke!' ²⁷ Nteenee kuwunukto Muusa :chiito nyēē kikikulālchi nyiin ānkumwooichi kule, 'Ng'oo :nyēē katooling' ibayteech? Inyiing' :kētiintēēt? ²⁸ Imāchē ibara kuu wōloo 'kwēēbākāktooy Miisiri-intēēt?'† ²⁹ Yu kakas :Muusa ng'aleechaa, kumwēy. Kimwēchi kōōrēētaab Miityaan. Kiibuur wōlooto kut kunyōōr wērikyii āyēēng'.

³⁰ Yu kāwokukeeyta :kēnyiisyēk artamu, kuchōōnchi *:Malayikeetaab Yēyiin Muusa ām suurkwēēnēēt yēē kōōrikitiitēē :maata ām sōntiit ake. Kilēēkitēē :yooto Tulwēētaab Sinaay. ³¹ Nto bērē kukas :Muusa kiyooto, kwaam mēt. Kōōnookyi kule kukas nyēē karaam. Yooto, kukas kuutiitaab Yēyiin nyēē kimii kukuuru ³² kule, 'Anii :Yēyiintēētaab mbo kuukoong', Yēyiintēētaab Abraam, Isaka ākoo Yāākōbō.† Kibootan :Muusa ām tuyātēēt kut manaamach takukas yooto

† **7:28** Chuy. 2:14 **7:29** Chuy. 2:11-15; Ibu. 11:24-27 **7:29**
Chuy. 2:15, 21-22; 18:4 † **7:32** Chuy. 3:6

subak. ³³ Yooto, kumwoochi :Yēyiin Muusa kule, ‘Irēēku kwēyōōnik, kuuyu imiitē iyyoonyēē yēē tiliil. ³⁴ Kaakas kubooyiit man wōlēē / kēēmii / kiitiing’tooy biikyuu ām Miisir āk wōlēē mii kōōtēēytooy. Kāärēku :anii chaatyaakte kunyi, āmiitē wāāyooktiing’ ākoy Miisir.’

³⁵ Ki Muusa nyiitēnyi :nyooto / kikēētāyē / kēēmwoochinē kule, ‘Ng’oo nyēē kākōōning’ kāāmuukēywēēkaab bāytooyiisyēēt āk chēbo kētiisyēēt?’ Inee mbo subak :nyooto kiiyooktooy :Yēyiin wokubayta ānkusār biikaab Isrāyēēl. Kikwēryootē Muusa :Malayikeetaab Yēyiin nyoo kichōōnchinē ām yoo kibo sōntiinoo. ³⁶ Kikwēryoon :Muusa bichoo kung’ēētyēē Miisir kukaakuyey ng’al chēbo kwōng’uut ām wōlooto āk yoo kibo Araarayta nyēē Arraa āk mbo ām kēnyiisyēēk artam choo kimii :biikyoo suurkwēēn. ³⁷ Ki Muusa :nyiitēnyi nyoo kimwoochinē biikaab Isrāyēēl kule, ‘Mākukōōnook :Yēyiin *wōōrkoooyoontēēt nyēē wuu anii kuchōōnēē wōlēē miitē :biikwook.’†

³⁸ Kiboonto keey :Muusa āk biikyoo ām wōlooto bo kōōr nyēē suurkwēēn. Kiboonto keey mbo kuuko ākoo mbo Malayikeetaab Yēyiin nyoo king’āloolchinē inee ām yoo kibo Tulwēētaab Sinaay. Kinyōōr yooto :Muusa ng’al chēbo soboon chēē kirōōbwēēch. ³⁹ Nteenee kichuunnyēē mbo :kuuko ng’aleekaab Muusa ankoockaykaay kooyeey Miisir. Kitay :icheek Muusa

^{7:34} Chuy. 3:1-10 ^{7:35} Chuy. 3:2; 2:14 ^{7:36} Chuy.

7:3; 14:21-29; 15:25; 16:1—17:13; Kāāyiit. 20:2-11; 14:33 † ^{7:37} Kiruutēk 18:15 ^{7:37} Kiruu. 18:15, 18; Yēyuut. 3:22-26; 13:32

^{7:38} Chuy. 19:1—20:17; Yēyuut. 7:53 ^{7:39} Kāāyiit. 14:3-4; Neem. 9:17

40 ānkumwooichi *Āärōn kule, ‘So, kāwokwaam :nee Muusa nyi kiirēētoonunēēnēēch Miisir? Kunyoo, chēēyēwēēch āynātēēt nyēē sukōōrēētootēēch.’†

41 Yooto yēē sukuyey :bichooto kiito nyēē kerkeey mooyta. Kiyibu tukuuk chēē / kibokēēsooytooy ānkuyēyē sookwoonuutēk ānkung'ērēkyinē kiyēē kiyēyēē āwunnyēkwa. **42** Yooto, kōōtuukyi :Yēyiin batay kukutunkynē icheek asiista, araaweeet ākoo kookeelik. Tooku :yuutēyu ām yoo / kikeesir ām kitaabuutaab *wōōrkooyik kule,

‘Kāälē ii, kōōtaab Isrāyēēl,
ara kyōōkwērwoo tyoony bo kōrōs āk tuwēnuutēk
ām kēnyiisyēk artam choo kyōōmiitē suurk-
wēēn?’

43 Acha! Kyong'eet, okalab kēryēētaab *Moolek
āk kookeelyeetaab āynātēēt Reefaan
tukuuchoo kyōōyēyē kule sōōkutunkynē.

Kunyoo, +maakwetaak bookeeytee kiriinkēētaab
Bābulōōn

kut booyit kōōr nyēē mā nyēēng'woong’.’†

44 Kiboonto mbo :kuuko *Kēryēētaab Yēyiin
ām wōlooto bo suurkwēēn. Kikiyey :Muusa
kēryoonoo kuu wōlēē kimwooytoochi :Yēyiin
āk wōlēē kikiikōōboorchinto. **45** Yu kābokunyōōr
mbo :kuuko kēryoonoo, kukwaanta kōōntōōchinē
:Chooswa. Kikwaanta kēryoonooto yu kibokunāmē
kōōrēētaab biiko choo kikwētē :Yēyiin kukāsē mbo
:kuuko. Kiibuur :kēryoonoo kuu nyooto ākoy
bēsyōōsyēk choo kichokubāytooyiisyē *:Tāwuti
46 nyoo king'ērēkyi :Yēyiin. Kimwooy :Tāwuti

† **7:40** Chuy. 32:1 **7:41** Chuy. 32:1-8 † **7:43** Āmōōs 5:25-27

7:44 Chuy. 25:9 **7:45** Choos. 3:14-17; 18:1; 2Tet. 1:3; 5:5

kule mākuyēytoochi :inee Yēyiintēētaab Yāākōbō wōlēē mākuminy. ⁴⁷ Nteenee ki Sōlōmōōn nyēē kichokutēēkyi Yēyiin Kōōto. ⁴⁸ Ānkoo kuwuu nyooto, mēēbērē minyē :Yēyiin koorin chēē tēēchē :biiko. Kuu yoo mwooyē *:wōōrkoooyoontēētaab Yēyiin kule,

⁴⁹ 'Mwooyē :Yēyiin kule:

Ābāytooyiisyoowunēē barak

ānkuyitu :kērēēnkōōkyuu ng'wēny.

Kunyoo, kō nyēē wuu nee :nyēē ūmāchē ūtēēkwoo?

Nto ānō :wōlēē ūmwooyē kule āmuunyēē?

⁵⁰ Mā anii :nyēē kyāāyēyē tukuuchu tukul?†

⁵¹ Kunyoo ii, wuuyēch sōō mētēwookwook nyēē tyaa nyēē -mōōkāsē ng'al! Okerkeeye mbo kuukoong' :akweek chu ūkwiilē Tāmirmiryēētaab Yēyiin kwaak. ⁵² Mii *:wōōrkoooyoontēētaab Yēyiin nyēē mānāāwus mbo :kuukoong'? Kibakach mbo choo king'ōōrē kule mākuchō :Chii nyēē Churtaat. Ānkoo mbo raat kuu nyiitēnyi koochaamte ankoobakach :akweek Nyooto Churtaat. ⁵³ Kyōōnyōōru kiruutēkaab Yēyiin kubununēē malayikaanikyii, āmēēbērē ūrubē!"

/Kikeebakach Steefaan

⁵⁴ Yu kabokukas :bichoo ng'aleechaa kimwoochinē :Steefaan, kunyēērchi ankuniyiy mooriik nyēē kāng'woonchi. ⁵⁵ / Kiinyiityi Steefaan Tāmirmiryēētaab Yēyiin ankukas barak.

7:46 2Sām. 7:1-2; Tyēēn. 132:1-5 **7:47** 2Sām. 7:5-7; 1Bāy. 6:1-38

7:48 Yēyuut. 17:24 † **7:50** Isaaya 66:1-2 **7:51** Chuy. 32:9; 33:5; Cherem. 4:4; Ēsēk. 2:2-5; Room. 2:28-29 **7:52** Mat. 5:12; Yēyuut. 3:14 **7:53** Yēyuut. 7:38; Kala. 3:19; Ibu. 2:2

Kukas lēbkēēyyēētaab Yēyiin ankukas Yēēsu nyēē kimii kēēyyoonyēē āwutaab taay nyēbo Yēyiin. ⁵⁶ Kumwooy :Steefaan kule, “Okas baa, kaakuyaatakay :wōliin bo barak. Miitē *:Wēritaab Chii kēēyyoonyēē āwutaab taay nyēbo Yēyiin.” ⁵⁷ Yooto, kuker :bichoo yiitiikwaa kukatay ng'aleekaab Steefaan ānkubōlchi barak miisin. Kutuchinē :bichooto tukul Steefaan ⁵⁸ / ānkiichuutootē ākoy kiriing' saang'. Kiirēēk :bichoo kāāliikoonikwaa ānkōōtōōrchi āybēēryoontēēt ake nyēē / kikēēkuureēē Sāwulō kuriib. Nto yityo, kutoow kuwiiree Steefaan rwoontōōk.

⁵⁹ Kitas taay :bichoo kuwiir Steefaan nto yityo, kusaay :Steefaan kule, “Mokoryoontēēt Yēēsu, itaach tāmirmiryēēnyuu.” ⁶⁰ Kikutuny ānkukuurchi barak kule, “Mokoryoontēēt, -'meenaamte bichu ng'ōōki!” Kubēkunēē :ng'aleechaa kuutiinyii kung'ētē.

8

¹ Kichamta :Sāwulō meetaab Steefaan.

/Kikēēwus biikaab Kiriistō kusērēēt

Ām bēsyoonooto, / kēēwus kaniseetaab Yēērusālēēm nyēē - / mākyoomu. Kisērētyi :biiko chēē chaang' yēēmēētaab Yuuteeya āk nyēbo Samaaryaa. Nteenee king'ētunēē *:lēbkēēyik Yēērusālēēm. ² Kimii :biiko alake chēē kikoonyitē Yēyiin. Kiriiree :bichoo Steefaan miisin nto yityo bokumuy. ³ Yooto, kutoow :Sāwulō kwaaraantaat biikaab Kiriistō nyēē - / mākyoomu. Kiwēētootēē

7:56 Mat. 3:16; Luuka 12:8-9 **7:58** Yēyuut. 22:20 **7:59** Tyēēn. 31:5; Luuka 23:46 **7:60** Luuka 23:34; 6:28 **8:1** Yēyuut. 8:4-5; 11:19

kō ake tukul kunāmootē murēnik āk chēēbyōōsōōk wokukērtooy kō.

Kumii :Filibō kōōrēētaab Samaaryaa

⁴ Kyaamtaatee :bichoo kisērēētōōs ng'ālyoontēētaab Yēyiin wōlto ake tukul wōloo kiba. ⁵ Kiwo :nkinee Filibō ākoy *Samaaryaa ankuwokwaamtee wōlooto lōkōōywēk chēē rubtooy keey āk *Kāārārookiintēēt. ⁶ Yu kawokukas :biiko ng'aleek chēē kyoom :Filibō āk tukuuk chēē /kiilātē chēē kiyey, kuyēbchi yiit ām kēēlto nyēē karaam. ⁷ /Kikiibēbēētō tāmirmirook chēē miyootēch kung'ēētyēē biiko wōlēē wōō. Kiwookyinē barak yu ng'ēētyēē bichoo. /Kikiisoob mbo chēē kisōnkōchootiin āk chēē kiing'wooltōōs. ⁸ Kunyoo, king'ērēkiis :biiko ām kiriinkoonooto kumukuul.

Kiweek :chēēbsookēyoontēēt/ankeebatisan

⁹ Kimii :chēēbsookēyoontēēt ake kiriinkoonooto nyēē / kikēēkuurēē Simōōni nyēē kiyēyē mosoonkoyeenikyii. Kiyey :chiichoo kuu nyooto kut kikiikoolat :biiko miisin ām *Samaaryaa. King'āsē keey kule inee ku chii nyēē wōō miisin. ¹⁰ Kunyoo, kiiywēyē :biiko tukul chiichi kunam wōlēē mii :chēē wōōyēch ām komostaab bāytooyiisyēēt āk mbo chēē minkēēch. Kiyēbchi yiit kāroomin ānkumwooy kule, “Boonto :chiichi kāāmuukēywēēk kukwaanee wōlēē mii :Yēyiin.” ¹¹ / Kikēērubootē chiichooto, kuuyu kikiikuyey

8:3 Yēyuut. 9:1-2, 13, 21; 22:4-5; 26:9-11; 1Kōōr. 15:9; Kala. 1:13; Filib. 3:6; 1Tēm. 1:13 **8:5** Yēyuut. 6:5; 5:42 **8:7** Māārkō 16:17; Luuka 9:1

ng'āl chēbo kwōng'uut kunyil chēē chaang' ām mosoonkoyeenikyii.

¹² Nto yu koom :Filibō lōkōōywēk chēē kāroomēch chēē rubtooy keey āk bāytooyiisyēētaab Yēyiin āk chēbo Yēēsu *Kiriistō, kōōyēnchi :bichoo lōkōōywēchoo / ankeebatisan. / Kikeebatisan bichoo tukul kunam wōlēē miitē :booyik āk chēēbyōōsōōk. ¹³ Kiiyēnchi :nkinee Simōōni Yēēsu / ankeebatisan. Yooto, kurubaat :Simōōni Filibō ām wōlto ake tukul. Kiimuuy miisin :tukuuk chēē kikas kuyēyāktōōs.

Kinyōōr :biikaab Samaaryaa Tāmirmiryēēt

¹⁴ Yu kabokukas *:lēbkēēyik ām Yēērusālēēm kule kaakuchamta :biikaab *Samaaryaa ng'ālyoontēētaab Yēyiin, kōōyookto Bētērō ākoo Yoowaana kuba wōlooto. ¹⁵ Yu kabokuyit :icheek, kusoochi kule kunyōōr bichoo Tāmirmiryēētaab Yēyiin. Kisaay kuu nyooto, ¹⁶ kuuyu kitākutoombo kut kurārākyi bichooto :Tāmirmiryēētaab Yēyiin. / Kikiikeebatisan baateey ām kaayneetaab Mokoryoontēēt Yēēsu. ¹⁷ Kitiinyēē :Bētērō āk Yoowaana bichoo āwunnyēk. Yooto, kuchōōnchi bichooto :Tāmirmiryēēt.

¹⁸ Nto yu kawokukas :Simōōni kule kinyōōru :biiko Tāmirmiryēēt yoo kātiinyēē :lēbkēēyichoo āwunnyēk, kumwoochi kule, ¹⁹ “+Māākwēwook beesaanik, yoo kōōkōōnoo kāāmuukēywēēchu sukung'eet yoo kāātiinyēē :nkanii chii ake tukul āwunnyēkyuu, kunyōōr Tāmirmiryēētaab Yēyiin.” ²⁰ Kukētyi :Bētērō :chiichooto kule, “Iwē

kut wee-aran āk beesaanichaakuuk! Isōōtē kule / kiimuuchē / kyaalee rōōbtooywoontēētaab Yēyiin beesaan? ²¹ -Meeeyemaat iyey yiisyooni, kuuyu -meechuulaat ām wōlēē mii :Yēyiin. ²² Kunyi, iweekse ām miyootyooni ankiisaay Yēyiin. Imuuchē kunyōōwuung' :Yēyiin kaat ām kāāsōōtēywēēkuuk choo miyootēch. ²³ Ākāsē tuuyintaab moo nyēē iboontē anku kikoolaambuuchiing' :choolwookātēēt." ²⁴ Kumwooy :Simōōni kule, "Lēyyē, ānkōōsoowoo sukung'eet māyēyākiis :ng'aleechaa kōōmwooyē ām wōlēē āmiitē."

²⁵ Yu kāākōōrwookyi :Bētērō āk Yoowaana biiko ām *kiriinkēētaab Samaaryaa, kwoomchinē ng'ālyoontēētaab Yēyiin, kooyeey Yēērusālēēm. Kyaamtaatee lōkōōywēchu kāroomēch soong'wēk chēē chaang' ām yēēmēētaab Samaaryaa.

Filibō āk chiito ake nyēbo Etyoobya

²⁶ Nto mii yoo, kumwooichi *:malayikeet Filibō kule, "Iwē komostaab cheeronko kut inyōōru kēēlto nyēē baraay ām suurkwēēnēēt, nyēē rēktēē Yēērusālēēm ākoy *kiriinkēētaab Kaasa." ²⁷ Kunam :Filibō baanta nto kēchinē kēēlloo baraay, kukas chiito ake nyēbo kōōrēētaab Etyoobya kumii kōrōkōchēēnyii kuchōōnēē kusoooyē Yēyiin ām Yēērusālēēm. Ki chii nyēē wōō ām kōōrēēng'waa / ānkikiikoosēē keey. Kiiyyoonkyinē lēnkuutaab beesaanik chēbo cheebyoosyeet ake nyēē / kikēēkuureē Kantaake nyēē ki bāytooyiintēētaab kōōroonooto. ²⁸ Kimii :chiichoo kusumānchinē

8:24 Chuy. 9:27-28 **8:27** Tyēēn. 68:31; 87:4; Sefa. 3:10; Isa. 53:3-8

barak kitaabuutaab *wōōrkooyoontēētaab Yēyiin
*Isaaya.

²⁹ Yooto, kumwoochi :Tāmirmiryēētaab Yēyiin Filibō kule, “Iwē baa, yuun mii :kōrōkōchooniin bo chiichiin.” ³⁰ Kulabat :Filibō ākoy yooto ankukas chiichoo kusumānē lōkōōywēk chēbo kitaabuutaab Isaaya. Kuteebbee :Filibō kule, “Ikāsē man kiyēē āmu :lōkōōywēchoo?” ³¹ Kukēt :chiichoo kule, “Ānkētēē nee yēē māmii :chii nyēē kēēbāng'boong'woo? Ānkiichōō naas ōō, murooni chēēbuurēē yu.”

³² Kimiitē :chiichooto kusumānē yēē mwooyē kule,
“/Kikēēkwēryoot kuu kēēchiir ākoy yēē /bokēētilēē,
kuu kuuchoo nyēē -mēēyitē yoo /kēētilchinē
sabureekyii,
mēēbērē king'aany kuutiinyii.

³³ /Kikeemoonta /ānkēētāchi manta.
Mātinyē biich chēbo siintaaryeenyii,
kuuyu /kikiinēm soboonnyii ām kōōrooni.”†

³⁴ Yooto, kumwoochi :chiichooto kibo Etyoobya Filibō kule, “Murooni, mwoowoo baa, :inyiing', mii kung'āloolēē keey *:wōōrkooyoontooni nto ng'āloolēē chiito ake?” ³⁵ Koonamee :Filibō yooto bakeenke ānkwoomchi chiichooto lōkōōywēk chēē kāroomēch chēē rubtooy keey āk Yēēsu.

³⁶ Kumii :tukwaay kubēētii ām kēēltaab too, kuyit yēē kimii :bēēko. Yooto, kumwoochi :chiichooto Filibō kule, “Kas, nto yu bēēko :chu.

† ^{8:33} Isaaya 53:7-8 ^{8:35} Luuka 24:27

Nee ake :nyēē tākumāchāktōōs /sikeebatisanaa?"*
 38 Yooto bakeenke, kōōyyoong'to :chiichooto
 kōrōkōchoonoo. Kurēk :tukwaay ānkurēktō āyno
 ankubatisan :Filibō. 39 Yu kābokuloong'unēē
 āyno, kusar :Tāmirmiryēētaab Yēyiin Filibō
 areet akeenke ānkuwēēto. Manaawokukas
 :chiicho Filibō subak, nteenee kitas taay āk
 baannyii ām ng'erekweek. 40 / Kibokēēkāsyi
 Filibō *kiriinkēēt ake nyēē /kikēēkuurēē Asooto.
 Kiwēēsyēētootēē kiriinkōōsyēē tukul ām yēēmoonoo
 kwoomtootē lōkōōywēē chēē kāroomēch ākoy
 wokuyit *kiriinkēētaab Kayisareeya.

9

Kiweek :Sāwulō

1 Kitākumii :Sāwulō kwoorēētānē kumāchē
 koonyokoorta ankubakach rubiikaab
 Yēēsu. Kuwo ākoy kaab kibkōrōs nyēē wōō
 2 ānkuwokusoom kōōkoochi bārōōnōōk chēē /
 kikēēsirchi kāāyyoong'ikaab koorikaab saayeet ām
 Tamaasko. Kimāchē bārōōnōōchoo sukuchāmchi
 kunam chii ake tukul nyēē kiikurub kēēltaab
 Yēēsu, anku murēn nto koorko sukukwēryoot
 Yēērusālēēm.

3 Yu kariikta Tamaasko, koowech :lēbkēēyyēēt
 ake nyēē kichōōnēē barak ankoolaambuuuch
 Sāwulō. 4 Kōōryookyi keey ng'wēny nto yityo
 kukuur :kuutiit ake kule, "Sāwulō, wē, Sāwulō,

* **8:36** Kitāsyi :siruutēk alake kērēywoontēētaab 37: Yooto, kum-
 wooshi :Filibō chiicho kule, "Yoo !keechamte ām mooyēēng'uung'
 tukul, kōōmuuchāktōōs." Kumwooy :chiichooto kule, "Āchāmtooy
 kule Lakwataab Yēyiin :Yēēsu." **8:36** Mat. 28:19 **8:39** 1Bāy.
 18:12 **8:40** Yēyuut. 21:8 **9:1** Yēyuut. 8:3 **9:3** 1Kōōr. 15:8-9;
 Kala. 1:16

'kēē-āmchoo nee?" 5 Kulē :Sāwulō, "Inyiing' ku ng'oo ōō, mokoryoontēēt?" / Kēēmwoochi kule, "Anii ku Yēēsu nyooto imiitē ibārē. 6 Kunyi, ng'eet ānkiiwē ākoy wōliin bo kiriinkēēt ankuweeyey kiyēē +/mābokiibooruung'."

7 Kiboontootē keey :Sāwulō biiko alak ām baanaa. Kinam kuut baateey bichoo :kiyēē kiyeyakay. Kikāsē :bichoo baateey / kēēkuuru ng'aleechaa, āmēēbērē kiinkēēt kule kikwoonēē wōlēē mii :ng'oo ānkimwooyē nee. 8 Yooto, kung'eet :Sāwulō. Nto bērē kung'aany koonyek, kumākāstooy. /Keenamaat āwut /ānkiirēētoot ākoy Tamaasko. 9 Kiibuur wōlooto bēsyōōsyēk sōmōk nyēē mākāstooy āmēēbērē kyoomē nto kuyye kiy ake tukul.

10 Kimii :rubiintēēt ake nyēbo Yēēsu wōlooto bo Tamaasko nyēē / kikēēkuurēē Anannyaa. Kukuurchi :Mokoryoontēēt ām ng'oong'uutyēēt kule, "Anannyaa!" Kōōyēn kule, "Wōōy, Mokoryoontēēt!" 11 Kumwooichi :Mokoryoontēēt kule, "Iwē ākoy kaytaab chiito ake nyēē / kēēkuurēē Yuuta ām yēbo kēēloo / kēēkuurē kule 'Nyēē Rootaat'. Yoo keeyit kayaata, iteeb chiito ake nyēē / kēēkuurēē Sāwulō nyoo bo Taarso. Miitē :chiichi kusooyē ām wōlooto. 12 Kāāboorchi ām ng'oong'uutyēēt kule mii kuchōōnii :chiito ake nyēē / kēēkuurēē Anannyaa nyēē mii wokutiinyēē inee āwunnyēk sukukasta subak." 13 Kukēt :Anannyaa kule, "Mokoryoontēēt! Nto yu kyaakas ng'aleek chēē chaang' chēē rubtooy keey āk chiichi. Kyaakas mbo tāng'āng'uutēk chēē kiikuyibchi :chiichi

biikuuk ām Yēērusālēēm. ¹⁴ Kwēēkoochi :mbo *kibkōrōs chēē wōōyēch kāāmuukēywēēk kuchō wōli chokunam chii ake tukul nyēē kiikōōyēnuung' ām wōliitēnyi bo Tamaasko." ¹⁵ Nteenee kimwoochi :Mokoryoontēēt Anannyaaa kule, "Iwē ankuweeyey kuu wōloo āmwooytoowuung'. Kāākuyēk :chiichi kēēlnyuu nyēē / kaakeekwey sukuyityinēē lōkōōywēē biiko chēbo kōōrōōsyēk alak āk mbo nkicheek bāytooyikwaa āk biikaab Isrāyēēl. ¹⁶ +Māāboorchi :anii kule makutang'any miisin, kuuyu makwaamtaat lōkōōywēē kurubta keey ākoo anii."

¹⁷ Nto mii yoo, kuwo :Anannyaaa ānkuwokōōwut kōyooto. Kitiinyēē Sāwulō āwunnyēk kumwooochinē kule, "Araaba Sāwulō, kāākōōyookwoo :Mokoryoontēēt Yēēsu nyoo kichōōnchiing' imiitē ichōōnii wōliitēnyi. Kēēyookwoo sukung'eet ikaste kuu kwaak /ānkiinyiituung' Tāmirmiryēētaab Yēyiin."

¹⁸ Ām areet akeenke, kōōsuuwunēē :tukuuk alake koonyekaab Sāwulō chēē wuu kebeemberik ankukasta. /Kikeebatisan, ¹⁹ nto mii yoo, /keebay. Yooto, kukēt keey :nkuruukyii.

Kyaamtaatee :Sāwulō lōkōōywēēk Tamaasko

Kiibuur :Sāwulō Tamaasko āk rubiik chuut ām bēsyōōsyēk chēē ng'ēri. ²⁰ Nyēē mā tyaa, kutoow kwaamtaat lōkōōywēēk ām kooriikaab saayeet kumwooochinotē biiko kule, "Lakwataab Yēyiin :Yēēsu." ²¹ Kiilat :biiko tukul chēē kikas ng'aleechaa / ankeeteebee keey kule, "So! Mā

9:15 Yēyuut. 22:21; 23:11; 26:1; 27:24; Room. 1:5 **9:16** Luuka 21:12; Yēyuut. 20:23; 2Kōōr. 11:23-28 **9:17** Māārkō 6:5; 16:18; Yēyuut. 8:15-17; 19:6 **9:20** Luuka 22:70; Yēyuut. 17:2

chiichi :nyoo kimāchē koowaang'ta biiko choo kikiikōoyēnchi Yēēsu ām Yēērusālēēm? Mēebērē kāmii kuchōōnii wōli chokunāmē bichooto sukukwēryoot kurātootiin ākoy wōlēē mii :mbo kibkōrōs chēē wōōyēch?"

²² Kyaamta :Sāwulō ng'ālyoontēētaab Yēyiin ām kiirnātēēt miisin nyēē māmii :kiyēē kiimuuchē :icheek kuwāl. Kimwoochinē Yuutayeek chēē kiminyē Tamaasko ām kēēlto nyēē yemaat kule *Kāārārookiintēēt :Yēēsu nyēē chōōnēē wōlēē mii :Yēyiin.

²³ Yu kabokukeeyta :bēsyōōsyēk chēē chaang', kōōruruuch keey :Yuutayeek ankubokusat wōlēē makubakakta Sāwulō. ²⁴ Nteenee kiinkēt :Sāwulō kiyēē kimii :bichooto kuchōbē. Kikēēyānootē :bichooto Sāwulō bēēt āk kwēēmooy kukāsē ōrootunwēēk tukul chēbo kiriinkoonooto, kumāchē kule nto kas wōlēē kachuwunee sukunam ankubakach. ²⁵ Nto mii bēsyēēt ake kwēēmooy, kunam :biikyii kumii mōōnti ānkōōyokooytēē tiriisyeet nyēē kimii tōōtēētaab kiriinkoonoo.

Kiruutoochi :Sāwulō Yēērusālēēm

²⁶ Yu kāwokuyit :Sāwulō Yēērusālēēm, kusyeem kule kōōyoomo keey ākoo rubiikaab Yēēsu. Nteenee kiing'ōōyēnēē keey :rubiik inee kuuyu ki-manaachamta kule kikiikuyēk :Sāwulō rubiintēēt. ²⁷ Kinam :Barnaaba Sāwulō ānkukwēryoot ākoy wōlēē kimiitē *:lēbkēēyik. Kirārchi :Barnaaba

9:21 Yēyuut. 8:1; 9:13-14 **9:22** Yēyuut. 22:5-16; 26:12-28; Kala.

1:15-16 **9:22** Yēyuut. 5:42 **9:25** 2Kōōr. 11:32-33

lēbkēēyichoo wōlēē kikasta :Sāwulō Mokoryoon-tēēt kumii kēēltaab too kuwēētii Tamaasko. Kim-wooy mbo subak kule king'āloolchi :Mokoryoon-tēēt Sāwulō. Kiiboorchi wōlēē kyoomtoochintooy :Sāwulō biiko lōkōōywēk ām Tamaasko kuyēyiisyēē kaayneetaab Yēēsu nyēē kimā nyokoor.

28 Kunyoo, kōōbuurto keey :Sāwulō lēbkēēyichoo kubēēsyētotootē :tukul nyēē kimēēng'ōōyēnē keey. Kiwēēsyētotootēē Yēērusālēēm kwoomtootē lōkōōywēk ām nkuruuk tukul kuyēyiisyēē kaayneetaab Mokoryoontēēt.

29 Yooto, kukwiil keey :Sāwulō āk Yuutayeeek chēē king'āloolē kuutiitaab Kirikiik. Kimii :bichoo kuchōbē kule kubakach Sāwulō. **30** Yu kēēnkēt :rubiik chuut kuu nyooto, kuwaayta Sāwulō kurēkto Kayisareeya ānkumwooichi kuwo kang'waa Taarso.

31 Kunyoo, kikoolyoon kisich :kanisoosyek tukul chēbo Yuuteeya, Kalilaaya āk Samaaryaa. Kumii :icheek kōōywēyē Yēyiin, kuyēētyēēchinē :Tāmirmiryēētaab Yēyiin kukiiltōōs ānkutāsyinē keey kuchooong'ēkiitu.

Kiisoob :Bētērō Ayineeya ankoong'eetee Tabiita meet

32 Kiwēēsyētotootēē :Bētērō wōlooto tukul. Kiimuuch chokunyōōryo āk biikaab Kiriistō chēē kiminyē *kiriinkēētaab Luuta. **33** Kimii wōlooto :chiito ake nyēē / kikēēkuurēē Ayineeya nyēē kichunkutoot ānkikiikuru kitintiri kēnyiisyēk sisiit. **34** Yooto, kukuur :Bētērō chiichoo kule, "Ayineeya, kāākōōsoobiing' :Yēēsu *Kiriistō. Kunyoo, ing'eet

9:27 Kala. 1:18 **9:27** Yēyuut. 4:36-37; 11:22-26, 30; 12:25; 13:1-4, 7, 43-51; 14:12, 20; 15:2-12, 22, 35-39; 1Kōōr. 9:6 **9:29** Yēyuut. 6:9

9:30 Yēyuut. 9:11; 11:25; Kala. 1:21

ankiiriiny tukuukuuk.” Kung'eet :Ayineeya areet akeenke. ³⁵ Yu kakas :biikaab Luuta āk chēbo Syāārōōn Ayineeya, kōoyēnchi :tukul Mokoryoontēēt.

³⁶ Kimii :rubiintēēt ake nyēē ki cheebyoosya nyēē kibo *kiriinkēētaab Yooba. / Kikēēkuureē cheebyoosyaanaa Tabiita* (Nto ām kuutiitaab Kirikiik ku Toorkaas.) Kilēēl :moo cheebyoosyaani ānkiyēētyēēchinē mbo biich chēē bānoon. ³⁷ Nto mii yoo, kumnyaan :cheebyoosyaanaa ankume. / Kikiiwun bōōrnyii / ānkubokiitōōr koroofa.

³⁸ Kilēēkityiin :kiriinkoonoo bo Luuta āk nyoo kibo Yooba. Kunyoo, yu kabokukas :rubiik chuut kule mii :Bētērō Luuta, / kiiyookto biiko alak āyēēng' bokumwoochi Bētērō kule, “Boontēēt, / kēēmākyiing' wōliin areet akeenke.”

³⁹ Kuwēēto keey :Bētērō bichooto. Yu kabokuyit, / kēēkwēryoot koroofa. Kuiruruukyi keey Bētērō, :chēēbyōōsōōk chēē chaang' chēē ki musuuk chēē kimii kuriirēē Tabiita. Kiiboorchi :chēēbyōōsōōchoo Bētērō sirook chēē chaang' chēē kinābē :Tabiita yoo kitākusobē. ⁴⁰ Kumwoochi :Bētērō chēēbyōōsōōchoo kuba saang'. Nto mii yoo, kukutuny ankusaay. Yu keewaany saayeet, kuwo yoo kimii :muusyoontēēt ānkulēēnchi, “Tabiita, ng'eet baa ōō, chēē!” Yooto, kung'aany :Tabiita koonyek. Nto bērē kukasta, kukas Bētērō. Kōōbuur ng'wēny. ⁴¹ Kunam :Bētērō āwut ānkuyēētyēēchi kōōyyo. Nto mii yoo, kukuur biikaab Kiriistō āk chēēbyōōsōōchoo ki musuuk ānkōōboorchi

* **9:36** Ibooru :kaaynaani kule Cheeboon. **9:40** Māārkō 5:40-41

cheebyoosyaanaa kukāākusob.

⁴² /Kikeekasee ng'ālyoontooni kiriinkoonoot bo Yooba kumukuul. Kunyoo, kiiyēnchi :biiko cheē chaang' Mokoryoontēēt. ⁴³ Kiibuurto keey :Bētērō ām Yooba chiito ake nyēē /kikēēkuurēē Simōōni nyēē ki kuutiin nyēbo mwēēnik.

10

Kinyōōr :Kōrnēēlyō ng'oong'uutyēēt

¹ Kimii :chiito ake *kiriinkēētaab Kayisareeya nyēē /kikēēkuurēē Kōrnēēlyō. Ki kāāntōōyiintēētaab lukēētaab booryēēt :chiichi nyēbo lukēēt nyēē / kikēēkuurē kule Itaalya. ² Kikiikōōnēmchi keey :Kōrnēēlyō āk biikaab kanyii tukul Yēyiin kuchurta. Kikooytooy tukuuk ām mooyēēt nyēē lēēl, kōōkoochinē Yuutayeech choo kiyēmē /kēēyēētyēēchi. Kisooyē Yēyiin kibtaman.

³ Nto mii bēsyēēt ake, yēē ki asiistaab sokool nyēbo bēēt, kuchōōnchi :ng'oong'uutyēēt Kōrnēēlyō. Kikas *malayikeet ake nyēē kikuurchi inee kule, "Kōrnēēlyō!" ⁴ Kiirōōtoot :Kōrnēēlyō malayikaanaa nyēē kāmuy, nto mii yoo, kōōyēēn kule, "Wōōy." Kumwoochi :malayikaanaa kule, "Kookuchamta :Yēyiin wōlēē isooytooy āk wōlēē imiitē iyēētyēēchintooy bānoonik ām tukuuk choo ikoochinē. ⁵ Kunyi, iyooktē biiko kuba ākoy Yooba bokukwēryoon chiito ake nyēē /kēēkuurēē Simōōni nto kaayneet ake ku Bētērō. ⁶ Mii kaab chiito ake nyēē /kēēkuurēē Simōōni nyēē yēytooy mwēēnik ānkuminyē yēbo tabantaab araarayta."

7 Yu kāākuwēēchi keey :malayikaanaa, kukuur :Kōrnēēlyō motwoorikyii alak āyēēng' āk chiinyii ake nyēbo komostaab lukeēt nyēē kikiikōōnēmchi keey ng'ālyoontēētaab Yēyiin. **8** Kimwooochi bichooto kiy ake tukul nyēē kiyeyakay ānkōōyookto kuba Yooba.

Kinyōōr :Bētērō ng'oong'uutyēēt

9 Yu kāyyēēkunēē, kumakuyit asiistaab lo nyēbo bēēt, kikiikuriik kuyit :bichooto Yooba. Kimii yooto :Bētērō kuloong'tēē nkaasiit kuwēētii kōōto barak wokusoyē. **10** Kyaam :kēmēwuut kut kumach kwaam kiy. Nto / tākēēmii / kēēyēyē āmiik, kuchōōnchi :ng'oong'uutyēēt ānkubootyo :kāāsōōtēyēēk. **11** Kikas wōliin bo barak kuyootāktōōs / ānkiirēēk ankeet ake nyēē tebees / kukakeenamaan kotootook tukul ang'wan. **12** Kimii ankaanaa :tyoong'iik tukul choo bēēsyētēē kērēēnkōōk ang'wan āk tukul choo ichuutootēē keey ng'wēny āk mbo nkicheek tāriitēk. **13** / Kēēkuurchi kule, "Bētērō, ibakach tyoong'iichoo ankii-am." **14** Kukētyi :Bētērō kule, "Mokoryoontēēt, kubooyiit man, acha. Ntēē manaa-am bēsyēēt ake kiy nto tukuuk chēē mā *lubkoobēch." **15** /Kēēmwooochi kule, "-Mēēkuur kiy ake tukul nyēē kiyēē :Yēyiin kutililiit kule mā lubkoob." **16** Kiyeyakay kuu nyooto areet sōmōk, nto mii yoo, / keesar ankaanaa areet akeenke kooyeey barak.

17 Kumii :Bētērō tākōōlātē kiyēē kiibooru :ng'oong'uutyoonoo, kunyōōr :bicho /kikiiyooku

kaytaab chiichoo / kikēēkuurēē Simōōni. Kiyyoong'iis yēbo oreetaab tuuya ¹⁸ ānkukuurso nto yityo kuteeb chiito ake nyēē / kikēēkuureē Bētērō. ¹⁹ Kutākumiitē :Bētērō kōōsōōtyēēchinē kiyēē kichōōnchi, kumwoochi :Tāmirmiryēētaab Yēyiin kule, "Simōōni, mii :biiko alake sōmōku kuchēēng'iing". ²⁰ Kunyoo, ing'eetee yuutēyu bo kōōto barak ānkiirēktē ng'wēny. -Mēētōmōch, nteenee iwēētē keey bichoo kuuyu anii :nyēē kāāyooku icheek."

²¹ Yooto, kurēkto :Bētērō ānkuwokumwoochi bichooto kule, "Anii :nyooto ōmiitē ōchēēng'ē. Kunyi, ōmāchē nee?" ²² Kukētyi :bichooto kule, "Kwēēyookwēēch :Kōrnēēlyō nyoo kāāntōōyiintēētaab lukēētaab booryēēt. Churtaat :chiichoo ānkōōywēē Yēyiin. Koonyitē :Yuutayeeek tukul chiichi. Kōchōōnchi *:malayikeet ake ānkumwoochi kule iwē :inyiing' kanyii sukung'eet kukas kiyēē +meemwaay." ²³ Yooto, kutaach :Bētērō bichoo kuyēk tāyēēkyii.

Kiirwooch :Bētērō ām kaab Kōrnēēlyō

Yu kāyyēēkunēē, kuwēēto keey :Bētērō bichooto. Kitas :biikaab Kiriistō alake ām Yooba ankubeeta keey.

²⁴ Nto mii bēsyēēt nyēē kiikēērē, kuyit :inee āk bichoo Kayisareeya. Kimii :Kōrnēēlyō kukānyiis yē kaa ānkikiikukuur tilyōōnuutēk āk chōōrōōnuutēk choo kyoomchiintōōs :tukul.

²⁵ Yu kayit :Bētērō, kutorooch :Kōrnēēlyō kuku-tunyēē yēbo kērēēnkōōkyii kukākoonyit. ²⁶ Nteenee

kumwoochi :Bētērō kule, “Ng'eet, nto yu akerke-eye :anii āk chii ake tukul.” ²⁷ Kyaamaat :Bētērō āk Kōrnēēlyō lōkōōy kumii kubēētii tukwaay kō. Yu kayit kō, kunyōōr biiko chēē chaang'. ²⁸ Yooto, kumwoochi :Bētērō bichooto kule, “Ābērē ōnkētē :akweek kule -/mākēēchāmu ām kiruutēkyoo kule kuyēmo :Yuutāyiintō āk biiko chēē mā Yuutayee. Nteenee kāākōōboorwoo :Yēyiin kule māyēmāktōōs ākuur chii ake tukul kule mā tiliil. ²⁹ Kunyoo, yoo / kibokēēkuuroo, āchōō nyēē mānāātōmōch. Kunyi ii, nee :nyēē kēēkuurchoo?”

³⁰ Kukētyi :Kōrnēēlyō Bētērō kule, “Ām bēsyōōsyēk ang'wan choo kookukeeyta, āmiitē āsooyē ām kanyuu ām āsiiswēk chēē wuu chuutēchu, ku asiistaab sokool nyēbo bēēt, chokōōyyoonyēē :chiito ake taayeenyuu nyēē boonto sirooy chēē ilekēchēēchtōōs. ³¹ Kikuuro :chiichoo kule, ‘Kōrnēēlyō, kaakukas :Yēyiin wōlēē isooytooy ankaakukas wōlēē iyēētyēēchintooy choo bānoon. ³² Kunyoo, iyouktē biiko alak kuba Yooba bokukuur chiito ake nyēē /kēēkuurēē Simōōni, nto Bētērō ām kaayneet ake. Kōruutoochi :inee chiito ake nyēē /kēēkuurē kule Simōōni nyēē yēytooy mwēēnik. Minyē :chiichoo tabantaab araarayta.’ ³³ Kwāāyooku / kēēkuuring' areet akeenke. Kunyi, karaam yu kēēchōō. Kēēmiitē :tukul yu ām taayeetaab Yēyiin kēēmāchē kēēyēbchi yiit kiy ake tukul nyēē kōōkumwoowuung' :Yēyiin kule i-āmwēēch.”

³⁴ Yooto, kutoow :Bētērō kumwooy kule,

10:26 Yēyuut. 14:13-15; Ng'oong'. 19:10 **10:28** Yēyuut. 10:15;
Kala. 2:12 **10:30** Luuka 24:4; Yēyuut. 3:1; 1:10

"Kāānkēt ra kule ākoo -mēēnkwēlē :Yēyiin chii ake tukul. Māchāmē alak kusiir alak. ³⁵ Nteenee chāmē :Yēyiin biikaab yēēmēēt ake tukul choo iywēyē inee ānkuyēyē kiy nyēbo man. ³⁶ Kiiyookyi :Yēyiin biikaab Isrāyēēl lōkōōywēk chēē kāroomēch kurubta keey āk kaalyeet kubununēē Yēēsu *Kiriistō nyoo bāwu kiy ake tukul.

³⁷ Ābērē ōnkētē kiyēē kiikuyeyakay ām kōōrēētaab Yuutayeek kutoowunēē Kalilaaya, yu kātoow :Yoowaana kwaamta ng'aleekaab batisaneet. ³⁸ Ānkāābērē kyookas kule king'oobchi :Yēyiin Yēēsu nyēbo Nāāsārēēt Tāmirmiryēēnyii āk kāāmuukēywēēk. Kyōōnkēt oob kule kiwēēsyētootēē yēēmōōsyēk kuyēyootē tukuuk chēē kāroomēch? Kiityooktooy mbo chēē kikiikōōtiiny :Kibrōkōsyoontēēt. Kiyēyē chooto tukul, kuuyu kiboonto kāāmuukēy kukwaanee wōlēē mii :Yēyiin.

³⁹ Kikeekasee :acheek koonyekyoo kiy ake tukul nyēē kiyēyē :Yēēsu ām kōōrēētaab Yuutayeek āk mbo ām Yēērusālēēm. / Kikēēwuuytoochi Yēēsu kēētit / ankeebakach. ⁴⁰ Nteenee kiing'eetee :Yēyiin meet ām bēsyēētaab sōmōk kuchakee /kakeebakachee ankuyey kukas :biiko. ⁴¹ Mēēbērē kikas :biiko tukul, nteenee kikeekas :acheek choo kikiisimkukweyeech :Yēyiin choo kikyoomiisyootē āk inee yooto kikiikung'eetee meet. ⁴² Kiikāloonwēēch kule kyoomchinootē biiko

10:34 Room. 2:11; Kala. 2:6; Ḳfēēs. 6:9; Kolos. 3:25; Yāāk. 2:1; 1Bēt. 1:17 **10:36** Luuka 2:14; Room. 3:25-26; 5:1; 2Kōōr. 5:18-20; Ḳfēēs. 2:14-17; Kolos. 1:20 **10:37** Luuka 4:44 **10:38** Luuka 4:18; 13:16; Yoowa. 3:2 **10:39** Yēyuut. 1:8 **10:41** Luuka 24:41-43

ānkiiboorchinootē kule inee :nyooto kiikukwey :Yēyiin nyēē mākōōtiilchi choo sobtōōs āk choo kiikubēk ng'aleek. ⁴³ Yēēsu nyilitēnyi :nyooto ng'āloolēē *:wōōrkooyikaab Yēyiin tukul, yoo mwooyē kule chii ake tukul nyoo kēēyēnchi +/ mākēēnyōōchi kaat ām choolwookātēenyii.”

⁴⁴ Kutākumii :Bētērō kōōrwooohē, kōōsuuchi :Tāmirmiryēētaab Yēyiin chii ake tukul nyēē kiyēbchi yiit ng'aleechaa. ⁴⁵⁻⁴⁶ Kutoow :bichoo kung'alaal kuutuweek cheē kimēēnkētē kōōkoostoooy Yēyiin. Yu kakas :Yuutayeech choo kikwoontooy keey Bētērō cheē kikiikdōyēnchi Yēyiin kule / kikēēng'oobchi Tāmirmiryēētaab Yēyiin mbo biiko cheē mā Yuutayeech, koolat.

Yooto, kumwooochi :Bētērō kule, ⁴⁷ “Nee :nyēē tākukērēktooy bichu / keebatisanee bēēko? Ntēē kāākunyōōr :nkicheek Tāmirmiryēētaab Yēyiin kuu yoo kikēēnyōōru :acheek!” ⁴⁸ Yooto, kumwooy :Bētērō kule / keebatisan bichoo ām kaayneetaab Yēēsu *Kiriistō. Kisaaysaay :bichoo Bētērō kule tākōōbuurto keey icheek ām bēsyōōsyēk cheē ng'ēri.

11

*Kiyēē kimwooochi :Bētērō kaniseetaab
Yēērusālēēm kuyēētē keey*

¹ Nto mii yoo, kucas *:lēbkēēyik āk biikaab Kiriistō ām yēēmēētaab Yuuteeya kumukuul kule kookutorooch mbo :biiko choo mā Yuutayeech

10:42 Yoowa. 5:22; Yēyuut. 17:31; Room. 14:9; 2Kōōr. 5:10; 2Tēm. 4:1; 1Bēt. 4:5 **10:43** Isa. 53:11; Cherem. 31:31-34; Luuka 1:77; 24:44; Yēyuut. 13:38; 26:18 **10:45-46** Yēyuut. 2:4; 8:15-17; 19:6

10:45-46 Yēyuut. 2:4, 11, 33; 19:6; 1Kōōr. 14:2-6 **10:47** Yēyuut. 2:38-39

ng'ālyoontēētaab Yēyiin. ² Kunyoo, yu keetooch :Bētērō Yēērusālēēm, kuwookuuutyēē :Yuutayeech chēē kikiikōōyēnchi Yēyiin. ³ Kimwoochi kule, “So, Bētērō, nteē siwēē-āmiisyē āk biich chēē mā Yuutayeech?”

⁴ Kurārchi :Bētērō bichooto kiy ake tukul ām kēēlto nyēē rootaat ⁵ kule, “Kimii yēē kyāāsooyē ām Yooba nto tāābērē, kuchōōnchoo :ng'oong'uutyēēt. Kyaakas ankeet nyēē tebees nyēē / kikiirēēk kuchōōnēē barak / kukakeenamaan kotootook tukul ang'wan, ākoy yēē kyāāmiitē. ⁶ Nto bērē ārōōtōtē, akas tyoong'in choo / kēēbāyē, tyoong'iikaab wuuyēēt, choo ichuutēē keey ng'wēny āk tāriitēk. ⁷ Yooto, / kēēkuurwoo kule, ‘Bētērō, ibakach tyoong'iichoo ankii-am.’ ⁸ Yooto, āwālu kule, ‘Kubooyiit man ii, Mokoryoontēēt, acha! Manaa-am bēsyēēt ake kiy nyēē mā *lubkoob.’ ⁹ / Kēēkētwoo kule, ‘-Mēēkuur kiy ake tukul nyēē kiyēyē :Yēyiin kutililiit kule mā lubkoob.’ ¹⁰ Kiyeyakay kuu nyiitēnyi areet sōmōk, nto mii yoo, /keesar ankaanaa kooyeey barak.

¹¹ Yooto bakenke, kukwa :biiko alake sōmōku chēē / kikiyyookunēē Kayisareeya ānkubokōōyyoong'iis saang' ām kayaata kyāāmiitē. ¹² Kumwoowoo :Tāmirmiryēētaab Yēyiin kule -māātōmōch āwēētē keey bichooto. Kikeebete keey mbo ng'eetaabiya lo chu kēēboontē keey ām yu ākoy kaytaab chiichoo. ¹³ Kimwoowēēch :chiichooto wōlēē kichōōnchinto :malayikeet ām kanyii ānkumwoochi kule, ‘Iyooktē biiko kuba ākoy Yooba bokukuur chiito ake nyēē / kēēkuurēē Simōōni, ¹⁴ nto kule Bētērō ām kaayneet

ake. Mākuyibuung' :chiichoo lōkōōywēk chēē makooraraachiing' ankooraraach mbo nkicheek biiko tukul ām kang'uung'.

¹⁵ Nto baanta nyooto kāātoowu ang'alaal, kōōsuuchi :Tāmirmiryēētaab Yēyiin bichooto kuu wōloo kiisuuchintēech nkacheek ām taay. ¹⁶ Yooto, asoot kiyēē kikiikumwoowēech :Mokoryoontēēt kule, ‘Kiibātisāniisyēē :Yoowaana bēēko, nteenee +/ makeebatisaneenaak akweek Tāmirmiryēētaab Yēyiin.’ ¹⁷ Kunyoo ii, yēē ākoo kiimuuchē :Yēyiin kung'oobchi bichooto Tāmirmiryēēt kuu wōloo king'oobtēechacheek yoo kikiyyēnchinē Mokoryoontēēt Yēēsu Kiriistō ii, ku anii ng'oo saasoot akwiil Yēyiin?’

¹⁸ Yu kabokukas :bichoo ām Yēērusālēēm ng'aleechaa, manaatakukwiil ng'ālyoo ake tukul. Kunyoo, kisilto Yēēsu kumwooyē kule, “Ākoo kāākōōkoochi :Yēyiin nkicheek biiko choo mā Yuutayeek bārooyinto nyēē imuuchē kuweeksee choolwookātēēng'waa sukunyōōr soboonto.”

Kaniseetaab Antyookya

¹⁹ Kiba :biiko choo kiisereet :wusiisyēēt kubo ng'aleekaab Steefaan ākoy Fōyinikē, Kubrō ākoo Antyookya. Kyoomchinootē lōkōōywēk Yuutayeek nkit. ²⁰ Kikwa Antyookya :Yuutayeek chēē kibo Kubrō āk Kurēēn ānking'ālōolē kuutiitaab Kirikiik. Kitoow :bichu kwoomchi Kirikiik lōkōōywēk chēē kāroomēch kurubta keey Mokoryoontēēt Yēēsu. ²¹ Kiboonto :bichoo kāāmuukēywēēk kukwaanee

11:14 Yēyuut. 16:31 **11:15** Yēyuut. 2:4; 10:44 **11:16** Yēyuut. 1:5 **11:18** Yēyuut. 13:48; 14:15, 27; 15:4, 12, 22-29; 17:12; 18:5-11; 19:8-10; 20:21; 21:19; 26:20 **11:19** Yēyuut. 8:1-4

wōlēē mii :Yēyiin. Yooto, kuweek :biiko chēē chaang' kōōyēnchi Yēēsu.

22 Kiyityi :ng'aleechaa kaniseetaab Yēērusālēēm. Yooto, / kiiyookto Barnaaba kuwo Antyookya. **23** Yu kāwokuyit wōlooto, ankukas kiyēē kikiikuyey :Yēyiin ām kāāmuukēywēkyii, kung'ērēkyi. Yooto kōōkiim bichooto tukul kōōbuurto Mokoryoontēēt ām mooyēēt akeenke. **24** Kileēl :moo chiichi. Kiboonto :chiichoo Tāmirmiryēēt kuyem ānkōōkoosēē keey Yēyiin miisin. Kiyis keey yooto :biiko chēē chaang' kukwa komostaab Mokoryoontēēt.

25 Nto mii yoo, kuwo Barnaaba ākoy Taarsō wokucheeng'aat Sāwulō. **26** Yu kāwokunyōōr kuwēēto keey ākoy Antyookya. Kunyoo, ām kēnyiit akeenke, kiinēētē .Barnaaba āk Sāwulō biikaab Kiriistō chēē chaang'. Antyookya :wōlēē / kikēēkuurē rubiik nyēbo taay kule 'Biikaab Kiriistō'.

27 Kimii ām bēsyōōsyēchooto yēē king'ēētyēē *:wōōrkooyikaab Yēyiin alake Yēērusālēēm kurēkto Antyookya. **28** Ake ām wōōrkooyichoo ku nyēē / kikēēkuureē Akaabo. King'oor ām Tāmirmiryēētaab Yēyiin kule mākuchō :kēmēwuut nyēē ng'waa miisin kōōrēētaab Rooma kumukuul. (Kichōōnii :kēmēwuuni yu kibāytooyiisyēē :Kilaawutiyo.)

29 Kunyoo, kisyeem :rubiintēēt ake tukul wōlēē kiimuuktooy kōōruruuch beesaanik kuyēētyēēchi mbo ng'eetaabkaamet ām Yuuteeya. **30** / Kikiyookto Barnaaba āk Sāwulō kuyib

tukuuchoo bokutēbunēē āwunnyēkaab booyik chēbo kaniseetaab Yēērusālēēm.

12

Kiwaaytee keey :Bētērō wōloo / kikēērātyinē ām kēēlto nyēē -/mākyoomu

¹ Nto mii yoo, kunam :bāytooyiintēēt *Ērōōtē nyoo /kikēēkuurē kule Akiriiba, biikaab Kiriistō alak ankoonyaliil. ² Kibakachee :Ērōōtē Yāākōbō nyoo ki ng'eetaabkaametiitaab Yoowaana chōōkiit.

³ Yu kawokukas :Ērōōtē kule kiing'ereech :ng'ālyoontoonoo Yuutayee, kutas taay ankunam nkinee Bētērō. Kiyēyāksē :ng'ālyoontoonoo / kyoomē Saakweetaab mukaatiin chēē mākuutunootiin. ⁴ Yu / kabokeenam Bētērō, / keekerta kāābēērit. /Kikiikoochi bokuriib :lukēēt nyēbo biiko taman āk lo chēē kibēētotoē ang'wan ang'wan kubārchinē keey bēsyō. Kimāchē :Ērōōtē kule yoo kāākubēk :āsiiswēkaab *Saakweetaab Keeytaayeet, / kēēkwēryoot Bētērō / bokiikum kukāsē :biiko tukul.

⁵ Kiibuur :Bētērō kāābēērit, nteenee kisoochinē :kaniseet miisin. ⁶ Nto ām kwēēmowuut nyi kimāchē :Ērōōtē kule / sikeēkwēryoot Bētērō yoo kayyeech / bokiikum, kimii :Bētērō kāru kwēēnuutaab riibiik āyēēng' ankirataat nyōrōōrōōnik āyēēng'. Kimiitē :riibiik alake āyēēnku kuriibē kurkat saang'. ⁷ Yooto, kutook :malayikeet ake areet akeenke kulebkeyiit

11:30 Yēyuut. 12:25; Room. 15:26; Kala. 2:10 **12:2** Māārkō 10:35-40 **12:4** Yēyuut. 4:3; 5:18 **12:5** Yēyuut. 1:14; 2:42; 6:4; Yāāk. 5:16

:kōyooto kimiitē :Bētērō. Kooluchluuch :malayikaanaa Bētērō kumwoochinē kule, “Ng'eet areet akeenke.” Kōōtyookiis :nyōrōōrōōnik ām āwunnyēkaab Bētērō. ⁸ Kōōtyooktōōs, kumwoochinē :malayikeet Bētērō kule, “Siriny kaansuung'uung' ankiimoot nto yityo ilaach kwēyōōnik.” Kuyey :Bētērō kuu nyooto. Nto mii yoo kumwoochi kule, “Ilaach kābuutiing'uung' ankiirubwaa.” ⁹ Kirub :Bētērō malayikaanaa kut kuchuyta saang' ām wōloo / kikēērātyinē. Yooto tukul, kibērē :Bētērō ki kiirwoot :kiyēē kimii :malayikeet kuyēyē. ¹⁰ Kikeeytee :tukwaay riibiik chēbo taayta āk chēbo āyēēng'. Nto kuyitē oreet nyēbo karneet nyēē / kēēchuchinēē kiriinkēēt, kuyootāktōōs :nyoo nkityō. Kuchuyta :icheek ankutas taay āk baanng'waa. Nto kumānāāyitē wuy, kubot :malayikeet.

¹¹ Kusēw :Bētērō ankumwaayee mooyēēnyii kule, “Kāānkēt man kule ākoo kā Yēyiin :nyēē kēēyooku malayikaani kule chokootyaakteenaa āwunnyēkaab Īrōōtē āk kiyēē kimāchē :Yuutayeek kuyeyeenaa.” ¹² Yooto, kuwo :Bētērō kōōtaab cheebyoosyeet ake nyēē / kikēēkuurēē Maaryaa, kaametiitaab Yoowaana nyēē / kikēēkuurē ām kaayneet ake kule Māārkō. Kikiikōōruruukyi keey :biiko chēē chaang' kōyooto chēē kimii kusooyē. ¹³ Kukuurso :Bētērō ām oreetaab tuuyta. Kiwokukas :chēēbto ake nyēē ki motwooriin nyēē / kikēēkuurēē Roota kule ki ng'oo :nyoo kikuursē. ¹⁴ Yu kēēnkēt kule bo :kuutiit Bētērō,

kung'erech nyēē -/mākyoomu. Kumānāāyootiyinē oreet, kuweech keey kulabat ānkuwokumwoochi chuuut kule, “Kookas, ntēē kāākuchō :Bētērō!”
15 Kēēlēēnchi, “Karaam :mēting'uung' man ēē?” Kulē :chēēboo, “Biikyoo, ankookas ng'aleekyuul!” Kiyey kuu nyooto kut /kēēmwooy kule, “Ākoy ku malayikeetaab Bētērō :nyooto.”
16 Yooto tukul, kimii :Bētērō kutāsē taay kukuursē ām yooto bo oreet. Yu /kakeeyaat oreet, /kēēlē, “Māku Bētērō :nyi!” Kinam kuut biiko miisin.
17 Yooto, kumwechee :Bētērō biiko āwut kule kusiisyo ānkurārchi wōlēē kiityaakta inee :Yēyiin. Kimwooy mbo subak kule, “Bōōmwoochi Yaākōbō ākoo mbo ng'eetaabiya alak ng'ālyoontooni.” Yu kāmwooy kuu nyooto, kuwo yēēt ake.

18 Yu kayyeech :kōōrēēt, kwoorookēniis :riibiik yu kakas kule māmii :Bētērō kuuyu kimēēnkētē kiyēē koyeyakay. **19** Yu kamach *:Ērōōtē Bētērō āmēēbērē kimii wōloo /kikēēkērtooy, kukuur riibiichoo /bokiikuum. Nto kuuyu kimēēmuuchē :riibiichoo kurār wōlēē kibeeta :ng'aleek, /keebakach. Nto mii yoo, kung'eetee :Ērōōtē Yuuteeya ānkuwo ākoy Kayisareeya ānkōōbuur wōlooto.

Meetaab Ērōōtē

20 Kikiikuchuunchuun *:Ērōōtē āk biikaab Tiirō āk chēbo Sitōōn. Kuuyu kiikoosēē keey :kōōrōōsyēchooto kōōrēētaab Ērōōtē kubo āmiik, / keekwey alamaalyeet nyēē kiruutoochi Ērōōtē. Kisimbokung'āloolchi chiito ake nyēē / kikēēkuurēē Blaasto nyēē kiiyyoonkyinē

kaytaab bāytooyiintoonoo. Kibokusoomē :bichoo bāytooyiintēēt Īrōōtē kule kuchō :kaalyeet.

21 Nto yu kayit :bēsyēēt nyēē / kikiikeekwey kubooyiit tuuyēēt, koolaach :Īrōōtē sirookyii chēbo bāytooyiisyēēt. Kiibuurēē ng'echereenyii bo bāytooyiisyēēt ānkung'āloolchi biiko cheē kikiiruruukyi keey yooto. **22** Yooto kulē :biiko, “Ntēē ng'āloolē kut wuu nyēē kāākuyēk Yēyiin ōō, lēyyē!” **23** Kuuyu king'ērēkyi :Īrōōtē kiyēē kimwooy :biiko āmēēbērē kiiywey Yēyiin, kuchō *:malayikeetaab Yēyiin areet akeenke ānkukwēr Īrōōtē kumilta! Kyaam :kuutyek kut chokume lētuunoo.

Kiyeey :Barnaaba āk Sāwulō Antyookya

24 Yooto tukul kuyesta :ng'ālyoontēētaab Yēyiin kuyityi biiko cheē chaang’.

25 Yu kaakoowaany :Barnaaba āk Sāwulō yi-syoonoo kibēēchinē Yēērusālēēm, kooyeey Antyookya. Kibeeta Yoowaana nyoo /kikēēkuurē ām kaayneet ake kule Māārkō.

13

/Kikiyookto Barnaaba āk Sāwulō

1 Kimii ām kaniseetaab Antyookya :biiko cheē *wōōrkooyik āk kāānēētik. Bichooto ku: Barnaaba, Simiyōōn nyēē / kikēēkuurē ām kaayneet ake kule Kibtuuy, Lukiiyō nyēbo kōōrēētaab Kurēēn, Māānāyēēn nyoo kinērē ākoo *Īrōōtē Antibaas, nto ake ku Sāwulō.

12:22 Īsēk. 28:2 **12:24** Yēyuut. 2:41 **12:25** Yēyuut. 9:27;
11:29-30; 12:12 **13:1** Īfēēs. 4:11; 1Kōōr. 12:10, 28-29; 14:1-6,
29-32

2 Nto mii bēsyēēt ake, kumii :bichooto tukul kusiltooy Yēyiin ānkukirē kwoomiis, kumwooy :Tāmirmiryēētaab Yēyiin kubununēē wōōrkooyoontēēt ake kule, “Ōtāboonwoo Barnaaba āk Sāwulō kubo yiisyēēt nyēē !kāākwēchi icheek.”
3 Kunyoo, kumii :bichooto kukirē kwoomiis ānkusooyē, kutiinyēē Barnaaba āk Sāwulō āwunnyēk ānkōōyookto.

Kumii Barnaaba āk Sāwulō Kubrō

4 Yu kāākōōyookto :Tāmirmiryēētaab Yēyiin mbo Barnaaba, kuba ākoy Selewukyaa. Kibeetee mwēēnkēēt ām wōlooto ākoy kuyit Kubrō. **5** Yu kayit *kiriinkēēt ake nyēē / kikēēkuurēē Salaami ām Kubrō, kwaamtaat ng'ālyoontēētaab Yēyiin ām kooriikaab saayeet bo Yuutayee. Kiboontootē keey Yoowaana nyoo kiyēētyēēchinootē icheek.

6 Kibeesyetaatee :icheek komosaata bo Kubrō tukul ākoy yēēt ake yēē / kikēēkuurēē Bāāfō. Kinyoorta wōlooto chēēbsookēyoontēēt ake nyēē ki Yuutāyiin nyēē / kikēēkuurēē Araab Yēēsu. Kiyibē keey :chiichoo kule *wōōrkooyoo.

7 Kiyēētyēēchinē :chiichi bāytooyiintēētaab yēēmoonooto nyēē / kikēēkuurēē Sērkiiyō Bāwulō. Ki ng'oom :bāytooyiintonoo miisin. Kimwaayta / bokēēkuurchi Barnaaba āk Sāwulō kuuyu kimāchē kule kuyēbchi yiit ng'ālyoontēētaab Yēyiin. **8** Kaayneetaab chēēbsookēyoontoonoo nyēbo Kirikiik ku Elimaas. Kikwiil :Elimaas Barnaaba āk Sāwulō ankusyeem kumaas kāāsōōtēywēēkaab

13:2 Yēyuut. 2:17; 8:29; 10:19; 16:6-7; 20:23; 21:4, 11 **13:3** Mat. 6:16-17; Yēyuut. 6:6 **13:5** Yēyuut. 13:14; 14:1; 17:1-2, 10, 17; 18:4, 19; 18:26; 19:8; 12:12

bāytooyiintonoo simēēyēnchi ng'aleekwaa. ⁹ / Kikiinyiityi Sāwulō (nyoo / kibokēēkuur lētuunoo kule Bāwulō) Tāmirmiryēētaab Yēyiin, ānkōōrōōtoot Elimas. ¹⁰ Yooto, kumwoochi kule, "Ibooyē :inyiing' Kibrōkōsyoontēēt! Iyēku buunyoo ām wōlēē mii :kiy ake tukul nyēbo manta! Ibērbēēriisyē 'ankiicham imoosē biiko. Ām nee yu 'kiicham i-ābuchē ng'ālyoontēētaab Yēyiin? ¹¹ Makoorabaachiing' :kāāmuukēywēēkaab Yēyiin ikor." Ām areet akeenke, kuker chiichoo :chēēbkēēruut āk mēēnānēēt. Kutorobēnoot kule nto nyōōr chii nyēē kanam āwut sukōōrēētoot. ¹² Yooto, kōōyēnchi :bāytooyiintonoo Yēyiin, yu kawokukas kiyēē kiyeyakay ām wōlēē mii :chēēbsookēyoontēēt. Kiilat miisin ām kāāmuukēywēēk kurubta keey āk Mokoryoontēēt.

Kumii icheek Antyookya ām yēēmēētaab Bisiitya

¹³ Nto mii yoo, kuwēētēē :Bāwulō mwēēnkēēt kung'eetee Bāāfō kuboontootē keey chōōrōōnuutēkyii ankuba ākoy Beerka ām yēēmēētaab Bamfulyaa. Kibakaaktee icheek :Yoowaana yoto ankooyeey Yēērusālēēm. ¹⁴ Yu kāng'ēētyēē :icheek Beerka, kuba ākoy Antyookya ām yēēmēētaab Bisiitya. Nto mii yēē ki bēsyēētaab *Sabaato, kōōwut :icheek *kōōtaab saayeet nyēbo Yuutayeek ānkōōbuur ng'wēny. ¹⁵ Yooto, /keesuman ng'aleek kukwaanee :kitaabuunekaab Muusa āk chēbo *wōōrkooyikaab Yēyiin. Nto mii yoo, kumwoochi :biiko chēē kiiyyoonkyinē kōyooto bo saayeet chiito ake wokuteebée Bāwulō

āk Barnaaba, yoo mii :ng'ālyoo nyēē māchē :icheek kōōkiimēē biiko.

16 Yooto, kung'eet :Bāwulō ānkōōtōrōōr āwut. Nto yityo, kumwoochi kule, "Biikyoo bo *Isrāyēēl āk akweek Kirikiik choo ōyēnchinē Yēyiin, oyeb yiit.

17 Kikwey :Yēyiintēētaab Isrāyēēl mbo kuuko ankuyey kuyēk sērē yoo kitākumii Miisir ankoong'eetee wōlooto ām kāāmuukēywēēkyii.

18 Kimuytoochi ng'aleekaab bichoo kumii suurkwēēnēēt ām kēnyiisyēk chēē kimāchē kuyitē artam. **19** Kiikarbuus :Yēyiin bōrōryōōsyēk tisab chēē kiminyē Kanaan ānkurōōbchi biikyii kōōroonooto. **20** Kiyib :ng'aleechaa tukul kēnyiisyēk chēē yitē bokolwookik ang'wan āk konom. Yu kāwokukeeyta :yoo, kukōōn :Yēyiin kubāytooyiis :kiirwookik.

Kibāytooyiis :ake kōōkēērē :ake ākoy bēsyēēt nyēē kichokubāytooyiisyē *:wōōrkooyoontēēt Sāmwēēl. **21** Kimākyi keey :biiko bāytooyiintēēt nyēē nyeeng'waa. Yooto, / kiikoochi bichooto Sāwulō araab Kiis nyoo kichōōnēē kōōtaab Beenchamiin. Kibāytooyiis :Sāwulō kēnyiisyēk artam.

22 Yu / kābokiinēm Sāwulō ām bāytooyiisyēēt, kookeeree :Yēyiin *Tāwuti. King'alaalee :Yēyiin Tāwuti nyēē karaam kumwooyē kule, 'Kaakwey Tāwuti araab Yēsē, kuuyu chii nyēē chāmē :mooyēēnyuu. Makuyey kiy ake tukul kuu wōlēē āmāktooy.'

23 Kiyey :Yēyiin kurutunēē *:Kāārārookiintēēt

13:15 Yēyuut. 15:21 **13:17** Chuy. 1:7; 6:6-7; Kiruu. 5:15; 7:6-8

13:18 Chuy. 16:35; Kāāyiit. 14:26-35; Kiruu. 1:24-40; Tyēēn. 95:10; Ibu. 3:3-19 **13:19** Kiruu. 7:1; Choos. 14:1; Tyēēn. 78:55 **13:20** Kiir. 2:16; 1Sām. 3:20 **13:21** 1Sām. 8:5, 19; 10:21-24; 11:15

13:22 1Sām. 16:1, 12; 13:14

kōōtaab Tāwuti sukooraraach Isrāyēēl kuu yoo kikiikukuurtoowēēch. Nyooto ku Yēēsu. **24** Kisimkwoomchi :Yoowaana biikaab Isrāyēēl kutēē yēē tēē, kumānāāchō :Yēēsu, kule kuweek :tukul ām miyootyēēt / ankeebatisan. **25** Nto kumiitē :Yoowaana kōōwoong'tooy yiisyēēnyii, kumwoochi biiko kule, 'Ōsōōtē :akweek kule anii ku ng'oo? Mā :anii Kāārārookiintonoo, nteenee, mii kuchōōnii :nyēē -māāyēmē mbo ārēēkyi kwēyōōnik.'

26 Mbo ng'eetaabiya, kēeyibwook :acheek lōkōōywēchu bo kaararaacheet akweek keseniisyekaab Abraam āk choo mā Yuutayeech choo ōywēyē Yēyiin. **27** Manaachamta :biikaab Yēērusālēēm āk bāytooyikwaa kule *Kāārārookiintēēt :Yēēsu, yooto kōōtiilchi meet. Nteenee kiityiich :yuutēyu ng'aleekaab *wōōrkooyikaab Yēyiin choo /kikēēsumānē *Sabaato ake tukul. **28** Ānkoo kimāmii :lēēlis nyēē kiimuuchē kuyey / kiitiilchi Yēēsu meet, kiikiimchi :bichoo *Bilaato kule kubakach Yēēsu. **29** Yu keewaany :icheek kuyeyee Yēēsu kiy ake tukul kuu wōloo kimwooytooy :siruutēk, / bokiirēēkunēē kēētoo / kikēēwuuytoochinē / ānkubokiitōōr kochong'. **30** Nteenee koong'eetee :Yēyiin Yēēsu meet. **31** Kikas :biiko ām bēsyōōsyēk chēē chaang' :choo kibēēsyētootē tukul kung'eetee Kalilaaya ākoy Yēērusālēēm. Bichooto :chēē mii kumwoochinē

13:23 Isa. 11:1; Cherem. 23:5; Mat. 1:1; Luuka 2:11 **13:24**
Luuka 3:3 **13:25** Luuka 3:15-16, 19-20 **13:27** Yēyuut. 3:17-18
13:28 Luuka 23:4, 14-15, 21-23, 47 **13:29** Luuka 23:50-56; 24:44
13:30 Yēyuut. 4:2

biiko kurubta keey āk inee.

32-33 Kiyēē kēēmiitē kyoomwook ku lōkōōywēk chēē kāroomēch kule kaakootyilich :Yēyiin ām wōlēē kēēmiitē :acheek keseniisyek, kiyēē kikiikukuurtoochi mbo kuuko kule mākōōyook wōōrkooyoontēēt nyēē wuu Muusa. Nto nyooto ku Yēēsu. / Kēēng'ālōolēē mbo yuutēyu ām kitaabuutaab Tyēēnwookik kurkeetaab āyēēng' yoo mwooyē kule, 'Inyiing' lakwanyuu.

Kāāyēku :anii kōōn ra.'†

34 Nto kurubta keey āk ng'eeteetaab meet bo Yēēsu nyēē mākoy kunun :bōōrnyii, mwooyē :Yēyiin kule, '+Maayey kuyityiin :ng'aleechaa /kiikoosēē keey choo kyāākuurtoochinē *Tāwuti.'†

35 Mwooyē mbo :siruutēk ām yēēt ake subak kule, '-Mēē-āsyinē chiing'uung' nyoo churtaat kunun.'†

36 Kunyoo, yu keewaany :Tāwuti kuyey kiyēē kimākyinē :Yēyiin ām bēsyōōsyēkyii, kume, Yooto / kēēmuchi wōloo / kikēēmuchi mbo kuukaanyii. Kinunchi :bōōrnyii wōlooto.

37 Nteenee manaanun :bōōrtaab nyoo kiing'eetee :Yēyiin meet. **38-39** Kunyoo ii, mbo ng'eetaabiya, āmāchē āboorwook kule / kēēnyōōwook kaat ām choolwookatēēng'woong' kubununēē Yēēsu. Yoo kēēyēnchi :chii ake tukul Yēēsu, kuchurtooy ām taayeetaab Yēyiin, ng'ālyoo nyēē mēēmuuchāktōōs /keeyey kubununēē kiruutēkaab Muusa.

13:31 Yēyuut. 1:8 † **13:32-33** Tyēēnwookik 2:7 **13:32-33** Kiruu.

18:15-18; Yēyuut. 3:22-26; 7:37 † **13:34** Isa. 53:3 † **13:35** Tyēēn.

16:10 **13:36** Yēyuut. 2:29 **13:38-39** Luuka 24:47; Yēyuut. 2:38; 10:43; Room. 3:28; 5:1; 7:5-6; 10:1-13

40 Ōriib keey ām kiyēē kiikung'oor
*:wōōrkooyikaab Yēyiin sukung'eet māyēyākiis
:ng'aleechaa ām wōlēē ūmiitē. /Kikēēmwooy kule,
41 'Okaste baa, :akweek choo ūmōōntoooyiisyē.

Kookas ng'aleechu ankoolat, ānku
+mōōbootyē,
kuuyu -mōōchāmtooy kiyēē āyēyē kutōōmiitē
kōōrēēt
ānkoo /kākēērārwook.†”

42 Yu kimii :Bāwulō ākoo Barnaaba kung'ēētyēē
*kōōtaab saayeet, / kēēmwooichi kule, “Tookwaa
*Sabaato nyi chōōnii, bōō-āmwēēch ng'aleechu.”

43 Kiiyēnchi :Yuutayeek chēē chaang' āk Kirikiik
Yēēsu ankurub mbo Bāwulō. Kiirwookyinoot
:Bāwulō āk Barnaaba bichoo kōōkiimchinē
kōōkēnēē keey chamateetaab Yēyiin.

44 Nto yitu :Sabaato nyoo kiikēērē, kōōruruuch
keey :biikaab *kiriinkēēt tukul bokuyēbchi
yiit ng'ālyoontēētaab Yēyiin. **45** Yu kakas
:kāāntōōyikaab Yuutayeek kuu nyooto, kōōtuuyiityi
moo. Kikwiil kiyēē kimii :Bāwulō kumwooyē.
46 Yooto, kumwooichi :Bāwulō ākoo Barnaaba
bichooto ām nyikanateet kule, “Ki nyēēng'woong'
akweek ng'ālyoontēētaab Yēyiin. Nteenee
kuuyu kootay :akweek ra ānkōōyibē keey
kule mānyoolchook *:soboontaab kibchuulyo,
kēēwēēkyi kāāsōōtēywēēkyoo wōlēē mii :bichu
mā Yuutayeek. **47** Kimwooy :Yēyiin kule,
'Kaayeyiing' iyibchi biiko choo mā Yuutayeek
lēbkēēyyēēt

† **13:41** Aabak. 1:5 **13:43** Yēyuut. 11:23; 14:22; Room. 3:24;
Kala. 1:6; 5:1 **13:44** Yēyuut. 17:2 **13:46** Yēyuut. 3:26; 18:6;
Room. 1:16; 2:9

sukung'eet /kiimuuch /kiiraraach biiko ām
komoswookik tukul chēbo kōōrēēt.'†"

⁴⁸ Nto bérē kukas :biiko choo kimā Yuutayeek ng'aleechaa kibo Bāwulō, kung'ērēkiis miisin. Kikoonyit ng'ālyoontēētaab Yēyiin ankookaasee keey Yēēsu :tukul choo / kikiikeetool kunyōōr soboontaab kibchuulyo.

⁴⁹ Kiyestee :ng'ālyoontēētaab Yēyiin yēēmoonooto kumukuul. ⁵⁰ Nteenee kiiwuruur :Yuutayeek chēēbyōōsōōkaab Kirikiik chēē kitookunootiin chēē kikiikurub ng'aleekaab Yuutayeek āk booyik chēē kitookunootiin ām kiriinkoonoo. Kiyey :bichoo wōōrōōryēēt kut / keekwetee Bāwulō ākoo Barnaaba yēēmoonooto. ⁵¹ Kiitaarta :icheek tēērtit ām kērēēnkōōkwaasukōōsōōtēē keey :bichoo ānkutākyi keey *kiriinkēēt ake nyēē /kikēēkuureē Ikonnyaa. ⁵² Nteenee king'ērēkiis :choo kiiyēnchi Kiriistō /ānkiinyiityi Tāmirmiryēētaab Yēyiin.

14

Kumii :Bāwulō ākoo Barnaaba Ikonnyaa

¹ Yu kimii :Bāwulō āk Barnaaba Ikonnyaa, kuba *kōōtaab saayeet nyēbo Yuutayeek kuu kwaak. Kyaamta ng'ālyoontēētaab Yēyiin nyēē kōrōōm miisin kut kōōyēnchi :Yuutayeek āk Kirikiik chēē chaang' Yēēsu. ² Nteenee kōōwuruur :Yuutayeek choo kitay kuchamta Yēēsu Kirikiik kukwiil mbo ng'eetaabiya. ³ Kiiwoonkyi :Bāwulō āk Barnaaba bēsyōōs chēē chaang' wōlooto kung'āloolē nyēē kimānyōōkōōrēch mbo kisich,

† **13:47** Isa. 49:6 **13:48** Yēyuut. 11:18 **13:51** Luuka 9:5;
Yēyuut. 18:6

kurubta keey chamateetaab Yēēsu. Kiiboor :Mokoryoontēēt kule kibo man :lōkōōywēchoo yoo kiikoochinē icheek kāāmuukēywēēk kuyeyee ng'al chēbo kwōng'uut. ⁴ Kichuunchuunootiin :biikaab kiriinkoonoo. Kichoontōōs :alake āk kāāntōōyikaab Yuutayeeek kuchoomtōōs :alake ākoo lēbkēēyik. ⁵ Nteenee kinoomnyo :Yuutayeeek āk Kirikiik kuboonto keey kāāntōōyikwaa ānkuchōb koonyaliil lēbkēēyik ankuwiiree rwoontōōk kubakach. ⁶ Kisimkōōnkēt mbo :Bāwulō ng'aleechaa. Kumwēy kutākyi keey yēēmēēt ake nyēē / kikēēkuurēē Lukawoonnya wōlēē kimii :kiriinkēēt nyēē / kikēēkuurēē Luustra āk Tēērbē āk mbo soong'wēk alak chēē kilēēkitēē yooto. ⁷ Kitas taay :icheek kwaamtaat lōkōōywēēk chēē kāāroomēch ām wōlooto.

Kumiitē :Bāwulō āk Barnaaba Luustra āk Tēērbē

⁸ Kimiitē :chiito ake kiriinkoonoo bo Luustra nyēē kikiikuchunkuut :kērēēnkōōk kung'eetee leekwaanti āmānāāwēēsyēēt bēsyēēt ake. Kimii :chiichoo kukēēbuur ng'wēny ⁹ kuyēbchinē yiit wōlēē kimii kung'ālolooy :Bāwulō. Yooto, kōōrōōtotoot :Bāwulō chiichooto ānkōōnkēt kule kiikoosēē keey :chiichoo Yēyiin nyēē yēmāktōōs / kiisoob. ¹⁰ Kukuurchi :Bāwulō chiichoo kule, “Ing'eet ānkiyyoony.” Kung'eet :chiichoo areet akeenke ānkuwēēsyēētotoot.

¹¹ Yu kakas :biiko ng'aleechaa, kumwooy ām kuutiing'waa kule, “Nto yu kāākurārākyēēch ra āynātōōs chēē wuu biich.” ¹² Kikuurēē :bichooto

14:5 Yēyuut. 14:19; 2Tēm. 3:11 **14:6** Mat. 10:23 **14:8** Yēyuut.

3:2 **14:11** Yēyuut. 8:10; 12:21-22; 28:6

Barnaaba *Sēēwus, kukuurēē Bāwulō *Ēērmē, kuuyu ki inee nyēē ki ng'ālooliintēēt nyēē wōō. ¹³ Kimii :kōōto ake nyēē / kikēēsooyēē Sēēwus nyēē kilēēkitēē yēē kibo oreet nyēē iwutē kiriing'. Yooto kukwēryoon:kibkōrōs nyēē kiyoonkyinē kōyooto wuunōōk āk toobtōōk ākoy oreetaab kiriinkoonoo. Kimāchē :inee āk biiko chuut kule kuyēchi mbo Bāwulō kōrōsēēk. ¹⁴ Nteenee yu kakas :Barnaaba āk Bāwulō ng'aleechaa, kukereer sirookwaa kōōboor kule katay ng'aleechaa. Kulabat wōlēē kikiiruruukyi keey :biiko ānkubōlchi kule, ¹⁵ "Murēchu! Ām nee yu sooyey ng'al cheēē tēē chu? Ntēē keekerkeeyeacheek āk akweek. Kēēmiitē kēēyibwook lōkōōywēk chēē kāroomēch. Oweeksee mosoonkoyeenichu māsāru kiy ānkōōyēnchi Yēyiintēētaab manta, nyoo kiyēyē barak āk ng'wēny, araarayta āk tukuuk tukul choo mii wōlto.

¹⁶ Ām bēsyōōsyēk choo kibo taay kyoosyi :Yēyiin kōōrootunwēēk kurub ātēbuutēkwaa. ¹⁷ Nteenee tukuuk chēē kāroomēch choo kikōōnook :Yēyiin kōōbooru :yooto wōlēē wuu :inee. Kikōōnook roobta ānkuyēyē kubiityo :āmiik ām bēsyōōsyēk chēē kiikuchōbchi. Kōōnook āmiik chēē chaang' ānkuyēyook ong'erech." ¹⁸ Kimā kuskus kukerekta :mbo Bāwulō bichoo kumayey kōrōsēēchoo ānkoo sinee kiimuukta.

¹⁹ Nto mii yoo, kukwaanee :Yuutayee alake Antyookya ākoo Ikonnyaa ānkubokutēwēch biiko kutayee keey mbo Bāwulō ānkōōyēnchi ng'aleekwaa icheek. Kuwiiree :bichooto Bāwulō

rwoontōōk ānkōōng'irtiitoot kuwo kiriinkoonooto saang' kubērē tōōs kaakume. ²⁰ Nteenee kukwa :biikaab Kiriistō ānkōōruruukyi keey Bāwulō. Kung'eet :Bāwulō ankooyeey ākoy kiriinkoonoo. Nto yu kāyyēēkunēē, kung'eetee Luustra ākoo Barnaaba ānkutākyi keey Tēerbē.

Kiiyeey :Bāwulō āk Barnaaba Antyookya nyēbo Siirya

²¹ Yu kabokuyit :icheek Tēerbē, kwaamta lōkōōywēk chēē kāroomēch ām wōlooto ānkōōyēnchi :biiko chēē chaang'. Nto mii lētuunoo, kooyeey kaa. Kibunteē Luustra, Ikonnyaa ākoo Antyookya nyēbo Bisiitya. ²² Kiititirootē biikaab Kiriistō kutēē yooto tukul kutas taay kukiilchi ng'ālyoontēētaab manta. Kimwooochinootē biiko kule, "Ākoy kēēbuntēē nyāliluutēk chēē chaang' ām baani bo Kaab Yēyiin." ²³ Kiyēētyēēchi :Bāwulō ākoo Barnaaba kanisoosyek ām wōlto ake tukul kukwey booyik. Kikir :icheek kwoomiis ānkusoochi booyichoo. Nto mii yoo, kōōyokoochi bichooto Mokoryoontēēt nyoo kikiikookaasee keey.

²⁴ Yu kāwokumur :Bāwulō ākoo Barnaaba yēēmēētaab Bisiitya, kuyit nyēbo Bamfulyaa ²⁵ ankwaamta ng'ālyoontēētaab Yēyiin ām kiriinkēētaab Beerka. Nto yityo, kurēkto ākoy kiriinkēēt nyēbo Atalyaa.

²⁶ Nto mii yoo, kubeejee mwēēnkēēt kung'eetee Atalyaa kooyeey Antyookya wōloo /kikiikiyyiilchi icheek ām chamateetaab Yēyiin kubo yiisyēēt ny-ooto kikiikoowaany. ²⁷ Yu kabokuyit Antyookya,

kukuur biikaab Kiriistō. Kirārchi bichooto kiyake tukul nyēē kikiikuyey :Yēyiin kubuntēē icheek āk wōlēē / kikeeyaatita kēlto kookaasee keey :biiko choo mā Yuutayee Yēyiin. ²⁸ Kiibuurto keey :Bāwulō āk Barnaaba bichoo bo Kiriistō ām bēsyōōsyēk chēē chaang'.

15

Tuuyēēt nyēē kimii Yēērusālēēm

¹ Nto yēē kitākumiitē :Bāwulō ākoo Barnaaba Antyookya, kukwaanee :biiko alake Yuuteeya ankuba wōloto. Kibokooneet :bichoo mbo ng'eetaabiya. Kimwooyē kule, “-/Mākiirāroochook, yoo /kamakiimuraatanaak kuu wōloo mwooytooy :siruutēkaab *Muusa.” ² Kiyey :ng'ālyoontoonoo Bāwulō ākoo Barnaaba kukwiil keey āk bichooto kut kuchuunchuun. Nto mii yoo, / kēēmwooy kule kuwo :Bāwulō ākoo Barnaaba kuboonto keey āk mbo ng'eetaabiya alak Yēērusālēēm. / Kikēēmākyinē bokunyōōryo ākoo *lēbkēēyik chuut āk booyik kurubta keey āk ng'ālyoontooni. ³ Yooto, kōō-āmiisoot icheek :kaniseet. Nto yu kimii kumurē Fōyinikē āk Samaaryaa kumwoochi :icheek mbo ng'eetaabiya ām wōloto kule kiikōōyēnchi :biiko choo mā Yuutayee Yēēsu. Kiing'ereech :lōkōōywēchoo mbo ng'eetaabiya miisin.

⁴ Yu kabokuyit mbo :Bāwulō Yēērusālēēm, kutorooch icheek :lēbkēēyik, booyik āk biikaab Kiriistō chuut alak. Kiiboorchi bichooto kiyēē kiikuyey :Yēyiin kubuntēē icheek. ⁵ Nteenee king'ēētyo *:Farisaayee

alake chēē kikiikuchamta Yēēsu ānkumwooy kule, “Māchāktōōs */ kiimuraatan biiko choo mā Yuutayeeek ānkumākyinē mbo kooywey kiruutēkaab *Muusa.”

6 Yooto, kukuur keey *:lēbkēēyik ākoo booyik bokoolyeb ng'ālyoontoonoo. **7** Yu kabokung'alaalee ām kōōyinto, kung'eet :Bētērō ānkumwooy kule, “Mbo ng'eetaabiya, ābērē ōnkēt kule kisimku-toola :Yēyiin kēny ām wōlēē ūmiitē :akweek, ā-āmchi biiko choo mā Yuutayeeek lōkōōywēk chēē kāroomēch kukas ānkōōyēnchi. **8** Kiiboorunēē :Yēyiin nyoo inkētē wōlēē wuu :kāāsōōtēywēēkaab biiko kule kichāmē biiko choo mā Yuutayeeek yoo kiikoochinē icheek Tāmirmiryēēt kuu yoo kikōōnēēchacheek. **9** Kuuyu kiikoosēē keey :bi-choo Yēyiin, /kiitiliil. Kunyi, -mākēēyēku teer ām wōlēē mii :bichoo. **10** Kunyoo ii, ām nee yu ūmāchē okwiil Yēyiin ūkoochinē mbo ng'eetaabiya kukalab muchōōkit nyēē -mākiimuuchē :acheek keekalab, āmēēbērē kiimuuch :mbo kuuko? **11** Mēērook oyey kuu nyooto. / Kikiiraraacheechacheek, yu kāwokunyōōwēēch :Mokoryoontēēt Yēēsu kaat, ānkuwuu nyooto ām wōlēē miitē :nkicheek.”

12 Kisiisyo :biiko tukul kule much! Kiyēbchi yiit nkinee Barnaaba ākoo Bāwulō kumii kōōbooru tukuuk chēē /kīlātē chēē kikiikuyey :Yēyiin ām wōlēē mii :Kirikiik kubuntēē icheek.

13 Yu keewaany, kumwooy .Yāākōbō kule, “Mbo ng'eetaabiya, oyeb yiit baa. **14** Kāākurārwēēch

15:8 Yēyuut. 10:44-45 **15:9** Yēyuut. 10:34-35 **15:10** Mat. 11:28-30; Luuka 11:46; Yēyuut. 15:19; Kala. 5:1 **15:11** Yēyuut. 13:38; Kala. 2:16; 3:10-12; Éfēes. 2:5-8

:Simōōni wōlēē kichāmtooy :Yēyiin choo mā Yuutayeeek ām taay, kuyēk cheechii. ¹⁵ Mii :ng'aleekaab *wōōrkoooyik chēē ityiichē yuutēyu ām yoo /kikeesir kule,

¹⁶ 'Yoo kāākubēk :ng'aleechu, +māāyēēwu
ānkuchāāyyoong'tē subak kōotaab *Tāwuti nyoo
kikiikuluul.

+Maateech subak wōloo kikiikuburyet
kut ākētyi kōōbuur kuu yoo kiwuu,

¹⁷ sukung'eet kucheeng'aat :biiko choo kiikung'ēt
Mokoryoontēēt
āk choo mā Yuutayeeek choo kyaakwey kule
kuyēk cheechuu.

Yēyiin :nyēē kiiboor ng'aleechu ānku inee :nyēē
makuyey.[†]

¹⁸ Tookunoot kuu nyooto kung'eetee kēny
kule mākulumchi :choo mā Yuutayeeek biikaab
Yēyiin. ¹⁹ Kunyoo, kaatiil :anii kule -mookany
keeyey kunyikisiy choo mā Yuutayeeek yoo
mii kuyisu keey kukwoonii wōlēē mii :Yēyiin.
²⁰ Yoo kātāwuu nyoo, okany kēēsirchi barweet
kēēmwoochinē kule kutayee keey kwoomē
āmit choo / kākēēsooyoothochi āynātōōs ankusaan
martaayeet. Kutayee keey mbo subak kwoomē
bany chēbo tyoong'in chēē /kakeekul ankutayee
keey kwoomē kiisēēnik.* ²¹ Nteenee yoo māchē
:chii kuyēk Yuutāyiin, kōōnkētē kiyēē /kēēmākyinē
kule kuyey, kuuyu /kikeesumanaan kiruutēkaab

† **15:17** Āmōōs 9:11-12 **15:19** Kala. 5:3 * **15:20** /Kikēēmākyinē
biiko choo mā Yuutayeeek ānkuming'tooy keey Yuutayeeek kule
kukir tukuuk ang'wan choo /kēēng'alooleē ām Laawiik 17:8-14 ākoo
18:6-18. **15:20** Laawi. 18:6-18; 17:10-15; Yēyuut. 15:29; 21:25;
1Kōōr. 8:1-13; 10:23-33

*Muusa ām kiriing' ake tukul ām bēsyōōsyēk choo kibo taay /ānkutākēēsumānē mbo lōkōōywēchoo ām kooriikaab saayeet ām bēsyēēt ake tukul nyēbo *Sabaato."

Kisirchi :booyik barwa biikaab Kiriistō choo kimā Yuutayee

²² Nto mii yoo, kootiil *:lēbkēēyik āk booyik ku-boonto keey āk biikaab Kiriistō chuut alak kuk-wey biiko alak ām biikwaa /sikiiyookto kubeeta keey Bāwulō āk Barnaaba Antyookya. /Kikeekwey Yuuta nyoo / kikēēkuurē ām kaayneet ake kule Barsaaba ākoo Siila. Kitookunoottiin :bichoo ām wōlēē mii mbo ng'eetaabiya. ²³ Kibeeta :bichu-utēchu barweet nyēē mwooyē kule:

Kiisubooyook :acheek lēbkēēyik ākoo booyik.

Kēēmāchē kuyityi :lōkōōywēchu biiko choo mā Yuutayeeek choo mii Antyookya, Siirya ākoo Kili-ikya choo kiikuchamta Yēēsu.

²⁴ Kookeekas kule kookukwa wōloo ūmiitē :biiko alake chēē mānāākēēchāmchi :acheek ankubokooyiimaak mētēwoy ām ng'al chēē kyoomwook :acheek. ²⁵ Kunyoo, kookiisoot :acheek tukul kule keekwey biiko ānkiiyooku kukwa wōloo ūmiitē. Makukwaanta keey Barnaaba ākoo Bāwulō, choo chamanikyoo, ²⁶ choo kookuchamta soboonwēkwaa kubo kaayneetaab Mokoryoontēēnyoo, Yēēsu Kiriistō. ²⁷ Kunyi, kākiyooku Yuuta ākoo Siila kutāsyi nyikiisinto :ng'aleechu siroottiin. ²⁸ Kookootiil :Tāmirmiryēētaab Yēyiin ankiitiil :nkacheek kule -/

makiing'ireenaak kiruut chēē chaang'. Nteenee
²⁹ osaanee keey āmit choo / kākēēsooytoochi
 āynātōōs ankootayee keey bany bo tyoong'in
 chēē /kēēkulē, kiisēēn āk martaayeet. Karaam
 yoo kooyey kuu nyoto. Chameetaab keey.

³⁰ Kunam :bichoo baanta kurēkto ākoy
 Antyookya. Kikuur kaniseet tukul ānkōōkoochi
 barwaanaa. ³¹ Yu /kakeesuman lōkōōywēchoo, /
 kēēng'ērēkyi kuuyu kiikiimē biich. ³² Kiititiireē
 :Yuuta ākoo Siila choo ki *wōōrkoooyikaab Yēyiin
 biiko ng'al chēē chaang'. ³³ Yu kāākubēēni
 :bichoo /kikiiyooktooy wōloto bēsyōōsyēk chēē
 ng'ēri, kung'ēētyo kumāchē kooyeey wōloo /
 kikiiyookunēē. Kii-āmiis :mbo ng'eetaabiya kule
 kubeeta tāloosyēēt.† ³⁵ Kunyoo, kiibuur :Bāwulō
 ākoo Barnaaba Antyookya, kōōnēētē ānkwoomtooy
 ng'ālyoontēētaab Yēyiin kuboonto keey āk biiko
 alak chēē chaang'.

Kikwey :Bāwulō Siila, kuwēēto :Barnaaba Māārkō

³⁶ Yu kaakukeeyta :bēsyōōs, kumwoochi
 :Bāwulō Barnaaba kule, "Murooni, ikany
 baa, kēēruutoochinotē mbo ng'eetaabiya ām
 kiriinkōōsyēk tukul choo kiikyaamtaatee
 ng'ālyoontēētaab Yēyiin. Māchāktōōs kiinkēt wōlēē
 wuu :soboonwēkwaa." ³⁷ Kimāchē :Barnaaba
 kule /keebeeta Yoowaana nyoo /kikēēkuurē ām
 kaayneet ake kule Māārkō. ³⁸ Nteenee kiisoot
 :Bāwulō kule kimayemaat kubeeta Yoowaana,
 kuuyu kibetyenyee Bamfulyaa koochuchuuyee

15:29 Yēyuut. 15:20 **15:32** Yēyuut. 11:23, 27 † **15:33**

Tinyē :siruutēk alake kērēywoontēētaab 34: Nteenee kiitiil :Siila kule
 kung'ētunēē wōloto. **15:37** Yēyuut. 12:12

keey yiisyoonoo. **39** Kichuunchuun :Bāwulō āk Barnaaba nyēē kōrōōm kut kubchey keey. Kiwēēto :Barnaaba Mārkō ām mwēēnkēēt kutākyi keey Kubrō. **40** Nteenee kikwey :Bāwulō Siila kule kuwēēto keey. Kisaay :mbo ng'eetaabiya kōōbēruur icheek :Yēyiin, nto mii yoo, kuba. **41** Kiwēēsyētootēē :Bāwulō yēēmēētaab Siirya ākoo nyēbo Kiliikya kōōkiimootē kanisoosyek.

16

Kiiyum :Bāwulō Tēmētēēwō

1 Nto mii yoo, kuyit :Bāwulō ākoo Siila Tēērbē ankukeeyta ākoy Luustra wōlēē kiminyē :chiitaab Kiriistō nyēē / kikēēkuurēē Tēmētēēwō. Ki lakwataab cheebyoosya nyēē ki Cheebyuutayaan nyēē kikiikōōyēnchi Yēēsu. Nto kwaan ku Kirikiin. **2** King'āloolēē :mbo ng'eetaabiya Tēmētēēwō ām Luustra ākoo Ikonnyaa nyēē karaam. **3** Yooto, kumach :Bāwulō kule kuwēēto keey Tēmētēēwō. Kunyoo, / kikiimuraatan kubo Yuutayeek chēē kiminyē wōlotoo, kuuyu kiinkētē :biiko tukul kule ki Kirikiin :kwaan. **4** Kibuntootēē kiriinkōōsyēk kwoomtootē ng'aleek kutēē yooto tukul. Kikiikootil *:lēbkēēyik āk booyik ām Yēērusālēēm kule kooywey :biiko ng'aleechaata. **5** Kunyoo, kikimkimiitu :kanisoosyek ām kiriinkōōsyēchooto ankookaasee keey Yēēsu miisin. Kitāsyinē keey :laating'waa bēsyō ake tukul.

15:38 Yēyuut. 13:13 **15:40** Yēyuut. 15:22; 14:26 **16:1** Yēyuut. 14:6; 17:14-15; 18:5; 19:22; 20:4; 1Kōōr. 4:17 **16:2** Filib. 2:20, 22
16:4 Yēyuut. 15:20-29 **16:5** Yēyuut. 2:41

6 Kiwēēto keey :Bāwulō bichoo āyēēng' kuwēēsyēētōtēē yēēmēētaab Fruukya āk nyēbo Kalatyaa, kuuyu kimānāāchāmchi :Tāmirmiryēētaab Yēyiin kwaamta ng'ālyoontēēt ām yēēmēētaab Eesya. **7** Yu kabokuyit kiyōōtēētaab Misiiya, kusyeem kule kuba yēēmēētaab Biituunnya, nteenee mānāāchāmchi :Tāmirmiryēētaab Yēēsu. **8** Yooto, kukeeytee Misiiya ānkutākyi keey *kiriinkēētaab Turoowa.

Kinyōōr :Bāwulō ng'oong'uutyēēt ām Turoowa

9 Yu kayit kwēēmooy, kuchōōnchi :ng'oong'uutyēēt Bāwulō. Kikas chiito ake nyēbo Maketoonnya kukēēyyo ānkumii kusoomē inee kule, "Bāwulō, ānkiichōō Maketoonnya chēēyēētyēēchēēch." **10** Yu kēēnkēt :Bāwulō ng'oong'uutyoonoo, keeyeyte keey areet akeenke keebe Maketoonnya, kiiwoonkyinē kule kāākukuurēēch :Yēyiin bokyoomchi bichoo lōkōōywēk chēē kāroomēch.

Kiweek :cheebyoosyeet ake ām Filiibi nyēē / kikēēkuurēē Liitya

11 Yooto, kēēng'ēētyēē Turoowa ankeebeetee mwēēnkēēt ākoy Samooturake. Nto mii bēsyēēt nyēē kirubē keeyit Neeyabooli. **12** Nto yityo kēēng'ēētyēē yooto ankeebeetee kērēēnkōōk ākoy Filiibi. Ki wōō *:kiriinkooni ām yēēmēētaab Maketoonnya ankikiikunam :kōōrēētaab Rooma ānkubāw. Kikēēbēēnii wōlooto.

13 Nto mii yēē ki bēsyēētaab *Sabaato, keechuyte kiriing' saang' ankeebe ākoy yēē kibo āynēēt wōleē kikeenyoorde yēē kisooyēē :Yuutayee. Kiibuur

ng'wēny ānkēētoowu kēēng'āloolchi chēēbyōōsōōk chēē kikiiruruukyi keey yooto. ¹⁴ Kimii :chee-byooseyet ake yooto nyēē / kikēēkuurēē Liitya nyēē kyooltootē sirooy chēē ki ārroonēch chēbo āliisyēēt nyēbo barak miisin. Kichōōnēē :chee-byosyaanaa kiriinkēēt ake nyēē / kikēēkuureē Tyaaatiira ānkikutunkyninē Yēyiin. Kiyey :Yēyiin chee-byosyaanaa kōōyēnchi ng'aleekaab Bāwulō. ¹⁵ Yu /kabokeebatisan āk bikyii, kumwoowēēch kule, “Yoo ūchāmē kule āyēnchinē :anii Mokoryoontēēt, okwaa bōōbēēnii kōōnyuu.” Yooto, keecham keebe.

Kiiburyoong'to :Bāwulō tāmirmiryēēt kung'eetee chēēbto ake

¹⁶ Nto mii bēsyēēt ake, yēē kikēēmiitē kēēbēētii yēē / kikēēsooyēē, kutuuyēēnēēch :chēēbto ake nyēē ki motwooriin ānkiboonto *tāmirmiryēēt nyēē miyaat nyēē kiyēyē chēēbooto kuyey sookēyēēk. Kiyibchinē :chēēbi bikyii choo kiyēchinē yiisyēēt beesaanik chēē chaang' chēē kinyōōrtooy sookēyēēchoo. ¹⁷ Kiinoomootēēch :chēēboo kukuurchinootē barak kule, “Yēchinē :bichu yiisyēēt Yēyiin nyoo mii kibkōōnkōy ānkumii bokōōboorwook wōlēē +/makiiraraaktaak.” ¹⁸ Kimwaayaat kuu nyooto ām bēsyōōsyēēk chēē chaang' kut kooyiim Bāwulō :ng'aleekyii. Yooto, kuweech keey :Bāwulō ānkōōburityoong'to tāmirmiryoonoo kule, “Āmwooowuung' ām kaayneetaab Yēēsu *Kiriistō kule ichuwunee chēēbi.” Kuchuwunee :tāmirmiryoonoo chēēboo areet akeenke.

16:14 Yēyuut. 17:4 **16:15** Yēyuut. 8:36; 16:33; 18:8; 19:5 **16:16**

Yēyuut. 19:24 **16:17** Luuka 4:34, 41; Yēyuut. 19:15 **16:18**

Yēyuut. 3:6

/Kikiiraraach riibiintēēt āk biikaab kanyii

¹⁹ Yu kakas :biiko choo kiyēchinē :chēēboo yi-syēēt kule kāākubot :kēēlŋ'waa nyēē kōnyōōrunēē beesaanik, kunam Bāwulō āk Siila ānkukwēryoot ākoy kōōk wōlēē /kibokiuum. ²⁰ /Kikēēmwoochi kōōkwēēt kule, “Yuutayeek :bichu! Mii kuy-ibu wōōrōōryēēt kiriinkēēnyoo. ²¹ Inēētē biikyoo kurub ātēbuutēk chēē mānyoolchēēchacheek bi-ikaab Rooma.” ²² Yu kākēēmwooy kuu nyooto, kōōrōōbēr :biiko chēē kikiiruruukyi keey yooto. Kumwooy :kiirwookichoo kule, “Ōbuutēē sirook ānkōōbir!” ²³ Yu /kākēēbir, /bokekerta kō. / Kikiikāloonchi riibiintēētaab kōyooto kuriibso nyēē karaam. ²⁴ Kiwēēto :riibiintonoo Bāwulō āk Siila ankuwokukerta kisēēnkēēt nyēē kibo āriit /anki-ikiichee kērēēnkōōkwa musukook /ankeekwiili-ilee musukoochoo nyōrōōrōōnik.

²⁵ Nto yu makuyit kwēēmooy kwēēn, kumii :Bāwulō ākoo Siila kusooyē ānkutyēēnchinē Yēyiin kōōkoostooy, kimii :kibratiisyek chuut alake kuyēbchinē yiit.

²⁶ Nto nyēē mā tyaa, kuchō :kibring'ring'nyēēt ankooluchluuch kōōto ng'wēny kut kuyootākiis :kurkootik tukul kule bōt! Kōōtyookiis :nyōrōōrōōnik choo /kikikeeratee chii ake tukul.

²⁷ Yooto, kukās :chiito nyoo kiriibṣē. Nto bērē kukas kuyootootiin :kurkootik, kung'us chōōkiinyii kumāchē kule kubusuy keey kubērē tōōs kāākumwēy :kibratiisyek. ²⁸ Nteenee kubōlchi :Bāwulō kule, “So! Imāchē i-āmchi keey nee? Ntēēacheek :chu kēēmiitē :tukul yu.” ²⁹ Kumwooy

:riibiintoonoo kule, “Ōkwēng'woo, baa, maata!” Kuryaakta ām bōōtoonik ānkuwokōōbutyi kērēēnkōōkaab Bāwulō ākoo Siila. ³⁰ Yooto, koomut :chiichooto mbo Bāwulō kukwa saang' ānkumwoochi kule, “Murēchu, +maayey :anii kule nee / sikiiraraachaa?” ³¹ / Kēēkētyi kule, “Māchāktōōs iyēnchi Mokoryoontēēt Yēēsu. Yoo ! keeyey kuu nyooto, +/ makiiraraachiing' āk kang'uung' kumukuul.” ³² Yooto, / kyoomchi chiichooto ng'ālyoontēētaab Yēyiin āk biikaab kanyii. ³³ Kiwēēto :chiichooto icheek kwēēmwouunooto ākoy kanyii ānkōōnyoochi ng'woowōōk. Yooto / keebatisan chiichoo āk biikaab kanyii tukul. ³⁴ Kikwēryoot Bāwulō āk Siila kō ankubay. King'ērēkiis :biikyii kutēē yēē tēē, kuuyu kikiikōōyēnchi :icheek Yēyiin.

³⁵ Yu kayyeech, kōōyookto :kiirwookichoo biiko kuba kaab riibiintoonoo. Nto yitē, kumwoochinē kule, “/Kākēēmwooy kule ityaakte bichoo.” ³⁶ Yooto, kumwoochi :riibiintoonoo Bāwulō kule, “Kāākumwooy :kiirwookichoo kule / kiityaaktaak. Kunyoo, obeete kaalyeet.” ³⁷ Nteenee kumwoochi :Bāwulō bichoo /kikiiyooku kule, “Kōbirēēnēech :kiirwookichoo wōlēē chaang' :biich āmānyōōr kiy nyēē kikeelel ānkēēyēku sinee :nkacheek biikaab Rooma. Kokerteech mbo subak kāābēērit. Kunyoo ii, ām nee yu māchē :icheek kootyaakteech kibchamumu? -Māwuu nyoo mbo kisich! Bōōmwoochi kukwa :icheek nkit bokōō-āmiisootēēch keechuyte.”

38 Kibokumwaayta :bichoo ng'aleechaa. Nto yu kēēnkēt :kiirwookichoo kule kibo :Bāwulō ākoo Siila kōōrēētaab Rooma, kunam kuut. **39** Kukwa ānkusoom mbo Bāwulō nyooyeetaab kaat. Nto mii yoo, kuyoot ānkōō-āmiisoot kung'ēētyēē kōyooto ankusaaysaay kule kung'ēētyēē :icheek kiriinkoonooto.

40 Yu / kābokēēyoot Bāwulō ākoo Siila, kuba ākoy kōōtaab Liitya. Kinyorta mbo ng'eetaabiya wōlooto. Kiititiir icheek, nto mii yoo, kubēēchi keey.

17

Kumiitē :Bāwulō āk Siila Tēēsālōōnikē

1 Nto mii yoo kumur :mbo Bāwulō *kiriinkēētaab Āmfibōōli āk nyēbo Aboloonnya nto yityo, kuyit *kiriinkēētaab Tēēsālōōnikē. Kimii wōlooto *:kōōtaab saayeet nyēbo Yuutayeek. **2** Kwoomchi :icheek Yuutayeek chēē kimii wōlooto ng'ālyoontēētaab Yēyiin kuu wōloo kwōōyēytooy kwaak. Kiirwookyinēē biiko *kōōtaab saayeet ām bēsyōōsyēkaab *Sabaato sōmōk, kurubta keey āk siruutēkaab Yēyiin. **3** Kirārchi :Bāwulō biiko ng'aleek kōōboorchinē kule kiyēmāktōōs kunyalil *:Kāārārookiintēēt ankung'eetee meet. Kimwooy kule, “Yēēsu nyiitēnyi āmiitē ā-āmwook :nyēē Kāārārookiintēēt nyoo kikēēkānyoonu.” **4** Kichāmchiin :Yuutayeek kereeryaanto ng'aleekaab Bāwulō ānkuris icheek.

Kiiyēnchi nkicheek :Kirikiik wōlēē wōō Yēyiin ākoo chēēbyōōsōōy chēē chaang' chēē kitookunootiin.

⁵ Nteenee kimēēchi :moo Yuutayeek alak. Kibokōōruruukootēē biich chēē kāwōōt wōlēē chaang' :biiko ānkutoow wōōrōōryēēt ām kiriinkoonooto. Kiba :bichoo areet akeenke ākoy kaab chiito ake nyēē /kikēēkuurēē Chāāsōōn bokucheeng'ee Bāwulō ākoo Siila wōlooto, sukukwēryoot ākoy kōōk. ⁶ Nto yu kimānāānyōōr, kunam Chāāsōōn āk mbo ng'eetaabiya alak ankoobarbaartaat ākoy taayeetaab kāāntōōyikaab kiriinkoonooto. Kibōloobōl :bichoo kule, "Kookutankwar :bichu kōōrēēt kumukuul neennyi kookukwa ākoy wōli. ⁷ Yu kabokukwa wōli, kutaach :Chāāsōōn ām kanyii. Chwēēsē :bichu mākuutēk tukul chēbo*Kayisaar kumwooyē kule mii :bāytooyiintēēt nkinee ake nyēē kālē / kēēkuurē kule Yēēsu." ⁸ Yu kabokukas :biiko ākoo kāāntōōyikaab kiriinkoonoo kuu nyoo, kuchēy :taariiryeet. ⁹ Nto mii yoo, /kēēmwooichi Chāāsōōn āk alak kule kukwey beesaanik chēē keetyaaktee keey /ankeebakaakta kuba.

Kumiitē :mbo Bāwulō Bereeya

¹⁰ Yu katuuyiit :kōōrēēt, kumwooichi :mbo ng'eetaabiya Bāwulō ākoo Siila kule kuba ākoy Bereeya. Kumii :icheek wōlooto, kōōwut *kōōtaab saayeet nyēbo Yuutayeek.

¹¹ Ki kāroomēch :ātēbuutēkaab Yuutayeekaab Bereeya kusiir chēbo choo bo Tēēsālōōnikē. Kiityookootiin :moonikwaa kumāchē kule

17:4 Yēyuut. 13:50; 16:14; 17:17 **17:5** Room. 16:21 **17:6**

Yēyuut. 16:19-20 **17:7** Luuka 23:2; Yoowa. 19:12 **17:9** 1Tēēs. 2:1-2

kuyēbchi yiit ng'ālyoontēēt. Kiirōōtootē siruutēk ām bēsyō ake tukul kukas kule ki man :kiyēē kimwooyē :Bāwulō. ¹² Kiiyēnchi :Yuutayeeek ku chaang'. Kiiyēnchi :nkicheek Kirikiik chēē kitookunootiin chēē chaang', booyik āk chēēbyōōsōōk.

¹³ Nto yu kēēnkēt :Yuutayeeek choo kimiitē Tēēsälōōnikē kule kimii :Bāwulō kwoomtēē ng'ālyoontēēt Bereeya, kuba wōlooto bokōōwuruur biiko. ¹⁴ Yooto, kukwēryoot :mbo ng'eetaabiya alake Bāwulō kuwo komosta nyēē kibo tabantaab araarayta. Nteenee kung'ētunēē :Siila ākoo Tēmētēēwō Bereeya. ¹⁵ Kii-āmiisoot Bāwulō ākoy *kiriinkēētaab Aaten. Nto mii yoo, kooyeey āk ng'ālyoo nyēē kiyibchi Siila āk Tēmētēēwō kule kimāchāktōōs :icheek kusarta keey areet akeenke bokutuuyo āk Bāwulō.

Kumiitē Aaten

¹⁶ Nto kutākumiitē :Bāwulō kukānyiisyē ām Aaten, kung'woonchi yu kawokukas kule kibootootē :biikaab kiriinkoonooto āynātōōs chēē chaang' chēē / kēēkutunkynē. ¹⁷ Yooto, kōōrwookyī :inee Yuutayeeek ām *kōōtaab saayeet yēē ki Sabaato kunam wōlēē miitē :Kirikiik chēē kiiywēyē Yēyiin. Kiirwoochē mbo subak bēsyō ake tukul ām wōloo chaang' :biiko āk Kirikiik chēē kanyoorta wōlooto. ¹⁸ Kikwiil :biiko alake Bāwulō chēē kimwooyē kule ibēliisyē :ng'erekweek ām kōōrēēt tukul, ankukwiil mbo :alake chēē kiikoosēē keey kiirnātēēng'waa / ānkimākēēwēēchē. Kiteebbee keey :alake kule,

“Chokwooltumoonchinē ng'oo :nyi ēē?” Kimwooy :nkicheek alake ām yooto kule, “Nto yu wuu nyēē māchē kule kōōrērēchēēch kule kēēkutunkyi āynāt nyēē mā nyēēnyoo.” Kimwooy :bichooto kuu nyooto, kuuyu kimii :Bāwulō kwoomchinē biiko kurubta keey āk Yēēsu āk ng'eeteetaab meet. ¹⁹ Nto mii yoo, /kēēkwēryoot Bāwulō ākoy yēē kibo lekemeet ake nyēē /kikēēkuurēē Areeyobaako yēē kibo kāābkiirwook. Nto yityo / keetehee kule, “Mwoowēēch, baa, inēētē nee :ng'aleechu imwooyē? ²⁰ Imiitē iyibwēēch ng'al chēē leelach kule keekas. Kunyoo, kēēmāchē kiinkēt kule ibooru nee.” ²¹ Kikicham :biikaab Aaten ākoo biiko alak kōōwoonkyinē āsiiswēkwaa kuyēbchinē yiit ng'al chēē leelach.

²² Yooto, kōōyyo :Bāwulō ām kōōkwoonoo bo Areeyobaako ānkumwooy kule, “Lēyyē, biikaab Aaten! Ānkētē sinee kule ām kēēlto ake tukul kyoocham ōsooyē. ²³ Kāānkāābērē āwēēsyētootēē wōlto ake tukul, ānyōōru tukuukwook chēē ūkutunkuinē. !Kaakas mbo yēēt ake yēē /kikesir kule: YĒYYIN NYĒĒ - / MĀKIINKĒTĒ. Kunyi, nee :kiyoo kyōōkutunkuinē āmēēbērē kyōōnkētē? Kiyooto nanyuun nyi āmiitē wāā-āmwook.

²⁴ Yēyiin nyoo kiyēyē kōōrēēt āk kiy ake tukul nyoo mii āriit, ku Mokoryoontēētaab barak āk ng'wēny nyēē mēēbērē minyootē koorin chēē tēēkyinootē :biich. ²⁵ Māmāchē kiy ake tukul nyēē imuuchē :biiko kōōkoochi, kuuyu inee :nyēē ikoochinē chii ake tukul soboonto ākoo kiy ake tukul. ²⁶ Kiyey :Yēyiin chiito akeenke kurook. Nto

17:18 Yēyuut. 4:2; 1Kōōr. 1:22 **17:24** 1Bāy. 8:27; Yēyuut. 7:48

17:25 Tyēēn. 50:9-13

mii yoo, chokurōōbunēē keey :biiko mooyēētaab chiichoo sukung'eet kuminy kōōrēēt. Kisat mbo subak :Yēyiin bēsyōōsyēk chēē mākuminyēē :bōrōryōōsyēk kōōrēēt āk wōlēē mābokuminyoot.

27 Kiyey kuu nyoto sukung'eet kutorobēnoot :biiko nto anyuun kunyōōr inee, ānkoo sinee mēēbērē kiilōōyiityi keey chii ake tukul āmacheek.

28 Nto kimāmiitē :inee, nto -mākēētinyē soboonto. Kuu yoo kisirē :siriikwook alake kule, ‘Kēēyēku :nkacheek cheechii.’ **29** Kunyoo, kuuyu kēēbooyē Yēyiin, keekerkeeye āk inee. Māmāchāktōōs kiisōōtē kule kerkeey :Yēyiin āk tukuuk chēē kiyēyiisyēē :biiko ng'oomnānēēt ankung'ulunee *ta-aabuut, *feeteet nto rwaanteet. **30** Ām taay, kikiimiiny :Yēyiin mēt ām bēērbēēryo nyēē wuu nyoo, nteenee mwoochinē ra chii ake tukul kule māchāktōōs :chii kureeny keey.

31 Kiikuchōō :Yēyiin bēsyēēt nyēē ikuumunēē biich ām kēēlto nyēē rootaat kubununēē chii nyēē kiikutool. Kiikōōboorchinēē :Yēyiin biiko tukul ng'ālyoontoonoo, yoo kiing'ēētēē chiichooto meet.”

32 Yu kabokukas :bichoo ng'aleek chēbo ng'eeteetaab meet, kuroorchi :alake Bāwulō, nto alak kumwooy :choo kule, “Tēēchōō subak tāchēē-āmwēēch ng'aleechaa ēē, wē.” **33** Yoto, kubakaakta :Bāwulō bichoo. **34** Nteenee kikiilchi :alake Bāwulō ānkōōyēnchi ng'ālyoontēēt. Ām bichooto kiiyēnchinē, kimii :akeenke nyēē / kikēēkuurreē Tyoonisyō nyēē ki akeenke nyēē kibo kōōkwēētaab Areeyobaako ākoo mbo nkinee

17:26 Kiruu. 32:8; Åyub 12:23 **17:27** Cherem. 23:23-24 **17:29**
Isa. 44:9-20; Yēyuut. 19:26 **17:30** Yēyuut. 14:16; Room. 2:4; 3:25
17:31 Yēyuut. 10:42

cheebyoosya nyēē / kikēēkuurēē Tamaari āk nkicheek biiko alak.

18

Kumiitē :Bāwulō Kōōriintō

¹ Yu kāwokubēk :ng'aleechaa, kung'eetee :Bāwulō Aaten ānkuwo ākoy Kōōriintō. ² Kinyoorta wōlooto Yuutāyiintēēt ake nyēē / kikēēkuurēē Akiila. Kibo :chiichi kōōrēēt ake nyēē / kikēēkuureē Bōōntō. Kitākuchōōnēē :chiichooto kōōrēētaab Itaalya kuboontoonu keey cheebyoosyeenyii nyēē / kikēēkuurēē Brisiiila. King'ēētyēē :bichoo Itaalya, kuuyu kimwooy :Kilaawutiyo nyēē ki bāytooyiintēētaab wōlooto kule kung'ēētyēē :Yuutayeeek tukul Rooma. ³ Nto kuuyu kiyēytooy :Bāwulō kēryōōsyēk kuyēwunēē mwēēnik, yiisyēēt nyēē kiyēyē :nkicheek chuut, kuwo wokutēbto keey sukuyēyiisyē :tukul. ⁴ Kiwēētii :Bāwulō wokōōrwoochē āk biiko ām *kōōtaab saayeet bēsyō ake tukul nyēbo *Sabaato. Kisyēēmē :Bāwulō kule nto yis Yuutayeeek āk Kirikiik.

⁵ Yooto, kuchōōnēē :Siila ākoo Tēmētēēwō Maketoonnya, kunyōōru Bāwulō kōōkiilchinē keey amtaayeetaab ng'ālyoontēēt kumwooochinē Yuutayeeek kule Yēēsu ku *Kāārārookiintēēt nyoo /kikēēkānyoonu. ⁶ Nteenee kikwiil :Yuutayeechaa Bāwulō ānkuchubsēēt. Nto mii yoo, kōōrēēk :Bāwulō kābuutiinyii ānkubirto kulēlēkyi keey :tēērtit bichooto kukatay ng'aleekwaa, ānkumwooichi kule, "Kwaamaak :korotiikwook nkityō. Ābēērē

18:2 Yēyuut. 18:18, 26; Room. 16:3; 1Kōōr. 16:19; 2Tēm. 4:19

18:3 Yēyuut. 20:33-34; 1Kōōr. 4:12; 9:12-18; 1Tēēs. 2:9; 2Tēēs. 3:7-9

18:5 Yēyuut. 5:42

keey :anii. Kunyi, kung'eetee raat ānkuwo taay, +māāwēētii wōlēē mii :biiko choo mā Yuutayeek.”

⁷ Yooto, kung'eetee :Bāwulō kōyoo bo saayeet ānkuwo kayta ake nyēē kilēēkitēē yooto nyēbo chiito ake nyēē /kikēēkuurēē Tiitō Yuustō nyēē kikutunkyinē Yēyiin. ⁸ Kimii :chiito ake nyēē kiiyyoonkyinē kōyooto bo saayeet nyēē /kikēēkuureē Kiriisbō. Yooto kuchamta :chiichoo āk biikaab kanyii Yēesu. Kiiyēnchi mbo nkicheek :biiko alake cheē kibo Kōōriintō Mokoryoontēēt / ankeebatisan.

⁹ Nto mii kwēēmowuut ake, kukuurchi :Yēyiin Bāwulō ām ng'oong'uutyēēt kule, “Bāwulō, -mēēmuy. Itas taay i-amte lōkōōywēk, ¹⁰ kuuyu kēēboontē keey :tukwaay nyēē mākoy kuyeyeeniing' :chii kiy. Āboontē biikyuu cheē chaang' ām kiriinkooni.” ¹¹ Kunyoo, kiibuur :Bāwulō wōlooto ām kēnyiit akeenke āk ārook lo kōōnēētē biiko ng'ālyoontēētaab Yēyiin.

¹² Yu kitākōōyyoonkyinē :chiito ake nyēē / kikēēkuurēē Kāliyō yēēmēētaab Akaaya, kōōyomo keey :Yuutayeek ānkubooryēē Bāwulō ānkukwēryoot ākoy kōōk. ¹³ Yu / kakiyyiitita, kumwooy :bichooto kule, “Mii :chiichi kuwēēchē biiko kule kukutunkyi Yēyiin ām kēēlto nyēē mānāmē keey āk wōlēē mwooytooy :kiruutēkyoo.” ¹⁴ Nto baanta nyooto māchē kutwēk :Bāwulō, kumwooichi :Kāliyō Yuutayeek kule, “Nto kōōng'unyng'uunkyinē :akweek ng'ālyoo nyēē miyaat nto nyēbo ng'ōōki nyēē / kakeeyey, nto kāāyēbchinē yiit. ¹⁵ Kukwaaneenaak wōlēē +moosatite, kuuyu

rubtooy keey :riirikwook āk ng'al, kooynōōk āk kiruutēkwook. Māmii :kiyēē ātiilē :anii kurubta keey āk ng'al chēē wuu choo.” ¹⁶ Kunyoo, kukwet bichooto kuba saang'. ¹⁷ Yooto, kuwēēkyi keey :bichooto Sōōstēēn chiichoo kiiyyoonkyinē *kōōtaab saayeet. /Kēēbir kukāsē :biiko ām kōōk, nteenee manaakas :Kāliyō yēēt kiy.

Kiyeey :Bāwulō Antyookya

¹⁸ Kibēēni :Bāwulō Kōōriintō bēsyōōs chēē mā tyaa. Nto mii yoo, kubakaakta mbo ng'eetaabiya kumāchē kule kuwēētēē mwēēnkēēt kutākyi keey Siiryā. Kiboonto keey Brisiila ākoo Akiila. Nto kumii yēēt ake yēē / kikēēkuurēē Keenkereeya kutākukānyē kuwo, / kēērwookyi buutēēk kuuyu kikiikoowaal keey kōōtāboonchi keey Yēyiin. ¹⁹ Yu / kaakeerwaach, kunam baanta. Nto yu kabokuyit wōlēē / kikēēkuurēē Ēfēēsō, kubakaakta :Bāwulō Brisiila ākoo Akiila. Kiwo ku inee keey ānkōōwut *kōōtaab saayeet ānkutoow kōōrwooch āk Yuutayek. ²⁰ Kisaaysaay :bichooto Bāwulō kule tākōōbuurto keey tukul, nteenee kitāyiis. ²¹ Nto yu kimii kung'ēētēē yooto kumāchē kuwēēchi keey, kukuurtoochi kule, “Yoo kacham :Yēyiin, +māāyēēwu.” Yooto, kung'eetee Ēfēēsō.

²² Yu kāwokuyit :Bāwulō Kayisareeya, kutas taay āk baannyii wokoosubaay kaniseetaab Yēērusālēēm. Yu kābēk :bēsyōōs chēē ng'ēri, kurēkto Antyookya. ²³ Kibēēni nkinee wōlooto bēsyōōsyēk chēē mā tyaa. Nto yityo, kuwēēsyētootēē komoswookik chēē chaang' chēbo yēēmēētaab

Kalatyaa āk nyēbo Fruukya kōōtitiirootē biikaab Kiriistō kutēē yooto tukul.

Kitoow :Ābōōlō yiisyēēnyii

²⁴ Kimii :Yuutāyiintēēt ake nyēē / kikēēkuurēē Ābōōlō nyēē kibo *kiriinkēētaab Alekisaantrya. Ki chii nyēē ki kibsumannyaa ānkibonto kiirnātēēt nyēē wōō miisin ām komostaab siruutēkaab Yēyiin. Kiwo :chiichoo Ēfēēsō. ²⁵ / Kikiikiineet kunam kēēltaab Mokoryoontēēt ānking'āloolēē Yēēsu ām mooyēēt akeenke, kōōnēētē ām kēēlto nyēē karaam kurubta keey āk Yēēsu, nteenee, kiinkēē baateey kurubta keey āk bātisāniisyēētaab Yoowaana. ²⁶ Kitoow :chiichooto kung'alaal nyēbo nyikanat ām *kōōtaab saayeet. Yu kāwokuyēbchi yiit :Brisiila āk Akiila ng'aleekaab Ābōōlō, kukuur kuwo kōōng'waa ānkubokurārchi ām kēēlto nyēē yemaat kurubta keey āk kēēltaab Yēyiin.

²⁷ Yu kimāchē :Ābōōlō kuwo Akaaya, kōōkimkiim inee :mbo ng'eetaabiya / ānkēēsirchi biikaab Kiriistō chēē kimii yēēmēētaab Akaaya kule kutaach inee. Nto kuyitē, kuyēētyēēchi :Yēyiin kōōtitiiir biiko choo kikiikōōyēnchi Yēēsu kubununēē chamateetaab Yēyiin. ²⁸ Wuu nyooto, kuuyu kibēl :inee kwiilateetaab Yuutayeeek ām nkuruuk tukul kukāsē :biiko. Kōōboorunēē siruutēk kule *Kāārārookiintēēt :Yēēsu.

19

Kumiitē :Bāwulō Ēfēēsō

18:23 Yēyuut. 11:23 **18:24** Yēyuut. 19:1; 1Kōōr. 1:12; 3:4-6; 4:6;

16:12; Tiitō 3:13 **18:25** Yēyuut. 19:3-4 **18:26** Yēyuut. 17:2; 18:2

18:28 Yēyuut. 5:42

1 Nto yu kitākumiitē :Ābōōlō Kōōriintō, kunam :Bāwulō baanta kumur kēltaab rōōrōōk ākoy Īfēēsō. Kiwokunyoorta wōlooto rubiik alak. **2** Yooto, kuteebée :inee bichooto kule, “Ara kyōōnyōōru Tāmirmiryēētaab Yēyiin, yu kābōōyēnchi, nto nee?” / Kēēkētyi Bāwulō kule, “Acha, ntēē manaakeekas mbo kule ākoo mii :Tāmirmiryēētaab Yēyiin.” **3** Kuteebée subak :Bāwulō icheek kule, “Nto ii, bātisāniisyēēt nyēē wuu nee nyēē kyōōnyōōru akweek?” / Kēēkētyi kule, “Kikēēnyōōru nyoo kibo Yoowaana.” **4** Yooto, kumwooichi :Bāwulō kule, “Kibo :bātisāniisyēētaab Yoowaana kule kuweek :biiko. Kimwoochinē :Yoowaana biiko kule kōōyēnchi chiito nyēē kimākuchō ām lētuunyii. Nto chiichooto ku Yēēsu.” **5** Yu kakas :bichoo kuu nyooto, / keebatisan bakeenke ām kaayneetaab Mokoryoontēēt Yēēsu. **6** Yu kātiinyēē :Bāwulō bichooto āwunnyēk, kōōsuuchi :Tāmirmiryēētaab Yēyiin. Yooto, kung’alaal :alake kuutuweek chēē kimēēnkētē ankwaamta :alake kiyēē kiiboorchi :Tāmirmiryēētaab Yēyiin ām kuutiit nyēē kiinkētē. **7** Kimāchē kuyitē :laatitaab bichooto tukul taman āk āyēēng’.

8 Kiiwutē :Bāwulō *kōōtaab saayeet ānkwoomtooy lōkōōywēk ām nyikanateet. Kyaamta lōkōōywēchoo ārook sōmōk kōōrwoocheē āk biiko kumāchē kule nto yis kurubta keey āk wōlēē wuu :bāytooyiisyēētaab Yēyiin. **9** Nteenee kiiyaam :biiko alake mētēwoy. Kimwooy mbo ām taayeetaab biiko ng’al chēbo rōkōs kurubta keey āk ‘kēēltaab

19:2 Yēyuut. 8:16; 2:38 **19:4** Luuka 3:3-4, 16-17; Yēyuut. 18:25**19:6** Yēyuut. 2:4, 17-18; 8:14-19; 9:17; 10:44-46 **19:8** Yēyuut. 28:23

Yēēsu.' Kunyoo, kubakaakta :Bāwulō bichoo ānkuwēēto keey biiko choo kikiikuchamta Yēēsu. Kiirwookyinēē kaniseetaab bēsyō ake tukul kōōtaab kāānēētiisyēēt nyēē kiiyyoonkyinē :chiito ake nyēē /kikēēkuurēē Turaano. ¹⁰ Kitas taay :inee kuu nyooto kēnyiisyēk āyēēng' kut koomuuch kukas :biiko tukul chēē kiminyē yēēmēētaab Eesya ng'ālyoontēētaab Yēyiin, kunam wōlēē mii :Yuutayeeek ākoo Kirikiik.

¹¹ Kiyey :Yēyiin tukuuk chēē /kiilātē kubunteē Bāwulō. ¹² /Kyāānkēēyib mbo ankoosyek āk sirook chēē kikiikutiiny :Bāwulō kuba wōlēē mii :biiko chēē kimnyoontōōs kusobtōōs ānkuchuwunēē :tāmirmirook chēē miyootēch.

¹³ Kimii :Yuutayeeek alake chēē kibērē nto ibēbēēto tāmirmirook chēē miyootēch kung'ēētyēē biiko. Kisyeēmē kule nto yēyiisyēē kaayneetaab Mokoryoontēēt Yēēsu ām choo kikiikunam :tāmirmirook chēē miyootēch. Kiimuuchē kumwooy kule, "Āmwooowook ām kaayneetaab Yēēsu nyoo āmtootē :Bāwulō kule ochuwu!" ¹⁴ Biiko alak ām chooto ku wēērin tisab chēbō boontēēt ake nyēē /kikēēkuurēē Sikeefa nyēē ki kibkōrōs nyēē wōō. Yu kāmwoochi :bichooto *tāmirmiryēēt nyēē miyaat kuu nyooto, ¹⁵ kukētyi :tāmirmiryoonoo kule, "Ānkēt :anii Yēēsu ānkāānkētē ng'ālyoo kurubta keey āk Bāwulō, nto akweek ku ng'oo?" ¹⁶ Kutēryēkyi :chiichoo kiboonto tāmirmiryoonoo miyaat bichoo ankooluuksset nyēē - / mākyoomu kut kunyulee ng'wēny. Kirbyakta :bichooto kuba

saang' kōōbēēnootē /ankaakeesaksakanee sirook
kule tōng'!

17 Yu kābokuyityi :ng'aleechaa Yuutayee kākoo Kirikiik chēē kiminyē Īfēēsō, kumuuyo :tukul. /Kikiikaasta kaayneetaab Mokoryoontēēt Yēēsu miisin. **18** Kikwa :biiko chēē chaang' choo kikiukuchamta Yēēsu ānkumwooy choolwookātēēng'waa. **19** Kukwa mbo :nkicheek alake chēē kiyēyootē mosoornkoyeenik ankubokubeel kitaabuunekwaa kukāsē :biiko. Nto bērē kōōyiit :bichooto tukuuk chēē kyooroon, kiyitē beesaan chēē mātēē chu. **20** Ām kēēliitēnyi kuchamta :biiko chēē chaang' Yēēsu. Kiyesta :ng'ālyoontēētaab Yēyiin ānkunyōōr nkuruuk.

21 Yu kāākuyēyākiis :ng'aleechu tukul, koosoot :Bāwulō kule kuwo Yēērusālēēm kumāchē kule kubuntēē Maketoonnya āk Akaaya. Kimwooy kule, "Yoo kāābuur wōloto, +māāruutoochi Rooma nkinee." **22** Yooto, kōōyookto Tēmētēēwō ākoo Eraasto chēē kiyēētyēēchinootē kuba Maketoonnya, nteenee king'ētunēē :inee yēēmēētaab Eesya bēsyōōsyēk chēē ng'ēri.

23 Kitoow keey :wōōrōōryēēt ām Eesya nyēē mā mining' kurubta keey āk kēēltaab Yēēsu. **24** Kimii :kiitoong'iintēēt ake nyēbo karin nyēē / kikēēkuurēē Tēmētēēryō. Kiitoonyē :chiichi kiy nyēē kiikerkeeyee kōōtaab *Ārtēmiis nyēē āynāt koorko kung'ulunēē *feeteet. Kiboor :biiko miisin chēē kiyēyē yiisyoonoo. **25** Yooto, kukuur :Tēmētēēryō bichooto āk alak chēē kiyēyē

yiisyēēt nyēē wuu nyooto ānkumwoochi tukul kule, “Murēchu, ōnkētē kule kēēboorē :acheek miisin ām yiisyooni. ²⁶ Kookasee mbo koonyekwook āk yiitiik kule kookuweech :chiichi / kēēbērē Bāwulō biiko ku chaang' ām wōli bo Ēfēēsō āk yēēmēētaab Eesya kumukuul. Mwooyē :chiichi kule ng'al chēbo bēērbēēryo / kēēkutunkynootē tukuuk chēē yēyootē :biich ām āwunnyēkwa. ²⁷ Mii :miyootyēēt nyēē mākutook āmēēbērē baateey kule +/makeenyil yiisyoninyoo, nteenee makuchwees :biiko kōōtaab Ārtēmiis. Inee :nyoo / kēēkutunkynē ām yēēmēētaab Eesya tukul āk kōōrēēt kumukuul. Yoo karubta yuutēyu, mākubot :wōōyinto nyoo boonto.”

²⁸ Yu kakas :bichooto ng'aleechaa, kunyēēr ānkubōloobōl kule, “Wōō *:Ārtēmiis nyoo bo biikaab Ēfēēsō!” ²⁹ Kuchēy :taariiryet ām *kiriinkēēt kumukuul. Kunam :biiko chiito ake nyēē / kikēēkuurēē Kāyō ākoo ake nyēē / kikēēkuurēē Aristaarko chēē kibo :tukwaay Maketoonnya ānkibootootē keey Bāwulō ām baannyii. / Kikeesar bichooto ākoy yēēt ake yēē / kikēēkāsēē ārēērōōsyēk. ³⁰ Kimach :Bāwulō kule kuwo wōlooto kimii :bichoo, nteenee kuket :rubiik. ³¹ Kiisōōw Bāwulō :chōōrōōnuutēkyii alake chēē ki biich chēē ki wōōyēch ām yēēmēēt kule māwo wōlooto.

³² Kichuunchuun :biiko tukul ām yooto. Kimwooyē :alake chu, kumwooyē :alake choo. Kimēēnkētē mbo :biiko chēē chaang' kiyēē kibēēchinē wōlooto. ³³ Yooto, kuwunukto :Yuutayeeek Alekisaanta kuwo taay /

ānkēēbōloobōlchi kung'alaal. Kumwechee biiko āwunnyēk kule kusiisyo sukung'eet kumwooy ām taayeetaab biiko ng'ālyoo nyēē tuuchēē ng'aleechaa. ³⁴ Nto yu kābokōōnkēt :biiko kule ākoo ki Yuutāyiin :Alekisaanta, kōōchuulyo ām āsiiswēk āyēēng' kukuurchinē barak kumwooyē kule, "Wōō :Ārtēmiis nyoo bo biikaab Ēfēēsō."

³⁵ Yooto, koosiis icheek :chiito nyēē wōō nyēbo kiriinkoonooto, nto mii yoo, kumwooichi kule, "Murēchu bo Ēfēēsō! -/ Mākiinkētē ām kōōrēēt kumukuul kule *kiriinkēētaab Ēfēēsō nyēē riibē kōōtaab Ārtēmiis nyoo wōō āk mbo kitōōntōyēēnyii nyoo / kikiirārooku kuchōōnēē barak? ³⁶ Kunyoo, kuuyu -/ mākēētuuchē ng'aleechu bo man, kumāchāktōōs ūsiisyē āmōōtēēltēēlēnē. ³⁷ Kōōkwēru bichu kukwa yu, āmēēbērē kang'alaalee Ārtēmiis nyēē miyaat, nto mēēbērē mbo kābut kōōnyii kuchoor kiy. ³⁸ Yoo ākoo boonto :Tēmētēēryō āk biikyii choo yēchinē inee yiisyēēt ng'ālyoo nyēē ng'woonchinē ām wōlēē mii :chii, kuyootootiin :kōōkwōōsyēk ānkumii :booyikaab yēēmēēt chēē wōōyēch. Imuuchē :icheek kuyib riirikwaa wōlooto. ³⁹ Nto yēē kātākumii :ng'ālyoo nyēē kātōōmāchē tōōmwoowu, kumāchāktōōs / kiilyeb ām kōōk. ⁴⁰ Kuu wōloo wuu kuu nyiitēnyi, kēēmiitē :acheek yēē mii :chii, kuuyu /kiimuuchē /kēēmwooy kuleacheek :chēē kākēēyibu wōōrōōryooni ām ng'aleechu kāyēyākiis. Māmii :wōlēē kēētuuktooy keey ām ng'aleechu." ⁴¹ Yooto, koochecheey bichoo kubēēchi keey.

*Kiruutoochi :Bāwulō kanisoosyekaab
Maketoonnya āk Akaaya*

¹ Yu kikiikubēk :taariiryaaanaa, kōōyookto :Bāwulō / bokēēkuurchi rubiik. Nto yu kikiikōōkimkiim, kubirchi chameetaab keey ānkuwēēchi keey :inee Maketoonnya.

² Kiwēēsyētötēē komosaata kōōkiimootēē biiko ng'aleek chēē chaang'. Nto mii yoo, kuyit yēēmēētaab Kiriki.* ³ Kibēēni wōlooto ārook sōmōk.

Kumii kuyēytooy keey kumāchē kuwēētēē mwēēnkēēt ākoy Siirya, kusēw kule kikiikuyey :Yuutayeeek ruurumuut kule / keebakach inee. Kunyoo, koosoot kule kooyeey kumur Maketoonnya. ⁴ Kiwēēto keey chiito ake nyēē / kikēēkuurēē Sobaatiro araab Biirō nyēbo *kiriinkēētaab Bereeya, Aristaarko āk Sēkuuntō chēē kibo :tukwaay Tēēsālōōnikē, Kāyō nyēē kibo Tēērbē, Tēētēēwō, Tukiikō ākoo Turōfiimō chēē kibo :tukwaay yēēmēētaab Eesya.

⁵ Kisimkoonto :bichooto ankubokukanyeech Turoowa. ⁶ Yu kāākubēk :Saakweetaab mukaatiin chēē mākuutunootiin, kēēng'ēētyēē :acheek Filiihi keebetee mwēēnkēēt. Yu kakeeyta :bēsyōōsyēk muutu, kiiyoomē keey āk biiko chuut ām Turoowa ānkēēbēēnii wōlooto bēsyōōsyēk tisab.

Kiineet :Bāwulō kaniseetaab Turoowa

⁷ Ām bēsyēētaab taayta nyēbo wiikiit, keekwaa :tukul yēēt akeenke sikyoomchiinē āmiik. Kyoomchi :Bāwulō biiko ng'ālyoontēēt ākoy

20:1 Yēyuut. 11:23 * **20:2** Ki kaayneet ake nyēbo yēēmēētaab Akaaya. Kitēbunēē :Bāwulō *kiriinkēētaab Kōōriintō ām Akaaya.

20:4 Yēyuut. 16:1; 19:29; 21:29; Ēfēēs. 6:21

kwēēmooy kwēēn kuuyu kimāchē sukuwo yu kāyyēēkunēē. ⁸ Ki chaang' :taariinek chēē kiläytōōs ām koroofa wōli kikēētuuytōōsii nyēē king'ētu :maat. ⁹ Kimii :āybēēryoontēēt ake nyēē / kikēēkuurēē Ņwutukō nyēē kimii kukēēbuur yēē kibo tiriisy. Kinam :āybēēryoontoonoo :rwoonik chēē nyikiisēch kumii :Bāwulō kutāsē taay kwoomu lōkōōywēk. Yu kikiikōōnuuch kutukul, kōōsuuwunēē koroofeet nyēē kibo sōmōk ānkukwēr ng'wēny kule mbum. Nto bērē /bokeenam, kukaakume. ¹⁰ Yooto kurēkto :Bāwulō ankuwokwaamut chiichooto ānkumwoochi biiko kule, “-Mōōmuuyē, nto yu tākusoboot.” ¹¹ Kooyeey :tukul koroofa. Kubetes :Bāwulō mukaatiit kwoomiis :tukul ankutas taay kung'alaal kuyyeech. Nto yu kayyeech, kuwēēchi keey. ¹² Yooto, / kiimut :āybēēryoontoonoo kuwo kaa kulkāākusob. Kibāybāyiit :bichooto miisin.

*Kibirchi :Bāwulō kāāntōōyikaab kaniseetaab
Ēfēēsō chameetaab keey*

¹³ King'artam :Bāwulō kēēlto kutākyi keey kiriinkēētaab Aaso nteenee kikeebeteeacheek mwēēnkēēt ākoy wōlooto. ¹⁴ Yu kāwokunyōōrchēēch :Bāwulō Aaso, kēētākyi keey Mituleen nyoo kiikwēēn :bēēko. ¹⁵ Nto mii yu kāyyēēkunēē, kēēng'ēētyēē yooto ām mwēēnkēēt ankeebe ākoy Kiyoos. Nto bēsyēēt nyēē kiikēērē, kyaay ākoy yēēt ake yēē /kikēēkuurēē Sāāmō. Nto yu kāyyēēkunēē, keeyit kiriinkēētaab Milēētō. ¹⁶ Kikiikootiil :Bāwulō kule kukeeyta kumur Ņfēēsō simēēboot āsiiswēk ām yēēmēētaab Eesya. Kimii kusārtooy keey

kumāchē kule yoo keemuuk, kuyit Yēērusālēēm yēē bēsyēētaab *Bēēntēkōōst.

17 Kumii :Bāwulō Milēētō, kōōyookto / bokēēkuurchi booyik chēbo kaniseetaab Ēfēēsō.

18 Yu kayit :booyichooto, kumwoochi kule, “Ōnkētē wōlēē kyāābuurtooy āk akweek kuchakee kēēboontē keey bēsyēētaab taayta nyoo kyāāyitunēē yēēmēētaab Eesya. **19** Kyāāybē keey ng'wēny ānkāāmuytooy āyēchinē Mokoryoontēēt yiisyēēt ānkāāmāsē lōōkik kutēē yooto tukul ānkumii

:Yuutayeeek kuyēwoo ruurumuunēk. **20** Ōnkētē mbo subak kule mēēbērē kyāāyēēyē lēt ā-āmwook kiy nyēē mākuyēētyēēchook, ntēē kyāānēētē biiko tukul ām yēēt akeenke nto subak aneetaate ām koorin.

21 Kyāāboorchi Yuutayeeek āk Kirikiik kule māchāktōōs :icheek kuweek ām choolwookātēēng'waa ānkuyēēlchi komostaab Yēyiin ankookaasee keey Mokoryoontēēt Yēēsu.

22 Ām yu raat, kāākukērchoo koong' :Tāmirmiryēētaab Yēyiin kule āwē Yēērusālēēm āmāānkētē kiyēē mawokuyeyakay ām wōlēē āmiitē yoo kaayit. **23** Ānkētē kityō kule ām kiriing' ake tukul, mwoowoo :Tāmirmiryēētaab Yēyiin kule kānyoonwoo :rātiisyēēt āk nyāliluutēk. **24** Nteenee buch :soboonnyuu yoo kamaawaany labateetaab yiisyēēt nyoo kōōkukōōno :Mokoryoontēēt Yēēsu. Yiisyooni, ku ābooru lōkōōywēk chēē kāroomēch chēbo chamateetaab Yēyiin.

25 Ānkētē mbo raat kule māmii :chii ām

20:17 Yēyuut. 18:21 **20:18** Yēyuut. 18:19-20; 19:10 **20:21**

Yēyuut. 11:18; 16:31; 26:18; 1Tēēs. 1:9-10 **20:23** Yēyuut. 21:4, 11;

9:16 **20:24** Yēyuut. 21:13; Filib. 1:21; 2Tēēm. 4:7

akweek choo kookeebetaate :tukul kyoomtootē lōkōōywēk kurubta keey āk bāytooyiisyēētaab Yēyiin, :nyēē mawokukasa subak. ²⁶ Kunyoo, āboorwook raat kule mariireenaa :chii ake tukul yoo kēēboot soboonnyii. ²⁷ Mēēbērē kyāāmuuny mbo bēsyēēt akeenke ā-āmwook tukuuk tukul chēē māchē :Yēyiin kule oyey. ²⁸ Ōriib keey ānkōōriib mbo nkicheek biiko choo kiikukwēchook :Tāmirmiryēētaab Yēyiin kule ōriibē. Akweek chēē ū-ākooy biikaab Kiriistō choo kiwālāng'unēē korotiikyii. ²⁹ Ānkētē kule yoo kāāwēēchi keey :anii, makukwa :suuyiik chēē kōrōōmēch miisin chēē makusankatan kēēchiirēk nyēē māsooyēē. ³⁰ Makooobetyeenyee keey :alake wōlēē ūmiitē ānkōōbotboot ng'aleekaab man sukung'eet kōsōrto biiko kurub icheek. ³¹ Kunyoo, ōriib keey, wē, murēchu. Māchē mbo ūsōōtē kule ām kēniisyēk sōmōk choo kookukeeyta, kyāātāsē taay ānēētē chii ake tukul ām akweek bēēt āk kwēēmooy kut kutēwu :lōōkik.

³² Kunyoo, kāātōōrook āwunnyēkaab Yēyiin āk mbo wōlēē mii :ng'ālyoontēēt nyēbo chamateenyii. Mākōōtitirook :ng'ālyoontoonoo ānkōōbēruurook tukul choo kiikootabaanaak ūyēku cheechii. ³³ Manaamach mbo beesyaa nto sira nyēbo chii ake tukul. ³⁴ Ōnkētē :akweek kubooyiit man kule kyāāyēyēē āwunnyēkyuu kiy ake tukul nyēē kyāāmāchē āk mbo chēē

20:25 Yēyuut. 28:23 **20:26** Yēyuut. 18:6 **20:28** 1Bēt. 2:25; 5:2

20:29 Mat. 7:15; Yoowa. 10:12 **20:30** Kala. 4:17; 1Yoowa. 2:19

20:31 Yēyuut. 11:23 **20:31** Yēyuut. 19:8, 10; 2Kōōr. 11:28; 1Tēēs. 2:11-12 **20:32** Yēyuut. 26:18; 1Tēēs. 5:23-24; 2Tēēs. 1:11-12

kimāchē :chōōrōōnuutēkyuu. ³⁵ Ām kiy ake tukul nyēē kyāāyēyē, kyāāboorwook kule ām yiisyo nyēē kyaātiritchinē ām kēēliitēnyi, mākwēech kēēyēētyēēchinē choo kuskusēch kiisōōtē ng'aleekaab Mokoryoontēēt Yēēsu choo kimwooyē kule, Ibēruuroot :nyoo ikooytooy kusiir nyoo /kiikoochinē.' "

³⁶ Yu keewaany :Bāwulō kumwooy ng'aleechu, kukutuny āk bichoo tukul ankusaay. ³⁷ Yooto kumoot :icheek Bāwulō ānkuriirtōōs kutēē yooto tukul kubirchinē chameetaab keey. ³⁸ Kiyēē king'woonchi bichooto miisin ku yu kimwooyē :Bāwulō kule mēēbērē tābokukāsē :icheek inee subak. Yooto, kōō-āmiis ākoy yēē kimii :mwēēnkēēt.

21

Kiwo :Bāwulō Yēērusālēēm

¹ Yu kikiikeebchey keey āk bichoo, keebe ankubokeelaany mwēēnkēēt ankeechuul ākoy Kōōs. Nto mii yu kāyyēēkunēē, keenam baanta ākoy Rōōtō. Yu kākēēng'ēētyēē yooto keeyit Bataara. ² Kibokeenyoorte mwēēnkēēt wōlooto nyēē kimii kwooytōōs ākoy Fōyinikē. Keelaany ankeebe. ³ Kikeebe, nto yu kābokēētoobēn Kubrō, kēēmur komostaab cheeronko kēētākyi keey Sirya. Yooto, wokōōyyoonyēē :mwēēnkēēt Tiirō, kuuyu kimāchāktōōs / kiinēm tērēkōōk chēē kimii mwēēnkoonooto. ⁴ Kikēēnyōōru biikaab Kiriistō ām wōlooto ānkiiburtē keey bēsyōōsyēk tisab. Kimwooichi :bichoo Bāwulō

kubununēē Tāmirmiryēētaab Yēyiin kule māwo Yēērusālēēm. ⁵ Yu kikiikubēk :bēsyōōsyēkyoo ām wōlooto, kēēng'ēētyē ankeetas taay āk baannyoo. Kitaseech :mbo ng'eetaabiya tukul kuboonto keey kooruukwaa āk lēēkōōk. Kikeebe ānkubokēēkutunyēē yēbo sakaramteetaab araarayta ankeesaay. ⁶ Yu kāākēēbirchi keey chameetaab keey, kēēsērēētyē ankubokeelaany :acheek mwēēnkēētkēnyoo ankooyeey :chuut tukul kēēstoonikwaa.

⁷ Kikeetas taay :acheek āk baannyoo, kung'eetee Tiirō kut bokeeyit Tolemay. Kikiisubaay mbo ng'eetaabiya ām wōlooto ānkēēbēēnii bēsyēēt akeenke. ⁸ Nto yu kāyyēēkunēē, keenam baanta ākoy Kayisareeya. Kitaacheech :āmttooyiintēēt Filibō nyoo ki akeenke ām choo ki tisab choo / kikēēkwēyē ām Yēērusālēēm. ⁹ Kiboonto :chiichoo tibikyii ang'wan chēē kimanaaba koorin. King'āloolē ng'al chēē kiiborchinē :Tāmirmiryēētaab Yēyiin.

¹⁰ Yu kābokēēbēēnii wōlooto bēsyōōsyēk chēē mā tyaa, kuchōōnēē *:wōōrkooyoontēēt ake Yuuteeya nyēē /kikēēkuurēē Akaabo. ¹¹ Kinam anweetaab suwe nyēbo Bāwulō ankuratee keey bakeenke āwunnyēk āk kērēēnkōōk ānkumwooy kule, "Mwooyē :Tāmirmiryēētaab Yēyiin kule, 'Makurat :Yuutayeekaab Yēērusālēēm chiitaab :anwaani ām kēēliitēnyi, nto mii yoo kiiyokoochi biiko choo mā Yuutayeek.' " ¹² Kēēkāsē ng'aleechaa kibo

21:4 Yēyuut. 20:23; 21:11 **21:5** Yēyuut. 20:36 **21:8** Yēyuut. 6:5; 8:5-13, 26-40 **21:9** Yēyuut. 2:17; Room. 12:6; 1Kōōr. 11:5; 12:10, 28; 14:1-6 **21:10** Yēyuut. 11:28 **21:11** Yēyuut. 10:19; 20:23; 21:33; Room. 15:31

chiichoo, keesaaysaay :acheek Bāwulō kēēboontē keey āk biiko chēē kimii yooto, kule māwo Yēērusālēēm. ¹³ Yooto, kukētwēēch :Bāwulō kule, “Ām nee yu ūriirēēnoo ānkōoyēyē mooyēēnyuu kunwaakan? Mēēbērē ayeytaat /keerata baateey, nteenee achamaat mbo kule āmēechi Yēērusālēēm kubo kaayneetaab Mokoryoontēēt Yēēsu.” ¹⁴ Kuuyu kimēētākiimuuchē takeesaaysaay, keemwaay kule, “Kubāw :Yēyiin.”

¹⁵ Keerat keey ankeebe Yēērusālēēm. ¹⁶ Kitaseech :rubiik alake ām Kayisareeya ānkukwērēēch ākoy kaytaab chiito nyēē / kikēēkuurreē Munāsōōn wōlēē kikēēruuyē kwēēmowuunoto. Kibo :chiichi Kubrō ānku inee akeenke ām choo kisimkōoyēnchi Yēēsu.

Kiruutoochi :Bāwulō kāāntōoyikaab kaniseetaab Yēērusālēēm

¹⁷ Nto yu kabokeeyit Yēērusālēēm, kutaacheech :mbo ng'etabiya ām ng'erekweek chēē chaang'. ¹⁸ Kikēēruuyē wōlooto, nto yu kāyyēēkunēē, bokeekas Yāākōbō. Kimii :booyik tukul wōlooto. ¹⁹ Yooto koosubaay :Bāwulō booyichoo ānkurārchi ng'ālyoo ake tukul nyēē kiikuyēchi :Yēēsu biiko choo mā Yuutayeek kubuntēē inee.

²⁰ Yu kakas :bichooto ng'aleechaa, kookaasta Yēyiin. Nto mii yoo, kumwooichi Bāwulō kule, “Ng'etabiya, miitē :Yuutayeek Yēērusālēēm chēē yitē kisyēērōōk chēē chaang' chēē kiikuchamta Yēēsu nteenee tākuriibē kiruutēkwaa nyēē kōrōōm miisin. ²¹ /Kōōkēēmwooichi kule 'kwēēnēētē Yuutayeek tukul choo kiikuburuch keey āk choo mā

Yuutayeeek kule kuweeksee ng'aleekaab *Muusa ameemuraatan lēēkōōk amarub ātēbuutēkaab Yuutayeeek. ²² Ntēē akoy kukas :bichoo areet akeenke kule 'kēēchōō. Kunyi keeyey nee? ²³ Kiito nyēē miitē, ku iyey kuu wōlēē +mākēēmwooytoowuung' :acheek. Kēēboontē biiko alak ang'wan chēē kiikōōtāboonchi keey Yēyiin āmārwooochē buutēēk. ²⁴ Iwēētē keey bichu ānkiitiliil keey :nkinyiing' nto iwutē *Kōōtaab Yēyiin. Nto yityo, ikweyte kiy ake tukul nyēē rubtooy keey āk ntasim-nyaanaa sukung'eet /kiirēr mētēwookaab bichooto. Mākōōnkētēē :chii ake tukul yooto kule māmii :manta ām tukuuk chēē /kōōkēēmwoochi kurubta keey āk kiyēē iyēyē, nteenee kule imiitē irubē ātēbuutēkyoo. ²⁵ Nto kurubta keey āk choo mā Yuutayeeek choo kiukuchamta Yēēsu, kōōkēēsirchi choo barweet kurubta keey āk kiyēē /kookiitiil kule kutayee keey :icheek kwoomē āmit choo /kākēēsooytoochi āynātōōs. Kutayee keey martaay-eet, bany chēbo tyoong'in chēē /kakeekul āk kisēēn."

/Kikeenam Bāwulō

²⁶ Yu kāyyēēkunēē, kuwēēto keey :Bāwulō bichoo, nto yu kābokōōtiliil keey, kuba *Kōōtaab Yēyiin. Kiiboor bēsyēēt nyēē bēkunēē :bēsyōōsyēk tisabu choo /kiitiliileē keey āk yēē /kēēbēēlchinēē chii ake tukul kōrōsēēk.

²⁷ Yu kikiikuriik kubēk :bēsyōōsyēchoo tisabu, kukas :Yuutayeeek alake chēē kibo yēēmēētaab Eesya kumii :Bāwulō Kōōtaab Yēyiin. Kiwuruur :Yuutayeechaa biiko kunam Bāwulō

28 ānkubōloobōl kule, “Biikyoo bo Isrāyēl, ānkōoyēētyēēchēch! Inēētootē :chiichiitēnyi biiko tukul ām wōlto ake tukul kung’aloolootēē biikyoo nyēē miyaat, ātēbuutēkyoo āk mbo Kōyiitēnyi. Mā chooto baateey, kāākukwēr mbo subak Kirikiik kukwa biiwuutaab Kōōtaab Yēyiin, kōōntosuur mbo yuutēyu churtaat.” 29 (Kikisimkukas :icheek chiichoo kibo kōōrēētaab Īfēēsō nyoo /kikēēkuurreē Turōfiimō kuboontootē keey Bāwulō ām kiriing’. Kibērē :icheek tōōs kikiikukwēryoot :Bāwulō chiichoo kuwo Kōōtaab Yēyiin.)

30 Kuchēyē :taariiryeeet ām *kiriinkēēt kumukuul, kulābātunēē :biiko komoswookik tukul chēbo kiriinkoonoo / ānkēēnāmē Bāwulō / ānkiichuutootē kung’eetee Kōyooto bo Yēyiin / ānkēēkērē ūrootunwēkaab biiwuut areet akeenke. 31 Kumii :bichoo kusyēēmē kule kubakach Bāwulō, kuyityinē :ng’aleechaa nyēē wōō nyēbo lukēētaab Rooma kule kimā mining’ :wōōrōōryēēt *kiriinkēētaab Yēērusālēēm tukul. 32 Yooto kuwēētooy :kāāntōōyiintonoo bo lukeēt areet akeenke biiko alak chēbo lukēēt chēē wōōyēch āk chēē minkēēch ākoy wōlooto kimii :wōōrōōryēēt. Nto kukāsē :bichoo kiyēyē wōōrōōryēēt chiichoo bo lukeēt āk biikyii, mānāātākubirsēēt Bāwulō.

33 Kinam :kāāntōōyiintonoo kibo lukēēt Bāwulō ankumwaayta / keeratee nyōrōōrōōnik āyēēng’. Nto mii yoo, kuteebi biiko kule, “Ng’oo :chiichi nto subak kayey nee?” 34 Kiwiirunaat :bichoo ng’al. Kimwooyē :chuut chu, kumwooyē :alake alak. Kunyi, maneemuuch :kāāyyoong’iintonoo

kunyōōr ng'ālyoontēētaab manta. Kuuyu kibōltōōs :bichoo miisin, kumwooy :chiichoo bo lukēēt kule / kēēkwēryoot Bāwulō kuwo kiyēnkuutaab lukēētaab booryēēt. ³⁵ Yu makuyit :Bāwulō yēē / kikēēloong'tēē, kukōrōmiit :wōōrōōryēēt miisin kut kukalabaat :biikaab lukēēt. ³⁶ Kibōlootē :biiko choo kirubootē Bāwulō kumwooyootē kule, “Owaang'te chiichi!”

King'āloolchi :Bāwulō biiko

³⁷ Yu kikiikuriik kooyiitita :bichoo kibo lukēēt Bāwulō kiyēnkuung'waa, kumwoochi :Bāwulō kāāntōōyiintoonoo bo lukēēt kule, “Ara imuuchāktōōs āmwooowung' ng'ālyoo?” Kuteebbee :chiichooto kule, “Ing'āloolē kuutiitaab Kirikiik? ³⁸ Ibooyē :inyiing' oob Miisir ānku inyiing' :nyoo kiwēēkyēēch keey intōōchi kāwōōtik kisyēērōōk ang'wan kuba suurkwēēn ām bēsyōōsyēk chēē ng'ēri choo kookukeeyta?” ³⁹ Kukētyi :Bāwulō kule, “Āyēku anii Yuutāyiin nyēbo Taarso ām Kiliikya, chiitaab :kōōrēēt nyēē mābo kiriing' nyēē mātookunoot. Lēyyē, kany baa, āng'āloolchi biiko.”

⁴⁰ Yu /kākēēchāmchi, kōōyyoonyēē barak yēē / kikēēloong'tēē ankumwechee biiko āwunnyēk kusisiyo. Yu kāākusiisyo :bichoo, kumwoochi :Bāwulō Yuutayeek ām kuutiing'waa kule,

22

¹ “Mbo ng'eetaabiya, okas kiyēē āmwooyē nyēē āyēētē keey.” ² Yu kakas :bichoo kung'āloolchinē icheek :Bāwulō ām kuutiitaab īburaneek,

kusiisyo. Yooto kumwooy :Bāwulō kule, ³ “Anii Yuutāyiin. / Kikēēsikyoo Taarso ām Kiliikya, nteenee kyāānērēē kiriinkooni bo Yēerusālēēm. Kiineetaa :Kāmālyēēl ātēbuutēkaab mbo kuuko, ānkyāākiilchi ng'ālyoontēētaab Yēyiin kuu wōloo ḥwuuyē :akweek bēsyōōsyēchu. ⁴ Kyāāwusē biiko chēē kirubē kēēltaab Yēēsu kut āmāchē ābākāchē. Kyāānāmootē murēnik āk kooruuk ānkāārātē ākērtooy kō. ⁵ Imuuchē mbo kōōboorwook *:kibkōrōs nyēē wōō āk booyikaab kōōk tukul kule man :ng'aleechu āmwooowook. Kikōōno mbo :kāāntōōyichoo bārōōnōōk āyibchi mbo ng'eetaabkaamet ām Tamaasko. Kunyoo, kyāāwē wōlooto āmāchē anam biiko sāākwēryoonu kukwa Yēerusālēēm /bokiing'woonchi.

⁶ Yu kikiikuriik kuyit :asiista lo nyēbo bēēt, kukariik ayit Tamaasko, kuchō :lēbkēēyyēētaab Yēyiin ām barak ankoolaambuuchaa. ⁷ Āryookyi keey ng'wēny. Nto mii yoo, akas kuutiit nyēē kikuurwoo kule, ‘Sāwulō, wē, Sāwulō, ‘kēē-āmchoo nee?’ ⁸ Ākētyi kule, ‘Inyiing’ ng'oo ōō, mokoryoon-tēēt?’ Kukētwoo kule, ‘Anii Yēēsu nyēbo Nāāsārēēt, nyooto imiitē ibārē.’ ⁹ Kikas :chōōrōōnuutēkyuu chēē kikēēboontootē keey lēbkēēyyēēt, āmēēbērē kiinkētē kiyēē /kikēēmii /kēēmwooowoo.

¹⁰ Yooto, ateeb kule, ‘Ara ayey nee ōō, mokoryoontēēt?’ Kuwālwoo kule, ‘Ng'eet ānkiiwē ākoy Tamaasko. +/ Mākiibooruung’ ām wōlooto kiyēē +meeyey.’ ¹¹ Kinama :chōōrōōnuutēchooto āwut ānkōōrēētootoo ākoy Tamaasko, kuuyu kikiikutoora :lēbkēēyyoonoo koonyek akor.

12 Yooto, kuchō :chiito ake ām wōlooto nyēē / kēēkuurēē Anannyaa chokukasa. Kirubē :chiichooto mākuutēkaab Yēyiin miisin ānkikoonyitē inee :Yuutayeek tukul chēē kimiitē wōlooto. **13** Kuchō :chiichooyooonyēēnōo komos ānkumwoowoo kule, 'Ng'eetaabiya Sāwulō, ikaste!' Akaste yooto bakeenke ankaakas inee.

14 Nto mii yoo, kumwoowoo :chiichooto kule, 'Kookukweying' :Yēyiintēētaab mbo kuuko kule 'inkēt kiyēē māchē :Yēyiin kuyey 'ankiikas Nyoo Karaam Kuchurta 'ankiikas mbo ng'aleek chēē kwoonēē kuutiinyii. **15** Inyiing' :nyēē +māwēēmwooichi biiko tukul kiyēē ! keekasee koonyekuuk āk yiitiikuuk. **16** Kunyoo ii, tēēkānyē nee? Ng'eet /keebatisaniing' ibuuktē ng'ōōkiswookikuuk ām kaayneenyii.'

17 Yu kawaayeey Yēērusālēēm, nto āmiitē āsooyē ām *Kōōtaab Yēyiin, kuchō :ng'oong'uutyēēt mētinyuu. **18** Kyaakas Mokoryoontēēt kung'āloołwoo. Kimwoowoo kule, 'Ng'eetee Yēērusālēēm areet akeenke, kuuyu mēēbērē makucham :bichu kiyēē imwooyē kurubta keey āk anii.'

19 Yooto, ākētyi kule, 'Mokoryoontēēt, nteē inkētē :bichuutēchu kule kyaāwēētootē :anii kung'eetee *kōōtaab saayeet ake ākoy ake ābirootē biiko choo kiiyēnuung' ānkāārātē alak ākērtooy kō. **20** Nto mbo bēsyoonoo /kikēēbākāchē Steefaan sāāyyoonyēē :anii yooto āriibē sirookaab biiko choo kimiitē kurumiisyē ārōōbē icheek kule kikaraam

:kiyēē kimii kuyēyē.’ **21** Yooto, kumwoowoo :Mokoryoontēēt kule, ‘+Māāyooktiing’ lōoyin wōlēē mii :biiko choo mā Yuutayeeek.’ ”

Kiiboor :Bāwulō kule kibo kōōrēētaab Rooma

22 Kiyēbchi yiit :biiko Bāwulō, nto yu kāmwooy ng'aleechu, kubōloobōl :biikēy kumwooyē kule, “Obakach chiichi, māyēmāktōōs / tākēēkāsē.”

23 Kumiitē :bichoo tākubōltōōs ānkumētooy sirookwaa chēē kiiliiktēē keey ānkuwurē tēeritit, **24** kumwooy :kāāntōōyiintoonoo kibo lukēēt / kēēkwēryoot Bāwulō kuwo kiyēnkuutaab bichoo bo lukēēt. Kimwooy mbo subak kule /bokeebas /ānkiikuum sukung'eet /kiinkēt kule kiy nee nyēē kibōlchinē :biiko kurubta keey āk inee.

25 Yu kimiitē kiimukuunkēnē kule / sikeebas, kumwoochi :Bāwulō kāāyyoong'iintēēt ake nyēbo lukēēt nyēē kimii kēeyyo yooto kule, “So, bo man ām wōlēē ōmiitē :akweek /keebas chii nyēbo kōōrēētaab Rooma ānku nyēē /mānāākiinkēt mbo kule boonto lēēlis nto buryo?” **26** Kukāsē :chiichoo kibo lukēēt kuu nyooto, wokumwoochinē nyēē wōō nyēbo lukēēt kule, “Imiitē wēēyēyē nee? Nto yu ākoo bo :chiichi kōōrēētaab Rooma!”

27 Yooto, kuwo :kāāntōōyiintoonoo bo lukēēt wōlōo kimii :Bāwulō. Nto yitē, kuteebée kule, “Mwoowu, baa, kālē ibooyē kōōrēētaab Rooma?” Kulē :Bāwulō, “Ēē, ābooyē wōlooto.”

28 Kumwooy :kāāntōōyiintoonoo kibo lukēēt kule, “Ntēē kyaakweyte :anii beesaan chēē chaang’ sāāyēku chiitaab Rooma.” Kumwooy

:Bāwulō kule, “/ Kikēēsichoo āyēku chiitaab Rooma.” ²⁹ Kiichuchuuuy keey areet akeenke :chēē kimāchē kule kōōkuum Bāwulō. Yooto, kunam kuut kāāntōōyiintoonoo, yu kēēnkēt kule ākoo kikiuratee chii nyēbo kōōrēētaab Rooma nyōrōōrōōnik.

Kumii :Bāwulō taayeetaab kōōkwēētaab Yuutay-eek

³⁰ Nto yu kāyyēēkunēē, kimāchē :kāāntōōyiintoonoo bo lukēēt kōōnkēt kiyēē kiitēēchinē :Yuutayeek kurubta keey āk Bāwulō. Yooto, kootyaakta Bāwulō ānkumwoochi kōōkwēētaab Yuutayeek kōōruruuch keey kumiitē :mbo kibkōrōs chēē wōōyēch. Nto tēē yoo, / kēēkwēryoon Bāwulō kuchō taayeetaab kōōkwoonoo.

23

¹ Yooto, kōōrōōtoot :Bāwulō booyichootoo ānkumwoochi kule, “Mbo ng'eetaabiya, ānkētē kule kyaayey :anii ākoy kura yiisyēēnyuu kuyitita kuu wōlēē māktooy :Yēyiin.” ² Yu kāmwooy :Bāwulō kuu nyooto, kumwoochi :Anannyaa nyoo *kibkōrōs nyēē wōō, biiko chēē kilēēkitēē Bāwulō kule, “Orabaach kuutiit.”

³ Yooto, kumwoochi :nkinee Bāwulō kule, “Makoorabaachiing' :Yēyiin inyiing' nyoo iyibē keey kule itiliil ām wōlēēb saang'. Itiilchoo ng'al kurubta keey āk wōlēē wuu :kiruutēkaab Yēyiin ānkiimiitē i-iryēē kiruutēchoo yoo imwooyē kule / kiirabaachaa.” ⁴ Kumwoochi :biiko chēē

23:1 Yēyuut. 24:16 **23:3** Laawi. 19:15; Mat. 23:27-28; Yoowa. 18:22-23

kimii yooto Bāwulō kule, “-Mēētinyē koonyit? Kaaming' :nee yu kēēntosuur kibkōrōs nyēē wōō bo Yēyiin?”⁵ Kukētyi:Bāwulō kule, “Mbo ng'eetaabiya, -māānkētē mbo kule ākoo kā kibkōrōs nyēē wōō kuu yoo mwooyē :siruutēkaab Yēyiin kule, ‘Meeng'alaal ng'ālyoo nyēē miyaat ām wōlēē mii :bāytooyikaab biikwook.’†”

⁶ Kiinkētē :Bāwulō kule kiiliinyootiin :bichoo. Ki *Satukaayeek :alake, nto alak ku *Farisaayeek. Yooto, kukuur ām kōōk kule, “Mbo ng'eetaabiya, anii Fārisooyiin ānkāāsālu Farisaayeek. Āmitē raat yu / kiikuumwoo, kuuyu ātinyē mooyēēt kule ng'ēētyēē :biiko meet choo kiikubēk.”⁷ Yu kāmwooy :Bāwulō kuu nyooto, kuchuunchuuun :Farisaayeechaa āk *Satukaayeek. Yooto mbo subak kubuntēē keey :kōōkwēēt.⁸ Mwooyē *:Satukaayeek kule māng'ēētēē :chii meet, māmii :malayikaan āk tāmirmiroy. Nteenee iyēnchinē :Farisaayeek ng'aleechaa tukul.

⁹ Kichēy :taariiryeeet nyēē wōō kut kung'ēētyo :kāānēētikaab kiruutēk alake chēē ki Farisaayeek ānkumwooy kule, “Nto yu ākoo māboonto :chiichi lēēlis. Inkētē :ng'oo, nto nyuun kāng'āloolchi inee :tāmirmiryēēt nto ku *malayikeet.”¹⁰ Kikōrōmiit :wōōrōōryēēt kut koosoot :nyēē wōō nyēbo lukēēt kule imuuchē :bichoo kusankatan Bāwulō kule tōng’! Yooto kōōyookto biikyii alak chēbo lukēēt kurēktō bokōōsōrunēē Bāwulō kwēēnuutaab bichoo ānkukwēryoot kuwo kiyēnkuung'waa.

¹¹ Nto mii kwēēmooy, kōōnooky :Mokoryoontēēt

† **23:5** Chuy. 22:28 **23:6** Yēyuut. 24:21; 26:5; Kala. 1:14; Filib. 3:5 **23:8** Luuka 20:27; Yēyuut. 4:2

Bāwulō ānkulēēnchi, “Bāwulō, -mēēmuy, ikiil. Kuu yoo 'kwēē-āmchi biiko ām Yēērusālēēm kurubta keey āk anii, +maweeeyey kuu nyooto ām Rooma.”

/Kikeeyey ruurumuut kule /keebakach Bāwulō

¹² Nto mii bēsyēēt nyēē kiikēērē, kōōruruuch keey :Yuutayek ankuyey ruurumuut. Kyaam muumEEK kule mākoy kwaam nto kuyye kiy kut kukas kurook kule kaakume :Bāwulō. ¹³ Kikēēytēē :bichoo kiyēyē ruurumuunoo artam. ¹⁴ Kiba ākoy wōlēē kimii :mbo kibkōrōs chēē wōōyēch āk booyikaab kōōk ānkubokumwooy kule, “Kaakyaam :acheek muumEEK nyēē -mākiiyēēyē lēt kule -mākyoomē āmnyoo ake tukul nto keeYYEE kiy ake tukul ākoy kut keekas kule kaakeebakach Bāwulō. ¹⁵ Koong'eet :akweek āk booyikaab kōōk ōyookyi nyēē wōō nyēbo lukēēt kuutiit kule /kēēkwēryoon chiichi kuchō taayeeng'woong' ūmāchē kule tōōnyōōru ng'aleek chēē yēmootiin kurubta keey āk chiichi. Kēēchōbootiin :acheek keebakach chiichi kumanaayit yuutēyu!”

¹⁶ Nteenee yu kawokukas :wēritaab chēēbto nyēbo Bāwulō ruurumuunoo, kuwo ākoy kiyēnkuutaab lukēētaab booryēēt ānkuwokuchiilchi Bāwulō ng'aleechaa. ¹⁷ Kukuur :Bāwulō kāāyyoong'iintēēt ake nyēbo lukēēt ānkumwooichi kule, “Kwēeryootē, baa, wēēri kuwo wōlēē mii :nyēē wōō nyēbo lukēēt. Ākāsē kule boonto ng'ālyoo nyēē māchē kumwooichi.”

¹⁸ Yooto, /kēēkwēryoot wēritkēy ākoy wōlēē mii :nyēē wōō nyēbo lukēēt. Yu kayit, kumwooichi :chiichoo kibo lukēēt nyiin ki wōō kule,

“Kēēyookwoo :kibratyaantaanaa / kēēbērē Bāwulō kuut. Nto āyitē yēē kāmii, kusoomo kule amutu wēéri kuchō wōlēē imiitē, kuuyu boonto ng'ālyoo nyēē māchē kumwoowuung”.¹⁹ Kunam :nyēē wōō nyēbo lukēēt wēēroo āwut ānkuwēēto komos sukwaamee lōkōōy. Kiteebbee kule, “Kēēbērē nee?”²⁰ Kumwoochi :wēritkēy kule, “Kāākuchāmchiin :Yuutayeeek kule ikwēryootē Bāwulō tuun / bokiiyyoong'tēē taayeetaab kōōkwēēt /sitākēēbēēr ng'aleek chēē yēmootiin kurubta keey āk inee.²¹ Kunyi ii, boontēēt, -mēē-āsyi keey bichoo, kuuyu mii :alake chēē kēēytēē artam chēē māchē kule kuriibchi Bāwulō kēēlto sukubakach. Kaakwaam :bichoo muumeek kule mākoy kwaam āmnyoo nto kuyye kiy mbo kisich, nteenee ākoy kukas kurook kule kaakubakach Bāwulō. Chōbootiin mbo kuu nyiitēnyi kumāchē kukas kuutiing'uung' ām ng'ālyoontoonoo māchē kusoomiing’.”

²² Yu keewaany :wēēroo ng'aleechaa, kumwoochi :nyēē wōō nyēbo lukēēt kule kuwēēchi keey, nteenee kiikāloonchi kule -māwokumwoochi chii ake tukul kule kāākumwoochi inee ng'aleechaa.

/Kikiiwuuy Bāwulō kuwo Kayisareeya

²³ Nto mii yoo, kukuur :nyēē wōō nyēbo lukēēt kāāyoyoong'ikyii āyēēng' chēbo lukēēt ānkumwoochi kule, “Obchey lukēēt nyēbo biiko chēē yitē bokolwookik āyēēng' kuyeyta keey kuba Kayisareeya. Nto yityo, oyeyte lukēēt nyēē bēētēē faraasi-inék nyēbo biiko chēē yitē tāmānwookik tisab āk lukēēt nyēbo ng'otwēēk nyēbo biiko chēē yitē bokolwookik āyēēng' kuba :tukul Kayisareeya

kwēēmwuuuni ku asiistaab sōmōk. ²⁴ Ōyēytoochi nk-innee Bāwulō faraasiinek cheechii sukuyitita nyēē karaam wōlēē mii :kāāntōōyiintēēt Fēēliikis nyoo iyyoonkyinē yēēmoonooto.”

²⁵ Kisirta :nyēē wōō nyēbo lukēēt barweet kubaeta :bichooto nyēē kimwooyē kule:

²⁶ Kuyityiing' :barwaani inyiing' boontēēt nyēē koonyitoot, Fēēliikis. Āsubooyiing'.

²⁷ Āmāchē ābooruung' kule kinam :Yuutayeech chiichoo, nto yu kikiikuriik kubakach, waararaach :anii āk biikyuu kuuyu kyaakas kule ki chii nyēbo kōōrēētaab Rooma.

²⁸ Nto kuuyu kyāāmāchē ānkēt kule ām nee sukōōtēēyiis :bicho miisin kurubta keey āk chiichoo, ākwēryootē ākoy kōōkwēētaab booyikwaa. ²⁹ Yooto ānkēt kule ākoo kirubtooy keey :riirikwaa āk ng'ālyoo nyēē nāmē keey āk kiruutēkwaa, nteenee kimāmii mbo :lēēlis nyēē kiyemaat /kiitiilchi kume nto mbo /keerat. ³⁰ Yu / kābokēēmwoowoo kule / kēēmiitē / kēēyēchinē ruurumuut kule /keebakach, atiil kule āyokoowu kuchō wōloto imiitē. +Māāmwoochi biiko choo ing'unyng'uung'tōōs kubo inee kule kuyibuung' riirikwaa.

Anii nyoo Kilaawutiyo Lusiiya.

³¹ Kikoonyit :lukoonoo bo booryēēt ng'aleekaab nyēē wōō. Kibeeta Bāwulō kwēēmwuuunooto ākoy wōlēē / kikēēkuurēē Antibaaatri. ³² Yu kāyyēēkunēē, / kēēmwoochi lukēēt nyoo kibo faraasiinek kule kutas taay āk Bāwulō ankooyeeey :chuut kiyēnkuung'waa. ³³ Nto yu kabokuyit

:choo Kayisareeya, kōōkoochi kāāntōōyiintoonoo kibo wōlooto barwaanaa ānkōōyokoochi nkinee Bāwulō. ³⁴ Kisuman :bāytooyiintoonoo barwaanaa ankuteeb kule, “Bo :Bāwulō yēēmēēt nkōnō?” Yu kakas kule ākoo kibo Kiliikya, ³⁵ kumwoochi kule, “+Maakas ng'aleekuuuk, yoo kaakuyit :biiko choo ing'unyng'uung'tōōs kubo inyiing’.” Nto mii yoo, kumwaayta :bāytooyiintoonoo /kēēkwēryoot Bāwulō /bokiimiiny kaab *Ērōōtē /ānkēēriib.

24

Kumii :Bāwulō taayeetaab Fēēliikis

¹ Nto mii yoo, yu kaakukeeyta :bēsyōōsyēk muutu kuchakee /kākēēkwēryoot Bāwulō, kuwo :kibkōrōs nyoo wōō ākoy Kayisareeya. Kiwēēto keey booyik alak āk chiito ake nyēē /kikēēkuurēē Tērtuulō nyēē kikōrōōm ng'alaaleet. Kiyib riirkwaa kuba wōlēē mii :bāytooyiintēētaab yēēmoonooto. ² Yu /kābokēēkuur Bāwulō kuwo kō, kōōyyo :Tērtuulō ānkumwoochi Fēēliikis kule, “Boontēēt nyēbo koonyit, kōōkēēng'ērēkyi :acheek bāytooyiisyēēng'uung' nyēbo tāloosyēēt ām bēsyōōsyēk chēē chaang’. ! Kweeyey nyēē karaam simikas taay ankiiveechweech ng'aleek alak sukung'eet kutas taay :kōōrēēnyoo. ³ Boontēēt nyēē koonyitoot, Fēēliikis, karaam :bāytooyiisyēēng'uung' ām wōlto ake tukul ānkēēng'ērēkyinē ām kēēlto ake tukul kuyitita. ⁴ Nteenee ii, nyēē wōō, āsoomiing' kule -meechaas iyēbchi yiit kiyēē kēēmāchē kēēmwoowuung' ām nwookinto.

5 Boontēēt, mii :chiichi kuyibu nyalilta kōōrooni. Iwuruurootē Yuutayeek ām kōōrēēt kumukuul kuyey wōōrōōryēēt. Inee mbo :nyēē intōōchinē biiko choo kiikoobetyeeny keey ankurub nyoo bo Nāāsārēēt. **6** Kookusyeem mbo subak kunyeeree *Kōōtaab Yēyiin. Kiyeyeec h :ng'ālyoontoonooto keenam.* **8** Kunyi, yoo 'kēēkuumu nkit, +meekas kule ākoo man :kiyēē kēēmwooyē :acheek kurubta keey ākoo chiichi."

9 Kiirōōbēr :nkicheek Yuutayeek kule ki man :ng'aleechaa.

10 Yu kānyōōr :Bāwulō bārooyinto kung'alaal, kulē, "Ānkētē kule ām kēnyiisyēk chēē chaang' choo kookukeeyta, inyiing' :nyēē kwēētiilchinē biiko ng'aleek ām yēēmooniiitēnyi. Kunyoo, ang'erechaat ayeet keey ām taayeeng'uung'. **11** Imuuchē chēēbēēru kule manaakeeyta :bēsyōōsyēk tamanu āk āyēēng' kuchakee kyāāwē :anii Yēērusālēēm wāākutunkyi Yēyiin. **12** Mānāānyōōrwoo mbo :murēchu iyyoong'tēēnoo kōōk ākwiilē keey āk chii ake tukul ām *Kōōtaab Yēyiin nto, mbo āwuruurootē biiko ām kooriikaab saayeet nto, mbo ām wōlto ake tukul ām Yēērusālēēm. **13** Māmii mbo :kiyēē iboorunēē :murēchu kule man :ng'aleechu mwooyē :icheek kurubta keey āk anii.

14 Ānkoo kuwuu nyooto, āchāmchiintōōsii kule ākutunkynē Yēyiintēētaab mbo kuuko kuu chii

24:5 Yēyuut. 17:6 * **24:6** Tinyē :siruutēk alake ng'aleechu: Kikēēmāchē kiikuumu inee kurubta keey āk wōlēē mwooytoooy :kiriutēkyoo. 7 Nteenee kichō :Lusiiya nyoo kāāyyoong'iintēēt nyēē wōō nyēbo lukēēt ānkōōmbōrunēēch, 8a ānkumwooichi biiko choo kiitēēytōōs kubo inee kule kukwa wōlēē imiitē. **24:6** Yēyuut. 21:28

nyēē rubē kēēlooto /kēēmwooyē kule machurtaat. Āyēnchinē kiy ake tukul nyoo chāmchiintōōs āk wōlēē wuu :kitaabuutaab kiruutēk ānku nyoo / kikeesir ām kitaabuutaab *wōōrkooyik. ¹⁵ Āboontēē Yēyiin mooyēēt kuu wōloo wuu :murēchuutēchu kule mākung'ēētyēē meet :biiko choo churtootin ākoo choo bo ng'ōōki. ¹⁶ Kunyi, ātitirē kwaak āriibē keey ku -maayey ng'ālyoo nyēē -mēēng'ērēēchē Yēyiin āk biiko.

¹⁷ Kikyaang'eetee Yēērusālēēm ānkāāminy saang' ām kēnyiisyēk chēē chaang'. Nto yityo, āchōō Yēērusālēēm āyibchi biikyuu chēē bānoon tukuuk chēē kāchāāyēētyēēchinēē ankuchaabeel kōrōsēēk. ¹⁸ Kyāātilil yu kinyōōrwoo :murēchooto ām biiwuutaab *Kōōtaab Yēyiin. Kimāāboontē keey biich chēē chaang' ām wōlooto, āmēēbērē mbo kyāāmiitē āyēyē wōōrōōr ake tukul. ¹⁹ Nteenee kimii :Yuutayeek alake chēbo yēēmēētaab Eesya wōlooto. Yoo icheek chēē kimwooyē, kumāchāktōōs kumii taayeeng'uung' raat bokumwooy kiy nyēē boonto kurubta keey āk anii. ²⁰ Nto yoo māwuu nyoo, kumwooy :murēchuutēchu mii yuutēyu lēēlisto nyēē kinama, yoo kyāāmiitē taayeetaab booyikaab kōōk. ²¹ Tōōs kiito akeenke baateey nyēē miyaat nyēē kyaayey ku yoo kyāāmwooyē kule, 'Kōōyyoong'tēēnōo sōō, kōōk, kuuyu āboontēē mooyēēt kule ng'ēētyēē meet :biiko choo kiikubēk.'

²² Nto mii yoo, kumwooy :Fēēliikis nyoo

inkētē kēēliitēnyēēb Yēēsu nyēē karaam kule, “Kāāyyoong’tē ng’aleechu ākoy kut kuchō :Lusiiya nyoo :inee nyēē wōō nyēbo lukeētaab booryēēt.”
23 Yooto, kumwoochi :Fēēliikis kāāyyoong’iintēēt ake nyēbo lukēēt nyēē kimii yooto kule, “Riib Bāwulō āmēēbērē miisin. Ibākookyinē bārooyinto kisich nyēē kakasee keey āk chōōrōōnuutēkyii / sikēēyibchinē mbo kiyēē māchē.”

Kyoomchi :Bāwulō Fēēliikis āk Turusiila kurubta keey āk Yēēsu

24 Yu kakeeyta :bēsyōōsyēk chēē ng’ēri, kuchōōnto keey :Fēēliikis cheebyoosyeenyii Turusiila nyēē ki Cheebyuutayaa. Yooto, kōōyookto / bokēēkuurchi Bāwulō kuchō yēē kimiitē :inee kumāchē kuyēbchi yiit ng’aleekyii. Nto yitu :Bāwulō, kung’alaalee kule māchē kōōkoosēē keey :biiko *Kāārārookiintēēt Yēēsu.
25 Nto yu kāwokumwooy :Bāwulō kule māchāktōōs kuchurtootiin :biiko, kuriibē keey, anku +/ mākiitiilchi ng’al ām bēsyēēt nyēē mākuchō, kumuy :Fēēliikis. Yooto, kumwoochi Bāwulō kule, “Kutēēniit chooto ra ēē, wē. Imuuchē iwēēchi keey ākoy ākuuriing’ subak.” **26** Kiiyooktooy / kibokēēkuurchinē Bāwulō kibtaman chokwoomēē lōkōōy ānkumāchē kule kuyibchi inee :Bāwulō chēēbkiisyong’.

27 Yu kakeeyta :kēnyiisyēk āyēēnku, kookeer :ake nyēē /kikēēkuurēē Bōrkiiyō Fēēstō bāytooyiisyēētaab yēēmoonoo. Nto kuuyu kimāchē :Fēēliikis kule

koong'ereech Yuutayeeek kubakaakta Bāwulō kurataat.

25

/Kikēēkwēryoot Bāwulō taayeetaab Fēēstō

¹ Yu kakeeyta :bēsyōōsyēk sōmōku kuchakee / kakeetool Fēēstō kōōntōōchi yēēmoonooto bo Yuuteeya, kuwo Yēērusālēēm. ²⁻³ Nto yu kayit, kukwoonchi :mbo kibkōrōs chēē wōōyēch āk kāāntōōyiakaab Yuutayeeek ānkumwooichi riirkwaa kurubta keey āk Bāwulō. Kisoom mbo kule kōōwu Bāwulō kuwo Yēērusālēēm sukuriibchi kēēlto ankubakach. ⁴ Yooto, kukētyi :Fēēstō kule, “Rataat :Bāwulō ām Kayisareeya ānkāāmiitē :anii āwēētii wōōloto ām lēēkitō. ⁵ Yoo ākoo mii :ng'ālyoo nyēē miyaat nyēē kiikuyey, ōmwooichi biikwook alak kukwa wōōloto bokumwooy riirkwaa kurubta keey āk inee.”

⁶ Yu kāākōōbuur :Fēēstō Yēērusālēēm bēsyōōsyēk sisiit nto taman, kurēkto Kayisareeya. Nto yu kāyyēēkunēē, kukuur kōōkwēēt ankumwaayta / kēēkwēryoon Bāwulō kuchō kōōk. ⁷ Yu /kakiyyi-itita Bāwulō, kōōmuutmuut :Yuutayeeek chēē kikiikukwaanee Yēērusālēēm ānkumwooy ng'al chēē chaang' chēē kimāyēētyēēchinē kiy.

⁸ Yooto, kutuuch keey :Bāwulō kule, “Manaayey kiy ake tukul nyēē māchāmē :kiruutēkaab Yuutayeeek, nto anyeeree *Kōōtaab Yēyiin, nto mbo āntosuur *Kayisaar.”

9 Kuuyu kimāchē :Fēēstō kule koong'ereech Yuutayeeek, kuteebee Bāwulō kule, “Ara iyetaat keey iwē Yēērusālēēm suwāāyyoong'tēēniing' kōōk ām wōlooto kurubta keey āk ng'aleechu?”

10 Kukētyi :Bāwulō kule, “Āmiitē :anii raat taayettaab kōōkwēētaab biikaab Rooma yēē yēmāktōōs kule / kiikuumunēēnōo. Mānāāyēchi Yuutayeeek kiy ake tukul nyēē miyaat kuu wōloo inkētitooy :nkinyiing’. **11** Nto yoo ākoo kāmii :kiyēē miyaat nyēē kyaayey nyēē nyoolchoo / keebakachaa, ku -maanyokoor meet. Nto yoo ākoo mwooyē :Yuutayeechu ng'aleek chēē mātinyē manta kurubta keey āk anii, kumāmii :chii nyēē boonto kāāmuukēywēēk kōōyokoochoo icheek. Āmāchē / kiiyokoochoo *Kayisaar.”

12 Yooto kōōrwooch :Fēēstō āk kiirwookikyii, nto mii yoo, kumwoochi Bāwulō kule, “Keemwaay kule imāchē / kiiyokoochiing’ Kayisaar, +mēēwē wōlooto.”

Kyaam :Fēēstō lōkōōy āk bāytooyiintēēt Akiriiba

13 Yu kabokukeeyta :bēsyōōsyēk chēē ng'ēri, kuwo :bāytooyiintēēt Akiriiba āk cheebyoosyeet ake nyēē / kikēēkuurēē Bēērnikē* bokoosubaay Fēēstō. **14** Nto kuuyu kibēēnnnyēē wōlooto bēsyōōsyēk ku chaang', kwaam :Fēēstō lōkōōy āk bāytooyiintoonoo kurubta keey āk ng'aleekaab Bāwulō. Kimwoochi nyiin kule, “Miitē, naas, :chiito ake nyēē kibakaakta :Fēēliikis kurataat.

15 Yu kāwāāwē Yēērusālēēm, kukwoonchoo :mbo

25:9 Yēyuut. 24:27

25:12 Yēyuut. 23:11; 25:21, 25; 28:19

* **25:13** Kituubchēē :Akiriiba kooruuchu: Bēērnikē āk Turusila.

25:14 Yēyuut. 24:27

kibkōrōs chēē wōōyēch āk booyik chēbo Yuutayeeek ānkubokumwoowoo ng'al chēē itēeyēē keey kurubta keey āk chiichi kumāchē kule / kiitiilchi ng'al. ¹⁶ Yooto, āmwooichi bichoo kule mā ātēbuutēkaab biikaab Rooma / kiiruusta chii kumātuuyo āk nyoo riirēē keey kubo inee ānkunyōōr bārooyinto nyēē kayeetee keey. ¹⁷ Nto yu kabokeekwaante keey ākoy wōli, manaakaay keey mbo kisich, nteenee kyāākuur kōōkwēēt kutuuyo ām bēsyēēt nyēē kiikēērē ankaamwaayte / kēēkwēryoon chiichoo kuchō kōōk. ¹⁸ Nto yu kāwokung'alaal :biiko choo kiyibu riirik, kumāmii mbo :ng'ālyoo nyēē kimwooy kule kiyey :chiichoo kuu wōlēē kyāāsōōtitoo. ¹⁹ Nteenee kimwoowoo ng'al chēē kichuunchuunootiin kurubta keey āk wōlēē kisoooytooy :icheek āk subak kurubta keey āk chii nyēē kiikume nyēē / kēēbērē Yēēsu nyēē kimwooy :Bāwulō kule soboot. ²⁰ Kimāātinyē wōlēē +maakuuyte ng'aleechaa. Kunyoo, ateebee inee yoo chāmē / kēēkwēryoot kuwo Yēērusālēēm / bokiikuumunēē wōlooto kurubta keey āk ng'aleechaa. ²¹ Yu kāwokumwooy :Bāwulō kule / takeekanyee ng'aleechaa *Kayisaar, amwaayte / tākēēriib ākoy /kēēkwēryoot kuwo wōlooto.”

²² Yooto, kukētyi :Akiriiba Fēēstō kule, “Āmāchē :anii āyēbchi yiit chiichi.” Kumwooichi :Fēēstō kule, “+Mēēyēbchi yiit tuun.”

Kumiitē :Bāwulō taayeetaab Akiriiba

²³ Nto yu kāyyēēkunēē, kuwo :Akiriiba āk Bēērnikē kuboonto keey biiko alak chēē ki wōōyēch āk chēē kitookunootiin ām

kiriinkoonooto ankootenteen :tukul ākoy kōōk. Kōōyookto :Fēēstō kuut kule /kēēkwēryoon Bāwulō.

²⁴ Yooto, kumwooy :Fēēstō kule, “Bāytooyiintēēt Akiriiba āk biiko tukul choo ōboontē keey, okas chiichi. Kōōkukwoonchoo :Yuutayeeek kuteē yēē tēē ām Yēērusālēēm āk mbo ām wōli bo Kayisareeya kubōlē kule māyēmāktōōs / tākēēkāsē kusoboot.

²⁵ Nto ābērē ārōōtootē, kumāmii :kiy mbo nyēē kiikuyey :chiichi nyēē misyinē / keebakach. Nteenee kuuyu kimāchē :chiichi / kiiyyoong'tēē taayeetaab bāytooyiintēēt nyēē wōō, amwaayte /kēēkwēryoot kuwo Rooma. ²⁶⁻²⁷ Nto ābērē ālē, kumāmii mbo :kiy nyēē āmuuchē asir kurubta keey āk chiichi nyēē +/ mākēēybchi nyēē wōō. Ākāsē kule mā karaam / kēēkwēryoot chii nyēē rataat / āmākiboor lēēluutyēēt nyēē boonto. Kunyoo ii, boontēēt, kāākwēru kuchō taayeeng'woong' akweek tukul nto miisin kuchō taayeeng'uung' inyiing' Akiriiba, sukung'eet yoo kātook :kiy ām wōlēē +/ makeekuuya, +māānyōōru kiyēē +maasir.”

26

¹ Yooto, kumwooichi :Akiriiba Bāwulō kule, “/ Kāākēēyootuung' iyeet keey.”

Kiyeet keey :Bāwulō ām taayeetaab Akiriiba

Kōōtōrōōr Bāwulō āwut, ānkumwooy kule,

² “Bāytooyiintēēt Akiriiba, ang'erechaat ra āyyoonyēē taayeeng'uung' āmwooyē ng'aleek cheē āyēētēē keey kurubta keey āk ng'aleek tukul choo mwooyē :Yuutayeeek kurubta keey

āk anii. ³ Ang'erechaat kuuyu inkētē :inyiing' nyēē karaam ātēbuutēkaab Yuutayeek āk mbo kiyēē keechuunchuunynyēē. Kunyoo ii, boontēēt, āsooyiing' kule imuyte ānkiiyēbchi yiit kiyēē āmitē wāāmwooyē.

⁴ Inkēt :Yuutayeek tukul ām Yēērusālēēm wōlēē kiwuu :soboонnyuu kung'eetee āmining'.

⁵ Kiikōōnkētoo bēsyōōsyēk chēē chaang' ānkōōmuuchē mbo kōōboor, yoo chāmē, kule kyāābooyē *Farisaayeek choo kikōrōōmēch miisin ām riibsēētaab kiruutēk. ⁶ Neennyi / kākiiyyoong'tēēnoo kōōk / kiikuumwoo, kuuyu ākēnēē keey kiyēē kikuurtoochi :Yēyiin mbo kuuko. ⁷ Kumii :Yuutayeek tukul kuyēyē yiisyēētaab Yēyiin bēēt āk kwēēmooy, kōōkēnēē keey kukas kule makuyeyakay kuu yoo / kikēēkuurtoochinē. Boontēēt nyēē wōō, ng'ālyoontooni / kiikēnēē keey :nyēē kayey :Yuutayeek kōōyyoong'tēēnoo kōōk. ⁸ Kunyoo, ātēēbē kule ām nee yu simōōyēnchinē :akweek kule ing'ēētēē :Yēyiin meet chii nyēē kaakume?

⁹ Kyaachamte :nkanii kule asyeem kēēlto ake tukul nyēē kiimuuchāktōōs akwiil Yēēsu nyēbo Nāāsārēēt. ¹⁰ Kyaayey kuu nyooto ām Yēērusālēēm. Ām kāāmuukēywēēk chēē kikōōno :mbo kibkōrōōs chēē wōōyēch, kyāānāmootē biikaab Yēēsu wōlēē wōō ānkāākērtooy kō. Nto yoo / kābokiitiilchi kule /keebakach, ku anii akeenke nyēē kyāāyibē āwut barak āchāmchiintōōsii. ¹¹ Kyāāwēēsyēētōotēē kooriikaab saayeet chēē chaang' āng'woonchinootē biiko ānkāāsyēēmē ākērchi koong' kutayee keey

ng'aleekaab Yēēsu. Kyāākōrōmiitu miisin kut āāchinē mbo kiriinkōōsyēk chēbo saang' wāāwusē alak chēē kimii wōlooto.

¹² Nto mii bēsyēēt ake āām booniinēk chēē wuu chooto, kyāāmiitē āwēētii Tamaasko kukāākukōōno :mbo kibkōrōs chēē wōōyēch kāāmuukēywēēk kule anam bichu. ¹³ Nto makuriik kuyit āsiiswēkaab bēēt, kutāāmiitē kēēltaab too āwēētii ii, mokoryoontēēt, kuchōōnēē :lēbkēēyyēēt barak nyēē kiilēkēchēēchē kusiir asiista. Kikweny yooto kyāāmiitē āk chōōrōōnuutēkyuu. ¹⁴ Kikiiryaaakte keey :tukul, nto mii yoo akas :anii / kēēkuuru āām kuutiinyuu kule, ‘Sāwulō, wē, Sāwulō, ‘kēē-āāmchoo nee? Nto yu ‘kēēlityi keey ng'ot, yoo imiitē iwēēkyoo keey kuu nyooto.’

¹⁵ Yooto, ateeb kule, ‘Inyiing’ ng'oo ōō, mokoryoontēēt?’ / Kēēkētwoo kule, ‘Anii Yēēsu, nyooto imiitē ibārē. ¹⁶ Kunyi, ng'eet. Kāābooruung' keey saakweying' iyēku motwooriintēēnyuu ankiimwaaytaate kiyēē ‘keekas kurubta keey āāk anii āāk mbo kiyēē +māābooruung’. ¹⁷ +Māāriibiing' yoo keenyaliliing' :biikuuk āāk choo mā Yuutay-eek. Āāmiitē wāāyooktiing' ¹⁸ isōōwunootē icheek kuweeksee wōlēē mii :mēēnānēēt kukwa wōlēē mii :lēbkēēyyēēt ankung'eetee :rātiisyēētaab Kibrōkōsyoontēēt kukwa wōlēē mii :Yēyiin. Yoo keekaaseenaa keey :bichoo, +māānyōōchi kaat / āākiiyiityi wōlēē mii :choo kyāātiliiil.’

¹⁹ Kunyoo ii, bāytooyiintēēt Akiriiba, manaatay :anii āyēnchi ng'oong'uutyoonoo kichōōnēē

26:11 Yēyuut. 8:3 **26:18** Yēyuut. 9:1-22; 22:5-16 **26:18** Yēyuut. 14:15; 10:43; 1Kōōr. 1:2; 6:11; 2Kōōr. 4:6; Ēfēēs. 5:8; Kolos. 1:13; 1Tēēs. 5:4-5; 1Bēt. 2:9

barak. ²⁰ Kyāā-āmchi kurook biiko chēē kimii Tamaasko kule kuweeksee choolwookātēēng'waa ankucham Yēyiin ānkōōboorunēē yēyuutēk kule kiikuweek. Nto yityo, chāā-āmchi nkicheek chēbo Yēērusālēēm āk chēbo Yuuteeya kumukuul āk mbo bōrōryōōsyēk tukul choo kimā Yuutayeeek. ²¹ Ng'ālyoontoonooto :nyēē kiyey Yuutayeechu kunama āmiitē biiwuutaab *Kōōtaab Yēyiin ankusyeem kule kubakachaa. ²² Nteenee kiyēētyēēchinoonwoo :Yēyiin ākoy kura. Kunyoo, āmiitē ra kāāyyoony yuutēyu ā-āmchinē lōkōōywēchu biiko chēē minkēēch āk chēē wōōyēch. Mēebērē āmiitē āmwooyē chēē kaatasee kusiir choo kimwooyē *:wōōrkooyikaab Yēyiin āk *Muusa kule makuyeyakay. ²³ Kimwooy kule makunyalil *:Kāārārookiintēēt anku inee :nyēē mākuyēk nyēbo taayta / kiing'eetee meet kwoorōōrchi Yuutayeeek āk mbo choo mā Yuutayeeek lēbkēēyyēēt."

²⁴ Yu kāmwooy :Bāwulō ng'aleechaa, kunam kuut :Fēēstō ānkulēēnchi, "Kāākubunuung' mēt, wē, Bāwulō! Kaakuyeying' :sumanaanaang'uung' kooraan :mētit." ²⁵ Kukētyi :Bāwulō kule, "Fēēstō, boontēēt nyēē wōō, mānāābunwoo :mēt mbo kisich. Kiyēē āmiitē āmwooyē ku kiy nyēē yemaat anku bo manta. ²⁶ Inkētē mbo :nkinee bāytooyiintēēt kubooyiit man ng'aleechaa kuuyu mēebērē kiyēyāksēē wōlēē kimābo laat. Kunyoo, āmuuchē mbo āmwoochi nkinee nyēē māmii :muyātēēt.

27 Boontēēt, bāytooyiintēēt Akiriiba, iyēnchiintōōsii :inyiing' āk ng'aleekaab *wōōrkooyik? Ābērē iyēnchiintōōsii." **28** Kukētyi :Akiriiba kule, "Lēēkit iweechaa āyēku chiitaab Kiriistō." **29** Kuwälchi :Bāwulō kule, "Yoo kā lēēkit, nto ku lōō, āsooyē Yēyiin kule māyēk inyiing' baateey :nyēē kaweeek, nteenee chii ake tukul nyēē mii kuyēbchinē yiit kiyēē āmwooyē sookerkeyiit uanii, nteenee baateey kēētēērchiinē kubo nyōrōōrōōnichu."

30 Kōōyyo :Fēēstō, Akiriiba āk Bēērnikē ākoo mbo nkicheek choo kibonto keey tukul ankuba saang'. **31** Kibokumwooichiin kule, "Ntēē māmii :chiichi kuyēyē ng'al chēē yēmāktōōs /keebakach, nto mbo kule /keekerta kō." **32** Yooto, kumwooichi :Akiriiba Fēēstō kule, "Nto kāmānāāmwooy :chiichi kule /bokiyyoong'tēē taayeetaab *Kayisaar, nto /kaakiityaakta."

27

Kiweētēē Bāwulō mwēēnkēēt ākoy Rooma

1 Nto mii yu /kikiikiitiil kule keebe kōōrēētaab Itaalya, /kiiyokoochi Bāwulō āk kibratiisyek alak chiito ake nyēē /kikēēkuurēē Yuulyō nyēē ki nyēē wōō nyēbo lukēētaab kaab *Kayisaar.

2 Yooto, keelaany mwēēnkēēt nyēē kitākyinē keey Atiramiito nyēē kimii wokumurē kiriinkōōsyēk chēē kimii sakaramteet nyēbo yēēmēētaab Eesya. Kikēēboontootē keey

Aristaarko, chiitaab Maketoonnya nyēē kichōōnēē Tēēsālōōnikē.

3 Yu kāyyēēkunēē, keeyit Sitōōn kosolēny. Yooto, kuyēchi :Yuulyō Bāwulō nyēē karaam kuchāmchi kuwo wōlēē mii :chōōrōōnuutēkyii /sikiikoochi kiy nyēē kāyēētyēēchinēē keey. **4** Nto mii bēsyēēt nyēē kiikēērē, kēēng'ēētyēē yooto subak ankeenam baanta ām mwēēng', nto kuuyu kitākyēēch keey :wusōōnēēt nyēē nyikiis, keesyeb komosta nyēē kiiyeelaat nyēbo Kubrō ānkēētākyi keey tō. **5** Nto yu kikiikeebeetee mwēēnkēēt keekeeystee sakaram-teetaab yēēmēētaab Kiliikya āk nyēbo Bamfulyaa, keeyit Muura, *kiriinkēēt nyēē kimii yēēmēētaab Lukiiya. **6** Kinyorta yooto :chiichoō ki wōō nyēbo lukēēt mwēēnkēēt ake nyēbo *kiriinkēētaab Alek-isaantrya nyēē kimii kuwēētii Itaalya. Yooto, kum-woowēēch kule keelaany mwēēnkoonoo.

7 Kiwuuiityēēch :baanta miisin nto bokēēyitē Niitō. Nto kuuyu kiitaayeeneech :wusōōnēēt keetas taay āk kēēloo, keeweech keey kēētākyi keey cheeronko ankeerub wōlēē kimāwusunēē :yoomeet ām Kērēētē. Kikēēmur yēēt ake yēē / kikēēkuurēē Salmoone. **8** Kinyikisyēēch :wusōōnēēt miisin yu kākēētākyi keey tinkeey. Kikeebe ām wuuyinto kut bokeeyit yēēt ake yēē / kikēēkuurēē ‘Sakaramteet nyēē Yimu’ nyēē kileēkitēē *kiriinkēētaab Laseeya.

9 Kikiikiiboot āsiiswēk chēē chaang' kubo wusōōnoonoo ānkimii wokumiyātiitu :baanta kuuyu kimii kuriiku :bēsyōōsyēk chēē kōrōōm

:wusōōnēēt.* Yooto, kumwooy :Bāwulō kule,
 10 “Murēchu, nto yu ākāsē kule mii wokumiyātiitu
 :baani. Yoo katakeetas taay makunyeerakay
 :mwēēnkēēt ānkubootyo :tukuuchu mii mwēēng'
 ānkiiboot mbo soboonwēkyoo.” 11 Kitay :Yuulyō
 kiyēē kimwooy :Bāwulō ankucham ng'aleekaaab
 chiitaab :mwēēnkēēt āk chēbo nyēē kiiyyoonkyinē
 mwēēnkēēt. 12 Nto kuuyu kimāyēmāksē
 kōōbuur yooto bo sakaramtaanaa kut kukeeyta
 :bēsyōōsyēkaab wusōōnēēt, kookaykaay :biiko
 wōlēē wōō kule keetas taay ākoy Fōyinikē.
 Ki sakaramteet :nyiitēnyi ām Kērēētē nyēē
 kikaraam bokiimuunyēē ānkiimuuchē :chii kuyityi
 kubununēē tinkēēywōōsyēkaab cheeronko nto
 nyēbo tō.

13 Nto yu kāwus :yoomeet muut nyēbo
 komostaab cheeronko, koosoot :icheek
 kule kāākuyityin :kiyēē kiisōōtē. Kunyoo,
 kootyaach mwēēnkēēt ankutas āk baanng'waa
 kung'oosng'oosyootēē sakaramteetaab Kērēētē.
 14 Nyēē mā tyaa, kuchō :wusōōnēēt nyēē nyikiis
 nyoo /kikēēkuurēē ‘Tō-koong'asiis’ nyēē kiwusunēē
 Kērēētē. 15 Kunyoo, kikirkir mwēēnkēēt
 kut keechamte keey / keetwaareech. 16 Yu
 kābokēēmur sakaramteetaab kōōr kisich nyēē
 kiikwēēn :bēy nyēē / kikēēkuurēē Kauuta,
 kyaam booryēēt kut kiichuutu mwēēnkēēt
 nyēē mining' nyoo kiichuutootē :nyoo wōō
 kuchō nyiin āriit. 17 Yu / kikiikiichuut kuchō
 āriit, / keekwiiliil mwēēnkoonoo ki wōō kuyaam

* 27:9 Mwooyē :yuutēyu kule yoo kaakukeeyta :bēsyēēt nyoo
 /kēēkirē āmiisyēēt. 27:10 1Kōōr. 11:26

kule tetete. Kuuyu kinyōkōriitu :bichoo kule imuuchē koonach :mwēēnkēēt ng'aayneet nyēbo sakaramteetaab Liibya, kuwiirchi araaray kiito ake nyēē kiichuchuuyē baantaab mwēēnkēēt ānkubākookyi yoomeet kōōrēētoot mwēēnkēēt. ¹⁸ Kitas taay :wusōōnoonoo nyikiis kuwus. Nto yu kāyyēēkunēē, / kēēmēto tukuuk ām mwēēng' kule sukukuskusisit :mwēēnkēēt. ¹⁹ Nto bēsyēēt nyēē kiikēērē, / keewiirta mbo tukuuk choo / kikēēkwoonyēē mwēēnkēēt āk tukuuk chuut alak tukul. ²⁰ Kituuluunkēēnoot :wōliin bo barak ām bēsyōōsyēk chēē chaang' nyēē / kimākēēkāsē asiista nto mbo kookeelik. Kitas taay yooto tukul :wusōōnēēt kwaawesiit, nto yityo, kubēk :moonikyoo kule ākoo -mēētākōōmuuchāktōōs / kiiraraacheech.

²¹ Yu kikiikumisyo :moonik nyēē kimēēmāchē :chii kwoomiis, kōōyyo :Bāwulō ānkulē, "Murēchu, nto kōōkāswoo yoo kāāmwoowook kule -mōōng'ēētyēē Kērēētē, nto kāmāāmook :kiy nto kāmōōbootē kiy. ²² Nteenee āmwoowook kule ōkich, kuuyu māmii :chii nyēē makume, nteenee makuburyet :mwēēnkooni. ²³ Kōchōōnchoo *:malayikeetaab Yēyiintēēnyuu nyoo āyēchinē yiisyēēt kwēēmooy ānkumwoowoo kule, ²⁴ 'Bāwulō, -mēēmuy, +/ mākiyyoong'tēēniing' taayeetaab *Kayisaar ankaakuriiree :Yēyiin biiko choo ūboontootē keey ām mwēēng' nyēē mākoy kubēk.' ²⁵ Kunyoo ii, murēkyoo, ūkiilyē, kuuyu ākoosēē keey Yēyiin kule makuyeyakay kuu yoo kāākumwooytoowoo. ²⁶ Nteenee +/

makeetwaareech ākoy kōōrēēt ake nyēē kiikwēēn :bēēko.”

²⁷ Kitas taay :wusōōnēēt kutwaareech ām Araaraytaab Metitereennya.† Nto mii yu makuriich kwēēmooy kwēēn ām kwēēmowuutaab taman āk ang'wan kukeeyiimeech :wusōōnēēt, kumach kōōnkēt :biiko choo kimii mwēēng' kule kikiikuriik keeyit kōōrēēt. ²⁸ Yooto, kuwiirta kiito ake nyēē nyikiis nyēē / kikiikēērātyi bōrōōwēēt sukukasee wōlēē tēē :bēēko. Nto bērē kulē, kiyitē fuutiinēk bokol āk tibtēm kuwo ng'wēny. Nyēē mā tyaa / kiiyokooyto subak bōrōōwoonoo. Nto bērē /keēlē, ku fuutiinēk sokool. ²⁹ Kikēēmuuyē kule imuuchē :mwēēnkēēt kuryaach rwoontōōk choo lēēkitēē sakaramteet. Yooto, kiiyokooytē karnaak ang'wan / kiiyyoong'tēē mwēēnkēēt ankeesaay kule kuyyēēkyēēch. ³⁰ Kisyeem :biiko choo kimii kōōrēētotoē mwēēnkēēt kule kumwēy. Kinam mwēēnkoonoo ki mining' nyoo kimii nyiin āriit ankuyey keey kule kimii kōōyokooytooy karnaak alak choo / kiiyyoong'tēē mwēēnkēēt, nteenee ākoo kimāchē kule kumwēēē kiyooto. ³¹ Nto mii yoo, kumwooichi :Bāwulō Yuulyō āk biikyii bo lukēēt kule, “Yoo kāmēēbuur :bichu wōlēēb mwēēnkooni, ku -mōōsobtōōsii.” ³² Yooto, kutil :bichoo bo lukēēt bōrōōk chēē / kikikēērātiisyēē kōōsuuyto :mwēēnkoonoo ki mining'.

³³ Nto yu mākōōrir :kōōrēēt, kumwooichi :Bāwulō biiko kule, “Ām bēsyōōsyēēk chēē yitē taman āk ang'wan choo kookukeeyta, kwoobeetee kuut

^{27:26} Yēyuut. 28:1 † ^{27:27} /Kikēēkuurē kēny kule Araaraytaab Atiriiya.

ānkōōruuyē kuut. ³⁴ Kunyi, āmwoowook kule ō-āmiisyē sōōnyōōru nkuruuk sōōsobchē kuuyu māmii :chii mbo akeenke ām akweek nyēē makume.” ³⁵ Yu kēēwoong' :Bāwulō ng'aleechu, kunam mukaatiit ānkubirchi Yēyiin kōōnkōy ām taayeetaab bichooto. Nto mii yoo, kubetes ānkutoow kwaam. ³⁶ Kikimkimiitu :bichoo ānkwoomiis :nkicheek. ³⁷ Kikēēyitē :tukul chēē kikēēmiitē mwēēng' biiko bokolwookik āyēēng' tāmānwookik tisab āk lo. ³⁸ Yu kikiikwoomiis :bichooto tukul kut kubiyoong'iis, kumētyi nkoonuuk araaray sukukuskusiit :mwēēnkēēt.

³⁹ Kuyyēēchē :kōōrēēt, maneemuuch :icheek kōōnkēt kōōrēēt nyēē kikas, nteenee kikas yēēt ake yēē kiiwulta keey :bēēko yēē kitinyē ng'aayneet yēē / kikiitiil kule bokōōyyoong'tēē mwēēnkēēt yoo keemuuchakay. ⁴⁰ Yooto, kootichtiich karnaak choo / kiiyyoong'tēē mwēēnkēēt ankootyaach tukuuk chēē / kēēwēēchwēēchēē mwēēnkēēt. Nto mii yoo, kōōtōrōōr tukuuk chēē toochē yoomeet sukung'eet kuwusto :yoomeet mwēēnkēēt wokōōyyoonyēē sakaramteetaab araaryta. ⁴¹ Kitākyi mwēēnkēēt koonach ng'aayneet nyēē kikiituulākoy kukiilchi :sēruutaab mwēēnkēēt yooto ānkutōōr :wusōōnēēt bēēko kwiiiri komostaab saaruuryeet.

⁴² Kichōb :biiko choo kibo lukēēt kule kubakach kibratiisyek sukung'eet mābir bēēko kumwēē. ⁴³ Nto kuuyu kimāchē :Yuulyō kule kōōsoob Bāwulō, kuyeetee bichoo kuyey kuu wōloo kākāākuchōbto. Yooto, kumwooichi chēē kiimuuchē kubir bēēko kule koonto

kubiroot bēēko ākoy taban. ⁴⁴ Nto choo king'ēt, kimāchāktōōs :choo kubeetee keetiik choo kibētēkunēē keey mwēēnkēēt. Kiyit :biiko tukul taban ām kēēlwookichooto tukwaay nyēē manaam :kiy ake tukul.

28

Kikeeyit kōrēētaab Maalta

¹ Nto mii yu kabokeeyit araarayta taban, kēēbēēru kule ākoo ki Maalta :kōōroonoo kikiikwēēn :bēēko. ² Kitoroocheech :biikaab kōōroonoo nyēē karaam. Nto kuuyu kimii :roobta ānku kaytit :kōōrēēt, kōōloowēēch maata. ³ Kiwokukweyaat :Bāwulō kweenik alak, nto yu kēēkoochi ma, kusiikunee :eereeneet kweenichaa yu kasyool :maata ānkunoynoochi keey āwutaab Bāwulō. ⁴ Yu kakas :biikaab kōōroonoo kuu nyooto, koosoot kule, “Ākoy ku rumiin :chiichi. Ānkoo kaakoomuuch kuchililee meet nyoo kātānyōōru ām araaray, tākurubē :mnyaat.” ⁵ Nteenee kileleka :Bāwulō eereeneet kōōsuuchi mā nyēē manaam inee :kiy. ⁶ Kiisōōtē :biiko kule makookwa :āwut nto kule makooryaakta keey ankume. Kikānyiis :bichooto kulōōyiit kumāchē kukas kiyeē makuyeyakay. Yu kukas kule māmii :kiyēē kaam Bāwulō kulē, “Tōōs āynāt :chiichi.”

⁷ Kimiitē yooto :mbareetaab chiitaab kōōroonooto. Kitookunoot :chiichoo /ānkikēēkuureē Bubliiyō. Kitaacheech :chiichoo ām mooyēēt nyēē lēēl kebe kanyii ānkuriibēēch nyēē karaam bēsyōōsyēk sōmōk. ⁸ Kimnyoonē :kwaaniitaab

chiichooto ām kō ānkimii kāru kitointiri. Kilāyēē :maat ānkōōbuuntooy :mooyēēt. Wokoorwaam :Bāwulō ānkutiinyēē āwunnyēk ānkusoochi. Yooto, kusob :boontoonoo. ⁹ Yu kakas :biikaab kōōroonoo chēē kimnyoontoōs, kukwa wōlēē mii :Bāwulō ānkōōsoob. ¹⁰ /Kikēēkoonyitēēch ām kēēlwookik chēē chaang'. Nto yu kikēēmiitē kēēchōbē keey sikeebe, kukōōnootēēch :bichoo tukun chēē chaang'.

Kikeebe Rooma

11 Yu kābēk :ārook sōmōku, kēētoowu baanta subak. Kikeelaany mwēēnkēēt ake nyēbo *kiriinkēētaab Alekisaantrya nyēē kikiimuunyēē kōōroonooto kule kukeeyta :wusōōnēēt. / Kikēēkuurēē mwēēnkoonoo “Āynātōōs saram Kastoor āk Bolukis.” 12 Kikeebe ākoy yēēt ake yēē / kikēēkuurēē Sirakuusa ānkēēbēēnii yooto bēsyōōsyēk sōmōk. 13 Nto bēsyēēt nyēē kiikēērē, keebe ākoy Rēkiyō. Nto yu kāyyēēkunēē, kuwusunēē :yoomeet komostaab sōōy kuchaakteeneech ākoy *kiriinkēētaab Bōtyōōli. 14 Kikeenyoorte wōlooto bo kiriinkoonoo mbo ng'eetaabiya alak chēē kitaacheech kiibuurte keey ām bēsyōōsyēk tisab. Nto mii yoo nanyuun, keebeetee kērēēnkōōk kēētākyi keey Rooma. 15 Yu kāwokukas mbo :ng'eetaabiya ām wōlooto bo Rooma kule kikēēmiitē kēēkwoonii, kutōrōōkwēēch. Kikānyiis :alake yēē / kēēkuurē kule “Kooriik sōmōk chēē / kiimuunyēē,” nteenee kikēēw :chuut ākoy yēē / kēēkuurē kule “Sōkōōniitaab Ābiiyō.” Yu kāwokōōbuurto keey :Bāwulō bichoo, kubirchi Yēyiin kōōnkōy. Kiye yooto inee kukich. 16 Nto yu kabokeeyit Rooma,

/ kēēchāmchi Bāwulō kōōbuur nkit āk riibiintēēt akeenke.

Kyaamtaat :Bāwulō ng'ālyoontēētaab Yēyiin kuriiboot

¹⁷ Yu kakeeyta :bēsyōōsyēk sōmōku kukakeeyit Rooma, kukuur :Bāwulō kāāntōōyikaab Yuutayeek. Nto yu kikiikōōruruuch keey, kumwoochi :Bāwulō icheek kule, “Mbo ng'eetaabiya, mānāākōchōnkyi biikyoo nto mbo ātēbuutēkaab mbo kuuko. Ntee-nee / kikeenama ām Yēērusālēēm / ānkiyokoochoo biikaab Rooma. ¹⁸ Kōōkuumwoo :bichoo anku-mach kule kootyaaktaa kuuyu kimāmii :lēēlis ake tukul nyēē kinyoolchoo /keebakachaa. ¹⁹ Nto yu kabokukwiil :Yuutayeek /kiityaaktaa, akas kule kaykay / kiiyyoong'tēēnoo taayeetaab *Kayisaar, ānkoo kimāmii :kiy nyēē miyaat nyēē chāāmwooyē kule kiyēwoo :biikyuu. ²⁰ Ng'ālyoontooniitēnyi :nyēē kayeya amach kule akasaak ūū, booyichu. / Kakeerateenaa nyōrōōrōōnichu kubo nyoo ikēnēē keey :mooyēētaab Isrāyēēl kumukuul.”

²¹ Yoto, kukētyi :bichoo Bāwulō kule, “Nto yu mānāākēēnyōōru :acheek ng'ālyoo ake tukul nyēē chōōnēē Yuuteeya nyēē rubtooy keey āk inyi-ing'. Mānāāmwoowēēch :mbo ng'eetaabiya cheēē kwoonēē wōloto kiy ake tukul nyēē miyaat nyēē rubtooy keey āk inyiing'. ²² Nteenee kēēmāchē keekas kule imwooyē nee :inyiing', kuuyu mii :biiko wōlēē wōō kung'āloolē nyēē miyaat kurubta keey āk bichēēb Kiriistō.” ²³ Kunyoo, kichōb :bi-chooto āk Bāwulō bēsyēēt nyēē mākutuuyo.

Yu kayit :bēsyoonoo, kukwa :biiko chēē chaang' wōlēē kitēbunēē :Bāwulō. Kiirwookyi :Bāwulō kwiimēn. Kiiboorchi ng'ālyoo kurubta keey āk bāytooyiisyēētaab Yēyiin ānkuyēyiisyēē siruutēkaab *Muusa āk chēbo *wōōrkooyikaab Yēyiin kōōboorchinēē biiko kule ki *Kāārārookiintēēt :Yēēsu. ²⁴ Kichāmchiin :alake āk ng'aleekaab Bāwulō, nto alak kutāchiin. ²⁵ Kibēētii :bichoo kukwiilootē keey kubo ng'aleechaa kikiukukas āk yu kāwokumwooichi :Bāwulō kule, "Kimwooichi :Tāmirmiryēētaab Yēyiin mbo kuukoong' manta, yoo kimwooyē kubununēē wōōrkooyoontēēt *Isaaya kule,

²⁶ 'Iwē wōlēē mii :bichu ānkuwēēmwooichi kule:

Yoo kōōyēbchi yiit,
-mōōkāsē kiy.

Nto yoo kookasee koonyek,
-mōōkāsē kiy kubooyiit man.

²⁷ Kuuyu wuuyēch bichu :mētēwoy,
ānkumoolootiin :yiitin,
ānkināmākiis koonyay.

Nto kiimuuchē :koonyek kukasta,
ānkuyootootiin :yiitiik,
ānkōōnkēt :icheek,

nto kiikuweek kuchama,
saang'eet :anii,
āsoob icheek.'†

^{28:23} Luuka 11:2; Yēyuut. 1:3; 8:12; 19:8; 20:25; 28:31 † ^{28:27}
Isaaya 6:9-10 ^{28:27} Mat. 13:15; Māārkō 4:12

28 Kunyi, āmāchē āboorwook kule kookucham :Yēyiin kooraraach biiko choo mā Yuutayeek ānkumākuyēbchi yiit :icheek ng'aleechaa.”*

30 Kiibuur :Bāwulō wōloto kēnyiisyēk āyēēng' kutēbunēē kōonyii nyēē kikwēytooy kiy. Kitoochē biiko tukul choo kāruutoon **31** ānkwoomchinē ng'ālyoontēēt nyēē māmuyē kurubta keey āk bāytooyiisyēētaab Yēyiin, ankooneet mbo kurubta keey āk Mokoryoontēēt Yēēsu Kiriistō.

* **28:28** Tinyē :siruutēk alake kērēywoontēētaab 29: Yu keewaany :Bāwulō kumwooy ng'aleechaa, kung'ēētyo :Yuutayeek ankuba. Kikwiilaat keey nyēē kōrōōm miisin. **28:28** Luuka 3:6; Yēyuut. 13:46 **28:31** Yēyuut. 28:23

Biibilya Nyēē Tiliil New Testament in Sabaot (KE:spy:Sabaot)

copyright © 2011 Wycliffe Bible Translators, Inc.

Language: Sabaot

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9966002030

The New Testament

in Sabaot

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

c68c9dca-518f-544b-a52e-82240cf64928